

11 L


Ca 400.

Grobianus /
Von groben sitten / vnd vn̄
höflichen geberden / Erstmals in La-
tein beschrieben / durch den wolgeler-
ten M. Fridericum Dedekindum / vnd
jetzundt Verdeutschet durch
Casparum Scheidt von
Wormbs.



Liß wol diß Bächlin offte vnd viel /
Vnd thu allzeit das widerpiel.

1 5 5 3.



Dem Aichtbarn
vnd Wolgelernten Herrn
Friderico Dedekindo, artium

Magistro &c. meinen vnbe-
kanten willigen dienst.

WIR zweiffelt nicht/
Wolgelerter **F R I D E R I C H**
R I C E / es werde euch zum theil
befrembden / von einem / so von euch nie erkant odder gese-
hen worden / Grusz odder Brieff zu entpfahen / viel mehr
aber verwundern / dß ich ewer Bächlin den Grobianum /
welchen jr vor zwey jaren in Latein beschrieben / vnd von
euch selbst / so jr gewölt / in Deudsch Reimen oder Prosa
het bracht mögen werdē / Verdeutschet / vñ in truck geben
hab. Doch so jr gedencfē / das an ein vnbeantent zu schrei-
ben nicht new / vnd Latinische Bücher zu vnsern zeiten / so
das mittel der Truckerey erfunden / inn die Sprachen
welcher sich das grösser theil gebraucht / zu Transferirē
gar nicht selzam ist / wird euch mein guter will vnd neig-
ung gegen euch weder frembd noch wunderlich bedun-
cken. So viel aber die Verdeutschung belangen möchtes
hat die selbig mich / vnd viel andere bessers vrtheils / nicht
weniger denn die Erste Composiz notwendig angesehen.
Denn so in jezwerenden zeiten viel ding / so keins lobs
würdig / auff's höchst gelobt müssen werden / warumb
wolten wir denn nicht auch die grobe / bewrische / vnzüch-
tige sitten / die wol von den Alten allweg gescholten / aber

mit von dem größten hauffen vnd meisten theil geübet / ge-
lobt / vnd für ein schönen wolstand geacht / vnd in viel len-
dern getrieben werden / mit allerley Sprachen preisen vñ
rhämen. Denn sie sind so gröblich geseet / vnd so tieff ein-
gewurzelt / das sie allenthalben / allzumol geraten / vñnd
mit hauffen auffgehen / das niemand solche schöne Kreu-
ter außrotten will / kan / oder darff. Dardurch es dahin
gerahten / das wir auch des halben von andern Nationen
gar Adelige / subtile / vnd höfliche namen / als Porco te-
desco / inebriaco / Aleman yurongue / vnd andere mehr schö-
ne Tittel erworben / das ist / Teutsche volle Sew / vñnd
grobe volle Teutschen / Comedones vnd Bibones genant
werden. Es müssen vns je solche namen wol gefallen / das
wir den vrsprung / darvon sie entsprossen / nicht vermeidē.
Es haben gleich wol auch andere Nationen ihr sondere
gröbere vitia / Aber es will vns vnser fähl mit ander leu-
ten lastern zu beschöner / nicht wol gebüren / Vnd ist wol
zu glauben / als die Poeten geschrieben / die Guldin zeit /
da zucht / ehr / vnd erbarkeit werder vnd höher denn Gold
vdder gut gehalten worden / sey weit für vber / vñnd nicht
mehr bey vns / die wir immer ärger vñnd böser werden /
zu verhoffen. Es wolt denn jemand sprechen / es wer die
recht Guldin zeit eben jezund / vñnd möchte schier gewin-
nen / so erfürbringen wolt / wie das von anbegin der welt
her (als in allen Heiraten / Henslen / Handwercken / Steu-
den / vnd Geschlechten scheinbar ist) das Gold nie so lieb
vnd werd gehalten / vnd begert worden / Das nicht vnbil-
lich die Medici gesagt / das Golt sterck vnd erfrewe das
Hertz. Man sihet je Augenscheinlich / das viel geizige
Fülzen / ein verknüpfsten versperten Sack mit Selt / der
edlen gesundtheit fürsetzen / vñnd alle die ihenigen / so des
Golds vñnd Seltz mangeln / vnwerdt vñnd verworffen
sind / vñnd vor den grossen Hansen / die all vmb das Fewe
sigen / sich nicht wermen können / darvon der Poet Duidi-
us recht gesagt in seinem gedicht.

Homere

Homere k̄amstu selber schon/ Vnd hetst die Musas mit
dir gohn. Ich sag dir/ br̄achstu nichts mit dir/ Man
stieß dich warlich für die thür. Ja nicht allein Homerus/
k̄ome Christus selber wider/man ließ in nicht ein/es wür
de jm kaum mehr so gut/ das man in im R̄uhstall sein le
ger haben ließ/so er sich vorhin auff Erden beklagt/er ha
be nicht da er sein Haupt hinlege. Diß sage ich nur/das
so bald der Mammon die groben steinechten Herzen ein
genommen/vnd für ein Gott gehalten wird/ treibt vnd
verjagt er alle tugent hinwegt/ vnd besetzt die statt mit
lastern vnd vnbilligkeit. Darumb Diogenes nicht vn
billich ein Question bewegt/ Warumb wir ehe den kr̄up
len vnd Aussätzigen vnser Almosen geben/denn den geler
ten vnd weisen/so die selbigen arm vnd dürfftig vns für
k̄omen/Vnd soluiert sie also/ Das wir nemlich (vnser
groben vnordenlichen lebens halben) eh besorgen wir
werden trum/lahm/vnd Aussätzig/denn gelert/ weiß/od
der geschickt. Aber solt Diogenes widerkomen/ er wür
de bald sagen/man ließ beide die gelerten vnd andere ar
men not vnd mangel haben. So ist die leidig aller sched
lichste Fülleren vnd trunckenheit inn ein solchen schwanc
k̄omen/das vnser leben ein lauter voll sauffen worden/vnd
wer nicht ein Weinschlauch sein will / sol keiner gesell
schafft gehen/odder doch vber maß vnd Natur (die doch
mit wenig zu frieden ist) trincken/ odder wol geschumpft
fiert/gescholten/wo nicht geschlagen werden muß. Vnd
wird fürwar die mißbrauchung solcher gaben/ deren viel
ort mangeln/vngestraft/odder auffss wenigst vnuerma
net zulassen/ mit gutem gewissenicht zu verantworten/
sonder entweders mit klarer verstendiger ermanung/ so
die selbig (das selten geschicht) statt haben möcht/odder
auffss wenigst mit verdeckten subtilen/ja/ Maß vnd seind
schafft zu vermeiden/etwann mit scherz vnd k̄urzweili
gen/doch straff bringenden Worten/zu r̄üren sein. An gu
ter vnderweisung ist kein mangel/ aber wie Persius sagt
inn seiner Ersten Satyra/ Wer will solche warnung le

sen? Niemandt/warlich niemandt einer odder Zwen oder
gar niemandt/das ist schentlich vnd zu erbarmen. Wolan
so muß man sie wie die Arzet die Pillulen mit Zucker vñ
Gewürz bedeket/den Krancken darreichen / vñ vnder
dem schein eines süßen Puluerlins/ auch das bitter zu ih
rem nutz vñd gesundheit einbringen. Auch wie man offte
an einen grossen Herren/der mit Tyrannen/ Zorn/ Hoffart
böser begierd/oder anderen Lasteren beslecket / pflaget zu
schreiben/wie er so ein feiner/ Miltter/tugentsamer/vñd
frommer Herr sey/das seines gleichen hart zu finden / vñ
streichen in so schön auß/das er in sich selbst geht/ vñd sich
erkennet/im widerspiel/das ist/in seinen lastern/ vñd eben
der selbig wird/wie man ihn beschreiben vñd haben wolt.
Also muß man diß Grob/vñuerstendig/Hülzen/vngeho
belt Volck/das weder gelerten Alten erbarn Leutē/ noch
Obern oder Ampts verwanten/einiche Ehr/vñd erthenig
keit/odder Reuerenz beweiset/vñd freilich auß den har
ten Steinen Pyrrre vñd Deucalionis gewachsen/zu wei
len loben/vñd wie auch in diesem Büchlin geschicht / ire
sitten vñd weiß sehr rhümen/vns aber darneben bereden/
so sie von einem so gar vnstetigen/schendtlichen / groben
Esel/als der wußt Halsstarrich Thersites beim Homero/
der wußt vnhöflich Baror inn dem leben Aesopi/der schen
lich Cham/der sein Vatter Noah vor seinen Brüdern be
schemet/so natürlich Abcontrafseit/vñ mit so groben/ dick
en vngeribnen farben Patroniert sehr oder hören würdē/
sie möchten sich vor solcher vnform entsetzen/vñd sich dar
für hüten/vñd als vor einem schedlichen Safft ein graw
en haben/damit nicht alle Ler in ein Steinecht/verdorret/
vnfruchtbar Erdtrich siele/vñd kein Frucht brechte / Als
Denn were D. Friderice erstlich ewer fleiß vñd arbeit nach
mals die mein/wie gering sie sey/in diesem Grobianisch
en Büchlin/darin der vnzüchtigen/vnstetigen sitten kaum
das hundredtist theil/ sonder nur ein Außzug/anfang/ vñd
Preamblel der gröbern laster/so zu erzelen/will geschwei
gen zu treiben/Vñhöflich vñd Vñadelich gesezet sind/
wol

wol angeleget vnnig einbracht. Es hatt das Lateinisch/
bey denen so es verstehen/alle gereidt vnuersehne Frucht
bracht/das zu verhoffen / es werde diß Teudsch bey dem
Groben Gesind/welches das Latein gar nicht oder we-
nig verstehet/etwenn auß innerlicher einsprechung / biß
weilen Schandt/Spottens/vnnd Verzierens halb / der
anderen so darauff mercken/noch viel mehr nutz vnnd Fru-
chte bringen/Denn es ist beyde im Lateinischen vnd Teut-
schen der Zweck vnseres begerens vnnd Hoffens/das auß
einer Vngewonlichen Manier/vngedachter nutz entsprin-
ge/Vnnd ist alles darinnen verkeret vnnd umbgewendt/
denn es hat sich auch die Welt umbgewendet/vnnd keret
allen dingnen das hinderst zum fördersten/ So muß man
der zeit Dienen/vnnd nach dem gemeinen lauff handelen.
Es ist je die Menschlich Natur zu allem guten/das ge-
botten wirdt/so träg/Unwillig/vnnd widerspenstig/das
sie zu allem / das verbotten ist/ein Lieb/Lust/vnd wol-
gefallen hat/Vnnd haben die Ersten zwey Menschen mit
der verbottenen Frucht im Paradiß angefangen/vnnd ist
vonn den nachkommenen biß auff vnns/vonn Tag zu Tag
gröblich gebessert worden / das der Poet nicht vnbillich
hat sagen mögen. Nitimur inuictum semper/cupimus-
que negata. Derhalben zu verhoffen ist/weil dieser gro-
bianus alle grobe sitten/Unform/Laster/vnd vnstand le-
ret/es werde der Welt/so sie auff ihrem Alten Kopff blei-
bet/das widerspiel hierinn auch gefallen/vnd was er ver-
beut vonn guten sitten/Zucht/Scham / vnnd Erbarkeit/
samt Brüderlicher trew vnnd lieb / die so gar erkaltet
vnnd verloschen ist/werde also wider angezündet werden
leuchten/vnd in schwanck kommen. Vnd auß dieser vrsach
habē sich jr etlich vor zwey jaren hörē lassen/sie wöllen dß
Lateinisch verteutschen/vnd ob ich wol auch in der zal ge-
wesen/hab ich doch auff die selbigen souiel lenger / souiel
sie mich inn verstandt/vnnd Geschicklichkeit vbertroffen/
geren warten/vnnd auff ire arbeit hoffen wöllen / weil sie
aber entweder geschafft odder anderer zufälle halben/
70 iii oder

oder das sie die zeit in solcher Materi nicht einbringen/
odder was sie gemacht/ für sich selbst behalten wollen/ bis
her nichts Publicieret / vnd sich aber gleichwol desselbig
offt von vielen versehen worden / Bin ich zu letzt/ als der
geringst / nach dem Horatius besilcht / ein Materi zu
nehmen vnsern Krefft gleich / auß anstiftung etlichs
grogen gesinds/ darneben nicht weniger durch anreizung
erbarer leut vnd guter Freundt / damit das Sewisch
Volck bey zeiten ein Spiegel het / darinn es sich besehen
möcht / dasselbig inn Teutsch zu bringen beredt worden/
vnd mich darauff nicht gesaumt / ewer werck für die
Handt genommen/ vnd weil inn einer so gemeinen vnd
bekanten sach nicht viel zeit zu verschliessen ist/ auff's be-
dest vberumpelt/ dermassen / das nach dem die Materie
an ihr selbst nicht grob genug beschrieben mag werden/
so ichs Gröber vnd Vnsubtiliger getroffen het / souiel
mehr mich beduncken würde/ zu meinem begerten fürne-
men kommen sein. Bittend vonn vnser newgemachten
Freundschaft wegen/ ihr vnd alle die es lesen/ wollen
dasselbig als für ein schlecht schimpfflich / doch nicht vn-
nützlich/ Grob gereimtes Tractätlin / mit frölichem ge-
müth auffnehmen. Darneben mir nicht verkeren/ so ich
etwann vom Text geschweiffet/ vnd wie sichs bisweilen
auff Teutsche Art vnd sprach geschicket/ wie mirs zuge-
fallen/ hinzu gethan/ vnd mit eingemischet/ vnd wie die
Musici offtermals vnder die Fürgeschriebene notten
ihre Leufflin machen/ vnd das Gesang Colerieren/ doch
allweg wider in schlag kommen/ ewerm sin vnd meinung
nichts abgebrochen odder genommen / Hette wol mö-
gen weiters darzu thun / aber mir zweiffelt nicht / ihr
werden seid her viel grober Puncten der Bursch abge-
merckt haben/ die ich zu jeder zeit / sampt den meinen/ so
ich behanden / vnd wargenommen hab / zu einem bass
gehobleten Grobiano hab spraren wollen. Ich hab's
auch zu zeiten vmb mehrer Kurzweil / einem jeden zu
Dienē/ mit mancherley Schimpffredē gspickt vnd Gesal-
zen

gen/ Der hoffnung / so ich gute wolmeinung der Leser/
gegen diesem schlechten spüren würd / inn kürz etwas/
anderer Materi/ fleissigers / so ich auß Französicher
Sprach zu Transferieren willens bin / an tag zu geben.
Mittler zeit will ich mich inn ewer / vnd aller deren/
so diß Grob heufflin fürkompt/ besonder der ganz
Kunstliebhabenden Wittenbergischen ges
ellschaft / Huld vnd Gunst / als ei
gen / befolhen haben. Geben
zu Wormbs/ den 3.
Septemb. Im
1551. jars

Ewer gutwilliger unbekanter
Casparus Scheidt von Wormbs/

✱ D DCS

Den Unfletigen / Groben
vnd unhöflichē / seinen lieben Schü-
lern / vnd angenommenen Kindern / wün-
schet M. Grobian von Lourdemont viel
vnförmlicher sitten / vnd völ-
pischer geberde.

Nach dem ich Meyster Gro-
bianus / Kunstreicher / Wolge-
übter / erfarnier / vnd weitberhämpter / Löß-
felschnitzler / vnd treher der groben Hölze-
lin zu Lourdemont / grossen fleiß vnd Ar-
beit angewant bey der verstockten Jugend / mit täglicher
vnderweisung / damit sie zu aller Grobheit vnd vntugent /
zum besten abgericht vnd Perfect würde / welches mir zu
theil also wol abgangen vnd gerhaten / das sie des mehrer
theils mit Grobheit nicht zu verbessern. Nun wirdt mir
aber der mühe leider zu viel / der hauffen aber des Groben
Geschlechts meiner vnderthenigen Schüler zu groß / vñ
von tag zu tag zu starck / wels ein trefliche vrsach / das ich
es die leng / euch sen es geklagt D höchsten Patron Bac-
che / vnd aller treweste Ceres / nicht mehr erschwingen oder
erleiden mögen / Denn zu dem / das mir an alter vnd Ja-
ren viel zu / an sterck aber / gesicht vnd krefft teglich ab-
gehet / habe ich mit Rath meiner aller liebsten zarten vnd
tugenthafften Hausfrawen Grobiana / erwelter Spinne-
rin der Groben vngezognen Diernen vnd faulen Mägd
ernstlich bedacht / das wir alle vbernächtig vnd sterblich
sind / vnd darzu die Groben eben so bald / odder offtmals /
wo nicht durch grosse gewonheit ein natürlicher brauch
aus emsigen essen vnd trincken gemacht / viel ehe denn die
ihenigen / so sich alle zeit subtilig vnd messig halten / von
hinne auß diesem grobenthal scheiden / welches nicht eine
kleiner

kleiner abbruch ist. Zu dem hab ich kein eigen leibs Erben
aber ewer viel / als ewer Grobheit wol zu wissen / an kindt
stat angenommen / auch erwegen / das diese Kunst / in wel-
cher / sich vngewürlich / wüßt / vnd vnflätig bey jederman zu
halten / gelert wirdt / in ein abgang gerathen / vnd ein end
nehmen möchten. Darbey angesehen / das kein Kunst on
gewisse Regel / maß vnd ordnung / weniger den ein Stadt
on Rinckmauren lang bestehen / fest bleiben / vnd wider jhr
Feind behalten vnd beschützt werden mag / das habē auch
viel / die in hohen Künsten / deren ich nie geachtet / behü-
met gewesen / sonderlich vor gesehen. Ich will nennen den
finnreichen Poeten Quidium / hat er nicht das edel auß-
lesen Buch von der Kunst zu Bulen / das doch die Natur
mehr denn den weisen gefelt / erheischet / so fleissig beschrie-
ben? Des gleichen Obsopaus ein Buch / darin er vns doch
das ich im feinen danck weiß / Taxieret / von der Kunst zu
trincken / daran euch noch viel fehlet / an tag geben / On an-
dere Bücher / so geschicktere Leut / denn wir / sein wöllē /
von Krigen / Büchsen schieffen / Fechten / Springen / Rin-
gen / Schwimmen / Kochen / zusampt der zweifelhaftigen /
Alchimien Kunst vnd andern Nigromantischen stücken /
haben außgehen lassen / Es werden auch in Welsch landen
sondere Schulen / darin man künstlich Tanzen lert / dar-
zu jhr etwas zu schwer vnd ungelümpig seidt / gehalten
Ich geschweig der Sieben freie Kunst / welche ich euch /
als meinen groben Discipeln / ewers Dollen ungesaltzen
Hirns halben / als zu schwehr vnd subtilig zulernen / wi-
derrath vnd verbiete / Sind sie nicht / ich hab denn vnrecht
verstanden / in sondere Regel vnd gebot / on welche sie nit
recht gelert odder behalten werden mögen / vonn vnserem
Todtfeinden den Philosophen vnd Spitzfündigen Leuten
eingefasset vnd gesezet worden? Solches vnd anders / jhr
aller liebsten Kinder vnd Grobianer / was stands / wesens
alter odder Condition jhr seien / als mein liebe Schüler /
denen ich in Grobheit alle heimlichkeit allezeit mit gethey-
let / bedenckent das mir die alte Vettel Acropos des nech-
sten

Den tag eins den Faden meines Lebens abschneiden möch-
te/vnd euch mein/ehe denn euch nütz were/Berauben/hab
ich zum tieffsten behertziget/vñ angesehen/dz die begreiffen
gedachter meiner Künstlichen ler / sehr/leicht/ ewere
Köpff aber vnd ingenia/ob sie wol sonst zu allen Adelichen
tugenten vndienstlich/zv vnserm fürnehmen von natur ge-
schickt vnd seihg. Hab derhalben also ein anfang vngesehr-
lich etlicher meiner vnhöflichen/grobē sitten vñ stück: wie
sie mir zugefallen/zusamen klaubt/vnd erstmals in latein/
für die jenigen so dasselbig verstehn/jezund aber euch allē
zu mehrerm verstand/ zu Teudsch trucken lassen. Da mit
aber solchs edel werck/daran vns viel gelegen/von den flu-
gen vnd weisen/zusampt all ewr grobē geberdē vngestraf-
fet/vnberedt/vnd vngethadelst bleiben mögen/will ich das
nicht einē allein/sonder euch meinen grobē kindlin/die mir
sonderlich gehorsam/vnd ich zu gleich lieb/ in einer summe
mit eiander/allen vnd jeden/so zu grober/Wüster/Vnge-
reumpter grobitet lust tragen/geschenckt/vnd als mit einē
Köstlichen kleinot/verehrt haben/8 hoffnung/ir werdent ge-
dachtsbüchlin in ewerm grossen Regiment/ nach allē ver-
mögen beschützen vnd handthabn/das sich keinr des kleinē
vnachtparn/vñ von vns verworffn heufflins/dern so weiß-
heit vnd der erbarkeit nachstellen/gegen euch rümpffen od
muffzen dörf. Damit diese vnser löblich gesellschaft ge-
mehrt/darneben all tugēt/zucht/scham/vñ messigkeit/ wie
schön(lob sey/baccho)zum theil geschehn/ganz auß gerot-
tet vnd vertilgt werd. Bin derhalben guter Hoffnung/ir
werdē diß hoch geschenck/gegen mir alten vnd schwachen
getrewen meyster erkennen/vnd auff ewr nachkommen vnd all
Grobianer kömen lassen/so will ich meinen vralten namen
Grobianū auff euch all erben lassen vñ bleiben/damit me-
nes stammens vnd namens bey euch/in allen groben stücken
gedacht werde. Geben zu Lourdemont/den 31. Februarij/
Im Jar meiner Meysterschafft on 3al.

Ewer getrewer Vatter vnd
Meyster Grobianus.

Das Buch zum Leser.

DS ist ein alt herbrachter sitt/
Was man gebeut das helt man nit/
Deßgleichen was man hoch verbeut/
Wie böß es sey/so thuns die leut.
Denn wie man tugent lernen soll/

Seind alt vnd newe Bücher voll.
Hat nicht Syrach vnd Salomon
Viel schöner guter ler gethon?
So hond Plato vnd Seneca
Gemacht viel schöner Operas
Cicero/Aristoteles/
Hond sich auch sehr beflissen des:
Erasmus hat gelert darben/
Wie sich züchtig zu halten sey.
Vnd wern der Bücher noch so viel/
So thut man doch das widerspiel/
Vnd will niemandt kein tugent leren.
So will ichs hinderst fürher leren/
Vnd glat ein andre form beschreiben/
Wie man soll grobe sitten treiben.
Knöllisch/vnflätig sein/vnd grob/
Das ich ein mal die laster lobt
Will zucht vnd scham vnd tugent schelten/
Vnd sehen welches mehr will gelten.
Habt jr nun allzeit vnderlon/
Was weise leut gebotten hon/
So thut auch nicht was ich gebeut/
So werdend jr erst rechte leut:
Diß ist ein newe Fantasey/
Liß frölich/vnd gedencf darben/
Was dir zu thun vnd lassen sey.

Non quàm difficile est mores euellere prauos.

Das erst Buch
Grobiani/ Von vnhöflich-
chen sitten / vnd Beur-
schen geberden.

Also ir groben Hölzlin all/
So jemandt ist dem wolgefall/
Grob/ beurisch/ vñ vnhöflich art/
So all mein Schüler halten hart/
Der les dich Büchlin wol gesalzen/
Mit groben zotten wol gschmalzen/
Er sol sich also bessern drauß/
Das jederman im ganzen Hauß/
Wer in ansicht sol sagen frey/
Das er ein Grobianer sey/
Vnd hab das Handtwerck wol gelet
Was einem Knebel zugehört/
So er will folgen meinem that/
Vnd treiben was im Büchlin stat.
Gfelt schon dein weiß nicht je derman/
Du solt darumb kein sorg nit han.
Nicht nicht was jeder schreit vnd tobt/
Narren hand gern das man sie lobt.
Aber es steht ein dapffern Man
Khumgeitrig sein/ nicht löblich an.
Den lob ich/ der wol leiden mag
Was gleich ein ander von im sag/
A Man

Man v̄rtheil von im was Man w̄ll/
Ich sprich / er sey ein dapffer gsell/
Der nie kein Meister haben wolt/
Der in straffen vnd schelten solt/
Vnd der im nur lastt eben sein
Alls was er thu sey gut vnd fein.
Nun wil ich euch beschreiben gschwind/
Was beursch grobe sitten sind.
Syluane steh mir tröstlich bey/
Das ich hie nicht vntreffig sey/
Mit deinem grünen Kreuzlin gur
So deine schläff vmbgeben thut.
Ein schwere sach bestand ich hie/
Der gleichen niemands thet noch je/
Dir vnd Baccho wil ich zu ehren
Die jugent newe Mores lehren/
Auff frembde art vnd newen schlag
Sich grob zuhalten nacht vnd tag/
Dem albern Volck zu lieb vnd nutz/
Den gschickten nur zu leid vnd trutz/
Dazu ich deiner hilff bedarff.
Die sach ist wichtig / schwer / vnd scharff.
Deins trewen raths muß ich geleben /
Du kanst mir gut anleitung geben.
Darffstu eins guten Gasts zu dir /
So bring Bacchum auch her zu mir /
Denn er ein guter Schlucker ist /
Dem nimmer küler Wein gebrist /
Auch Satyros bring mit ein par /
Vnd der Waldgott ein grosse schar /
Den Pfaffen auch vom Kalenberg /
Der trib sein tag viel Narrenwerck,

Der

Vergiß mir auch Marcolphum nit/
 Vnd bring den Eulenspiegel mit/
 Vnd was sonst sind für grobe Gellen
 Die mir zur arbeit helfen wollen.
 Auch schöner Sawrenmeglin vil/
 So treiben wir gut Affenspil.
 Vnd bringen mit gut Promiandt/
 Von Obs vnd Trauben allerhandt/
 Mit Wein die Fläschen wol geladen/
 Umbhengt mit Würsten/ Bess vnd Gladen/
 Ein tieffen Forb voll schöner Eir/
 Bacche du bist ein wilder Meir/
 Das du ein solchen schönen troß
 Mit dir hast bracht/ das ist ein boß.
 Schaw zu was grober feister truseln
 Die sich mit Sawrmilch beknuseln.
 Ey halt das euch der jarrit schüt/
 Ir suppen wüß schempt ir euch nit?
 Secht wie steht euch der Busen offen/
 Als wern jung Züner drauß geschlossen/
 Der rüch voll federn/hew vnd Stro/
 Die faulen Mädt thun all also/
 Das har zerstrobelt vnd zerzaust/
 Als wern in ein jar nicht gelaust.
 O liebe Mägd es ist gewiß
 Es steckt vol Maden/ Leus vnd Nis.
 Wo bleibt Marcolphas/ ist er hie?
 Kein schönern Gast gesach ich nie.
 O Eulenspiegel kom her bey/
 Sag wie ein Schalck vmb sein hertz sey.
 Du hast viel grober stück gerissen/
 Die ich von alter nit kan wissen.

A H Wolan

Wolan seid jr nun alle do /
Des groben Gfindlins bin ich fro /
Sölch einfalt reimpt sich gar nit vbel /
Kom̄ hieher Bacche du schmutzkübel /
Vnd halt mir da mein Dintenhorn.
Ich bit euch all / fast hie kein zorn
Das ich mein bossen mit euch treib.
Kom her Ceres du trewes Weib /
Ich muß mich vor ein wenig kröpffn /
Das ich ein guten trunct mög schöpffn /
Da wil ich bschreiben grobe sitten /
Hie hab ich grobe Fedren gschnitten /
Hab auch gnug Dinten vnd Bapeir /
Wolan so kompt mir all zu steur /
Die sach ist groß vnd wirdt mir saur /
Syluane kom du grober Bawr /
Vnd sag mir heimlich in ein Ohr
Das ich nichts schreib / es sey dan̄ war.
Hör Bacche mit dem grossen bauch
Lang mir dort her den vollen schlauch /
Ein gute Bratwurst auß dem Sack /
Das mir ein küler drunct drauff schmack.
Ich wil erlaben meine geist /
Man spricht / was wüß ich / macht auch feist
Da laß mich thun ein guten suff /
Marcolffe sich der gilt dir druff.
Zehem / das heist ein guter trunct /
Jez bin ich gsundt / vor war ich krank.
Wolan ich schreib wer hören will /
Der büß die Nas vnd schweig fein still.

Das

Das erste Capitel/von auffstehen/
anziehen/langem Hare/vnd
geelen Zenen.

Hie lern ein jeder schüler mein
Der niemandts wil gehorsam sein/
Noch thun was man in weiß vnd sag/
Hierinn er bald er greiffen mag
Was im zu grobheit noch gebrist/
So er ein wenig fleißig ist.
Erstlich soll dir zun ohren gehn/
Wann du des morgens auff wilt stehn/
Das doch gar selten sol geschehen
Eh du den Tisch gedeckt magst sehen.
Den ältern wünsch kein guten tag/
Der wünsch sie doch nichts helfen mag.
Vnd spar dein wort nach grobem sitt/
Blas denn das Kraut vnd muß darmit/
Das hembd thu an/vnd lauff daruon/
Das du nit must am kalten ston.
Nim flugs die Kleider an den arm/
Lauff in die stuben also warm/
Vnd zeuch dich bey dem offen an/
Da dir die kelt nicht schaden kan.
Lass dich nicht hindern/ob dabey
Jungfrawen oder weiber sey.
Vnd mach dein fadenrecht für dich.
Lass jemandt das verdriessen sich/
So sprich/Wer mich nit gern hie sieht/
Der geh hinaus/vnd irr mich nicht.

Auch wiltu vor Jungkfrawn brangen /
So laßein weil die hosen hangen
Biß auff die schwarzen knie hinab /
Das man dein auch zu lachen hab.
Dir werden die Jungkfrawn holt /
Ein jede dich gern haben wolt.
Nem dich in sölicher abentheur
Ein reichs Weib wer dir auch ein steur.
Kein Gürtel bind nit vmb die lenden /
Man möcht dir's sonst zur hoffart wenden.
Das Har strel nit / hüt dich bey leib /
Har auff zupflanzen zimpt ein Weib.
Ein Mansbild sol sich nit auffbuzen /
Als sich die jungen Buler muzen
Dir aber ist's ein Hoffzucht zwar /
Wenn dir voll federn hangt das Har /
Darauff kan jederman erwegn
Das du nit seist im stro gelegn.
Das Har laß alzeit wachsen lang /
Das es dir auff die achseln hang /
Obs schon dem Scherer nicht gefelt /
Es ist dir gut für Winters felt /
Die alten trugen auch vorzeiten
Lang Har / wie das die Bücher deuten /
In langen Haren hertens ehr /
Jez acht man keiner einfalt mehr.
Auch zimpt es deinen sitten nicht /
Zu weschen hend vnd Angesicht.
Denn deiner grobheit wol anstat
So beides hangt vol wust vnd fat.
Laß weschen wem es wol gefelt /
Acht nicht wie sich ein ander stelt.

Wer

Wer vnlust hat an deiner weiß /
Der gehe vom Tisch / such ander speiß.
Spricht jemandt zu dir / Wäsch die zeen.
So sprich / Was thut es dich angehn?
(Mit kaltem wasser ist nit gsundt
In wäschen deine zeen vnd Mundt)
Was hast an meinen zeenen feelt
Ist denn nicht auch der Saffran geel?
Die farb hat auch das köstlich Golt /
Dem jezund sind all Menschen holt /
Das köstlichst vnder alln Metallen /
(Drumb laß dir die geele zeen gefallen.)

Das Ander Cap. von höff- ligkeit des Nasen busßes / niesens / lachens / hustens / vnd viel anderem wolstand der Kleider.

S bald dein Augen sind auffgangen
So heiß dir her zu essen langem.
Das halt in deiner hand so starck /
Das durch die Finger trieff das marck.
Du darffst nicht Deller alle mol /
Es kompt noch auff den imbiß wol.
Wie du dich halten solt im essen /
Des wöllen wir auch nicht ver gessen /
Doch muß ich dich vor vnderrichten
Wie du solt all dein sitten schlichten.
Mit Angsicht / Leib / gestalt / geberden /
Vnd mögst ein Grobianer werden.
Erstlich solt du dich fleißig hüten.
Niemandts kein zucht noch ehr er bieten /
A iiij vnd

Vnd hab ein grewlich krum gesicht/
Gütlich ansehens brauch dich nicht.
Dann die auffrugent geben sich/
Schlagen die augen vnder sich/
Welchs vnser Regel ist zu wider/
Du aber laß stets auff vnd nider
Beide albsaugen vmbher schiessen/
Acht nicht/wen solches möcht verdriessen.
Verker die Augen/rumpff die Stirn/
Das zeigt in dir ein freches Hirn/
Ein runzelt angficht wie ein Stier
Der jezundt felt zur Erden schier/
So imein streich gegeben ist/
Oder ein Ochs zum kampff geräst/
So er ein gsellen will beston/
Solch sitten muß ein Junger hon/
Der lob erwerben will von Leuten/
Das sie auff in mit fingern deuten/
So jedem sein weiß wolgefelt/
Vnd jeder spricht/ das wirdt ein Zeldt.
Niemandt sein art verbergen kan/
Man sichts im bald im angficht an.
Es ist der brauch in frembden Landen/
Als Judia/wo Golt vorhanden/
Auch Edelgstein/vnd perlin gut/
Das Mans an die Nasen hencn thut.
Solch gut hat dir das glück nit bschert/
Drumb hör was zu deiner Nasen hört/
Ein wüster kengel rechter leng/
Aus beiden löchern außher heng/
Wie lang eiß zapffen an dem hauß/
Das ziert dein Nasen vber auß/

Vnd

Vnd Kansts bekommen liederlich /
Das also wol wird zieren dich.
Doch halt in allen dingen maß /
Das nicht der Kengel werd zu groß /
Darumb halt dir ein solches maß /
Wenner dir fleusst biß in das gress /
Vnd dir auff beiden Leffzen leit /
Denn ist die Maß zu buzen zeit.
Auff beide Ermel wüsch den Koz /
Das wer es seh / vor vnlust Koz.
Es steht auch wol / vnd deucht mich gut /
So duß wüschte an den Rock vnd Hut /
Druck wol das Bein lin fällt die Handt /
Vnd würff ein Spiegel an die Wandt /
Das mans im ganzen Hauß hör plazen /
Vnd auff die Erden nider schmazen /
Laß ligen / du darffst nicht vertretten /
Wenn sie darab ein vnlust hetten /
Sie würden selbs wol tretten nider /
Bald würff du dar ein andern nider /
Vnd biß nur aller sorgen frey /
Wie der vnlust zu decken sey.
Du findst noch viel der selben Fritzzen
Den allzeit ire Ermel glitzen /
Mit schnoder gringsrumb wol geziert /
Die Backen auch mit Koz beschmiert /
Die sich desselben brauch nicht schemen /
Die mustu zum Exempel nemen /
Vnd darffst keins andern Spiegels nit.
Dazu ist auch ein grober sitt
Ein brastlens mit der Maß zumachen /
Das mans im ganzen Hauß hör krachen.

A v Vnd

Vnd wenn es an ein niesen geht /
Dem nechsten zu der bey dir steht
Solt husten in sein Angesicht /
Damit er auch (Gott helf dir) spricht.
Dazu soltu mit lautem schall
Erschrecken die vmbstender all /
Vrblüzlich Weiber / Mägd / vnd Kindt /
Das sie nicht wissen wo sie sind.
Auch was du treibest für ein gatz /
So schem dich nicht / ist vnsere gsatz.
Denn Dieb vnd Lecer schemen sich.
Vor aller forcht solt hüten dich /
Auch hören zu mit ganzem fleiß /
Wer schendtlich zotten sag vnd reiß /
Der gleich solt du auch sagen baldt /
Das man dich nicht für vngeschickt halt.
Sagt etwas newes ein frembder gast /
Vnd du nichts drauff zu reden hast /
Vnd hast solch s nicht gehört vorhin /
So sperr das Maul weit auff / vnd gin /
Als wolst du Mücken fahen mit /
Vnd halt kein züchtig Sitten nit.
Vnd ist denn etwas lächerlich /
So schick der erst zum lachen dich.
Vnd mach ein solch gelechter drauff /
Das man dich hör im weiten Hauß /
Vnd wer vber die Gassen geh /
Dein schön subtil geläch versteh.
Vnd sperr das weit Maul von einander /
Das es zu beiden Ohren wander /
Vnd zeig also die wüst spelunck /
Dardurch dir floss so mancher trunck /

Die

Die geelle Zeen auch iederman /
So steht dir s lachen lustig an /
Als es auch die Natur thut kundt /
Pleēt nicht die Zeen ein jeder Hundts /
Das laß dir sein ein gut beispiel /
Von Hunden magstu lernen viel.
Vnd wenn schon alle Menschen schweigt /
Vnd dir der Düppel wider steigt /
So lach denn wider nach als vor /
Das man seh wie die du seist ein Thor.
Auch lach zu zeiten vber laut /
On all vrsach / von heller Haut /
Das niemandts weiß was das bedent /
Vnd meinen all / du sportst der leut.
Gewehn dich auch bey zeit zu ligen /
Siders das sich die balcken biegen /
Vnd so sichs nicht wil reimen wol /
Je nach zwey worten hust ein mol /
Dieweil kanst du dein lügen schmücken /
Vnd wird dir zu dem reden glücken /
Vnd wird kein ander Mensch verstehn
Das du mit Lügen thust vmb gehn /
So gar man jetzund alber ist /
Drumb brauch dich weil du witzig bist.
Im Husten nimb du eben war /
Den Halsreck gleich dem nechsten dar /
Das er ein theil deins Koder s fang /
Vnd in das gsprütz ins Angesicht gange /
Das wird im sonderlich gefallen.
Ist aber jemandts vndern allen /
Dem solcher zott nicht wol gefellt /
Vnd sich darüber zornich stellt /

Dem

Dem Kopff das Maul vnd seinen Tropff.
 Wie stelst dich (sag) du stolzer Knoff?
 So dich mein Arhem nur antrifft/
 Ich glaub du meinst ich steck vol gifft?
 Du darffst dich nicht so mansig machen/
 Wir sind von einem Teig gebachen.
 Was schaden hastu denn empfangen/
 Das mein Arhem ist an dich gangen?
 Du bist doch eben dieser zwor
 Der du auch bist gewesen vor.
 Kein gröltzen beschleuß in deinem Munde/
 So du lang bleiben wilt gesundt/
 Drumb gib den gfangnen Bruder loß/
 Das er dir nicht die Zeen auß stoß.
 Denn es mercklichen schaden bringet
 So man die Bläst im Leib verzwinget.
 Die dämpff die steigen in das Haupt/
 Dardurch deine gsundtheit wirst beraubt/
 Vnd wirst schwach / frant / vnd vngewer/
 So steht dich Hofzucht viel zu thewr.
 Lam Glieder / stinckend Arhem auch/
 Drumb treib von dir den bösen Rauch.
 Auch wenn du auff die Gass wilt gehn/
 Ein wist paret wird lustig stehn/
 Denn ist es sauber fein außkert/
 Mein schülern es nicht zugehört.
 So reimt sich mechtig wol darzu
 Ein groß par alter bschnitzner Schu.
 Aufwischens solt dich nicht beflissen/
 Du mußt doch gleich bald wider bescheissen
 Vnd wider treten in den Kot/
 Verlorne arbeit ist on not.

Ein

Ein langer Rock dir auch wol steht /
Der dir biß auff die knoten geht /
Das ist auff Antiquisch manier /
Vnd grober einfalt rechte zier.
So feru mit dem fußtritt auß /
Vnd kämpst on vnglück heim zu hauß /
Gleich wie ein Löw mit seinem Schwanz
Das gspor verschlecht / vñ gwint die schanz.
Du magst das hauß auch keren mit
So darffstu keines Besems nit.
Wiltu den langen Rock nit tragen /
Vnd dich auff newe gattung schlagen /
So trag ein kurzes Röcklin an /
Gleich wie ein Aff vnd Bauian /
Das sich biß auff die hüfft kaum streck
Vnd dir nit wol den Hinderen deck /
Das sind jezund gemeine Röck /
Vnd tragens jezund Edel leut /
Auch Reuter vnd fromme Krieggbleut.
Wiltu auch sein des ordens mit /
So trag ein Rock nach kurzem sit.
In allem ding ist ordnung gut /
In Kleidung mans nicht halten thut.
Drumb gib ich hie kein Regel nit /
Ein jedes ort hat seinen sit.
Auch wo du bey den Leuten stehst /
Vnd wo du durch die gassen gehst /
Dein hend hab allzeit auff dem rucken /
Da soltus in einander rucken /
Das alle Menschen auff dich gucken /
Vnd denden da zu allen stunden.
Man hab sie dir dar auff gebunden.

Doch

Doch das ich nicht treib viel geschweh/
So merck von mir ein kurze lez/
Also stell all dein leben an/
Das man mit warheit sprechen kan/
Das ist ein rechter Grobian.

Das Dritt Capitel / von Tisch-
sucht / in Tischdienern / auff vnd
abtragen / vnd ander ge-
schwindigkeit.

Lew dich / man hat den Tisch gedeckt/
Viel essens drauff / dz dir wol schmeckt/
Des wird dein Magen wol geniessen/
Da wirstu deinen hunger büßen.
Doch mustu vor dem Herren dein
Mit Tischdienst vnderhänig sein.
Wenn du im hast erfalt sein willen/
Magstu denn auch dein Kragen füllen.
Jetzt wil ich dich die Mores leren/
Die ein Tischdiener zugehören.
Hör mir fein zu mein lieber Son/
Was ich dich lern ist gut zu thon/
Von dieser Regel weich fein tritt/
Vergiß sie auch dein lebtage nit.
Du dienst vielen oder ein/
Bey frembden / oder sonst daheim/
So dien in alln auff gleiche art/
So wird jr aller wol gewart.
Vnd zeuch den Rock am ersten auß/
Wörff in dort in ein eck im Hauß/

Das

Das er dich ja nicht irren thu /
Wenn du zum Tisch tregst essen zu /
So sieht ein jeder ders nicht weißt /
Ob du seist Mager oder Feist.
In Hosen vnd Wammes dich stell
Dort hin / so bist ein fein g Esel.
Vnd lauff gschwind hurtig ab vnd zu /
Gleich wie ein Vöglin das heist Ru.
Zu deiner grobheit nicht bedarff /
Das du seist eingenebelt scharff /
Damit du dich wol mögst gebucken /
Vnd Krutzen wo es dich möcht jucken.
Die Hosen solln zerrissen sein /
Als hetstu gefressen ein Begein.
Das Gses voll löcher ist ein lust /
Das Wammes löchricht an der Brust /
Auff den Knien zwey weiter Augen /
Lass nichts flicken bis nichts wil daugen.
Wenn du also gerüstet stehst /
Vnd für den Tisch zun Leuten gehst /
So steht dir all ding lustig an /
Vnd wirst gelobt von jederman.
Besonder Frauen vnd Jungfrauen /
Die haben lust dich anzuschawen /
Vnd machst die Gest allein erfrawen.
Die alten lerten jr gesind /
Das es grad auff sein Schenckeln stünd /
Hör zu wie lehr ich meine Kindt.
Steh du nur auff ein Fuß allein /
Das allweg ruhen möge ein Bein.
Denn brauch den Rechten / denn den Lincken /
Vnd steh als wolst du nider sincken.
Vnd

Vnd wechſel also immer mit /
Wie mit den bälgen thun die Schmidt /
Vnd ichs kein Orglen gſehen hab /
Ein Balg auffgeht der ander ab.
Nun merckts obs dir nicht löblich iſt /
So es auch thut ein Organist
Noch weiter ich dich leren will /
Die Hand ſolten nicht halten ſtill /
Denn müſſigkeit ein laſter iſt.
Drumb billich du zu loben biſt /
(Wenn du mit deinen Händen viel
Treibſt boſſen / vnd gut Gauckelſpiel.
Thun ſolchs die freien lotter nit /
Vnd gewinnen dennoch Gelt damit?)
So laß die Hand bey Leib nicht feiren /
Stich pfuzen auff / vnd tödt die feiren.
Vnd beißen dich die Grindig Hand /
So kratz dich fluchſ am ſelben end.
Jetz fahr hinauff kratz auff dem Kopff /
Jetz bey den Ohren vnderm Schopff.
Das Hürlin lern herumher trehen /
Das dir die Erbarn geſt zu ſehen.
Fah Mücken / oder Fantasier /
Wie du ſelbs Kanſt erdencken ſchier.
Denn ſtell die Hand in beide ſeiten /
Als wölſt ihrer vier beſtreiten.
So acht man dich für Hauptmans groß /
Vnd meint du ſeiſt noch halb ſo groß.
Lug das du nichts vngeheiffen thuſt /
Vnd wenn du je zur arbeit muſt /
So brumm vnd ſchnurr gleich wie ein Beer /
Als ob dein Herr ein Sewhrtt wer /

Vnd

Vnd gib im zwentzig wort für eins /
Heist er dich viel so thu jr keins.
Ob auch am Tisch ein Anebel saß /
Der sich grob hielt / vnd Sewisch fräß.
So acht gar spitz auff sein gberben /
Ob du auch mögst so vngeschickt werden.
Schaw in stets an / vnd sich im zu /
Wie er sich am Tisch halten thu.
Was er treib / anfang / oder sag /
Was er für wüste Kleider trag.
Vnd wie er sitz / trinck / oder eß /
Vnd ob ers Maul weit auff vergess.
Wie er die Hand leg auff den Tisch /
Vnd wo er auch die Nas hin wisch.
Sichstu an im ein groben zotten /
So soltu vber laudt sein spotten /
Vnd lachen des groben Bachanten /
Solts auch vorn leuten nicht verquanten /
Vnd würff im / alter grober Sew
In seinen Bart zwei oder drey /
Das jederman sein werd gewar /
Vnd vrsach deins gespöts erfahr.
So wird ers in sein Ohren nemen / /
Vnd sich vor Erbarn leuten schemen /
Vnd auß ein Narren witzig werden /
(So erb du von im solch geberden)
Vnd je mehr leut da sind vorhanden /
Soviel bring du in eh zuschanden.
Nun lern wenn du solt Speiß aufftragen /
Wie du dein zeit auch solt verschlagen /
Behend dich in ein winckel schmücken /
Das best stück auß der Blatten zücken.

B

DAS

Das selb ist dein mit gutem Recht /
 Das du nicht seist vergebens Knecht.
 Darzu trag auch zu allen zeiten /
 Ein grossen Wetschger an der seiten /
 Darinn du tragst dein Proutandt /
 Vnd drein vermauchest aller handt.
 Auch hab kein schewen nicht darab /
 Merck dir jemand den bossen ab /
 Sprech / Lantzman du bist vngeneissig /
 So antwort im mit Worten beissig /
 Du hast gut sagen lieber Gsell /
 Meinstu das ich dir fasten wöll?
 Vnd ewer jedem sehen zu /
 Wie er sein Kragen füllen thu?
 Mein alter das nicht dulden kan /
 Jung Volck muß allzeit gessen han.
 Also ist im verstopft das Maul /
 So frisz denn wider wie ein Gaul /
 Vnd magst auß allen Schüsseln zwacken /
 Das macht dich feist / vnd fält die backen.
 Vnd wenn du etwas nider siehst /
 (Wo du nicht mit zur thür nein felse)
 So setz das so subtilig nider /
 Das es spring auß der Platten wider /
 Vnd schwim da auff dem Tisch herum /
 Das jederman sein theil bekum /
 Vnd alle Gest besprizen thu /
 So lach denn erst wol fein darzu /
 Was wöllen denn die Gest drauß machen?
 Sie müssen wol von bosheit lachen.
 So denn das Mal geendet ist /
 So troll dich ob du witzig bist /

Vers

Verschlieff dich / vnd besich dein Täschen /
Vnd trag mit dir ein volle Fläschen /
So bistu andrer arbeit on /
Den Herren solt auff heben lon /
Der weiß wo all ding hin gehört /
Sag du habsts noch nicht recht gelert /
So soll er auch nicht von dir klagen /
Du habst die Speiß all auffgetragen /
Vnd auß gewartet irem Zechen /
Du must nun mit dein Magen rechnen /
Der bell / vnd grumm dir immer zu /
Ein ander wol solch arbeit thu /
Wiler nicht mit zu frieden bleiben /
So laß dich doch nicht vbertreiben /
Denn so du all ding must auffraumen /
Solt du dich selber nicht versaumen /
In ordnung trag all ding hinweg /
Vnd laß halb fallen in den Dreck /
Vnd schlaunders in die winckel nein /
Es darff dabey kein ordnung sein /
So will dir auch gebären wol /
Das du viel nimest auff ein mol /
Das du nicht oft müst widerkomen /
So du wenig hast mit genomen /
Mach auch ein vmbschweiff / vnd sey träg /
So du wol giengst den nechsten weg /
Nimb auff ein hauffen alle ding /
Was auch dein Herr sag oder sing /
Was woltstu thun viel geng vmb sunst /
Das du zumal kanst thun on kunst /
Vnd ob dir schon empfelt der plunder /
Was solles sein: das ist kein wunder /

B ij Dena

Denn es war dir am gewicht zu schwer /
Vnd wenn schon einer grösser wer /
So het ers dannocht kaum getragen /
Also must du dein glimpff druff sagen.
Vnd was du also hast verschüt /
Stu bey leib auffheben nit /
Es sey denn / das dichs jemandt heiff /
(Der Grobianer sitten weiß)
Steh fein dar bey vnd sihe es an /
Trit drauff vnd laß den ritten han /
Lach nur darzu vnd fürcht dir nicht /
Als hetst dus gleich wol außgericht.
Spricht man zu dir hebs auff du laur /
So stell dich trawrig vnd sih saur /
Als wer es dir von hertzen leid /
Vnd rew dich sehr mit diesem bscheid /
Das dus als zu einander legst /
Oder ein theil von dannen tregst /
Vnd laß das ander auff der Erden /
Das wirdt wol auffgehoben werden.
Zelst du dich also geschickt mit sinnen /
Dein Herr wird dich bald lieb gewinnen /
Vnd werden alle Gest dein lachen /
Der groben vngereimpten sachen /
So kanstus nachmals gröber machen.

Das Vierdt Capitel / von außertle-
ner höffligkeit / mit auffnesteln / für-
legen / vnd andern lieblichen
geberden

Dein

Ein bauch nu auch zum schlamp bgeret
Arbeit ist ja belonung wert.
Düst dich / vnd schick dich in die sach /
Du bist von faste frant vn schwach.
Setz dich zum Tisch / steht essen drauff /
Vnd löß vorhin die Hostel auff /
Vnd laß dem Bauch sein rechten gang /
Das er sich außstreckt / breit vnd lang /
Vnd guten raum hab nach sein willen /
Das du viel speiß darein mögst füllen.
Doch so du eingenehelt bist /
Vnd dir der Bauch gewachsen ist /
So nestel dich nit auff zu mol /
Das wer zu grob vnd stünd nit wol /
Allein wo es von nöten thut /
Darnach die andern / dünckt dichs gut.
Wenn du zum Tisch gehst / ist ein ehr
Das du die hend wecht nimmermehr.
Du must sie sonst erst trüeknen wider /
Dieweil setz sich ein ander nider /
Vnd nimpt dir ein dein beste stat /
So wirstu dann kaum halb so sat.
Auch lern ich alle meine Kinder
Lang negel han wie Schelmen schinder /
Denn vnser Regel kan nicht leiden /
Schwarz wüste Negel zu beschneiden.
In langen Neglen steckt große ehr /
Als ich von weiten Landen hör.
So findt man auch viel edler Vögel
Die haben lange krumme Negel /
Sind doch bey grossen Herren werdt /
Das Künig vnd Keiser jr begert.

B iij

Will

Will jemandt mit zu Tafel sitzen /
 Zum besten ort solt du dich spitzen /
 Das du allzeit sitzt oben an /
 Vnd zelt werdest für ein weisen Man.
 Achte niemandts Adels oder standts /
 Wesens / Reichthumb / Kunst / oder lands.
 Sitz nider / biß ein gut Gesell /
 Ein jeder sitz denn wo er wöll /
 Vnd ob er schon ein Prtor wer /
 Sprich hie sind noch viel sessel lehr.
 Sagt jemandts / Gsell sitz vnden an /
 So sprich / was hastu mangels dran?
 Gedencß so man dich niderer macht /
 Was schand es deinen Ehren brächt.
 Sprich / lieber Gsell hie ist mein sitz /
 Vnd geb nicht vmb den Bapst ein schnitz /
 Warumb solt ich ein andern weichen /
 So er doch eben ist meins gleichen?
 Wir sind von einem Vatter gleich /
 Ob wir schon arm sind oder reich /
 Vnd sind gemacht auß Staub vnd Erdt /
 Ist ein gut Gsell des andern werdt.
 Drumb laßt vnns bey einander bleiben /
 Ich will auch ewer kein vertreiben.
 Doch ob du auch zu spat werst komen /
 Vnd einer het dein sitz eingnomen /
 So steh nicht lang vorm Tisch zu gassen /
 Du hast bessers dar bey zu schaffen /
 Gedencß das sitzen besser thu /
 Denn stehn / so gschicht dir liebs darzu.
 Sprich / auff Lantzman / setz dich hiehar /
 Geh auß mein ort / denn ich ghör dar.

Ist er dir nicht an krefft gleich /
So seiß im gut das er bald weich /
Will er da sitzen lang zu Mäusen /
So greiff im bald nach der Kartausen /
Vnd wirff in vbern nechsten Band /
Das ist ein guter Tafel schwand.
Denn Cato hat gelehret wol /
Das man dem grössern weichen sol.
Vnd setz dich denn an seine stat /
Sorg nicht wo er zu fressen hat.
Vnd rühm die that mit grossen freuden.
Vnd zeuch dein Messer auß der Scheiden /
Das Stumpff / Schärtig / vnd Rostig sey /
Das steht vor Erbarnt leuten frey /
Hengt denn noch gestrig Brodt daran /
So heb ein lüstigs weizen an /
Dein groben Bawrenschuch zeuch ab /
Den selben für ein Wezstein hab /
Ket in fein vmb / vnd spey darauff /
Vnd wez das Schinder Messer drauff /
So wird es denn gar hell er glizen /
Vnd blenden all die bey dir sitzen.
Will andern das gefallen nit /
So sprich / hör ah / das ist mein sitt /
Mein Messer ist ja sunst nichts werdt /
Vnd schneidt wie sanct Kathrinen Schwert.
So bald du laßt von solchem schleiffen /
Soltu der erst ind platten greiffen /
Vnd nemen raus bey guter zeit
Das best / an welchem ort es leit /
Das nicht ein ander greiffe dar /
Vnd also bald zu loch mit fahr /

V iij Denn

Denn dieser brauch dir nützlich ist /
In allen Zechen / wo du bist /
Vnd kompt dem bauch vnd magen vol /
Am Tisch man nit lang warten sol.
Will dich denn jemandt Krumbs ansehen /
Vnd meint es sol nit sein geschehen /
So sprich / ey ja mein lieber kundt /
Diß spiel heist / lug auff deinen Mund.
Jeglicher gunt im selbs das best /
Warumb solt ich denn sein der letst ?
Habt jr doch alle Zend als ich /
Was dorfft jr denn veriren mich ?
Vnd reiß als mit ein guten schwand /
So machst du in dieweil nit lanck /
Wie auch ein stück weit von dir leg /
Vnd andre Gest all weren treg /
Das dir s niemandt fürlegen wolt /
Wie dir billich gebären solt /
So greiff hinüber an das ort
Dasölches leid / mach nit viel wort /
Vnd schneid ein gute portz daruon /
Wilt s nit gar vor dir ligen lon /
Das schleim mit lust dahin / vnd sprich /
Warumb legt man nichts guts für mich /
Oder acht man mich nicht so gut /
Das man mir s nicht gännen thut ?
Auch magstu diesen fund ersehen /
Die platt langsam herumber trehen /
Das kompt dir an deinem Maul zustewr /
Vnd sage ein selzam abenthewr /
Sag wie des Himels lauff vmb geh /
Vnd wie s vmb die Planeten steh /

Wie wunderlich all Zeichen gon/
Am Himel / Sternen / Sonn vnd Mon/
Ein jedes seinen vmbgang hat/
Gerings herum / gleich wie die Platt.
(Darvon wird dir dein Magen satt.)
Biß sie auß der Materi komen/
Hastu dein theil hinweg genomen.
Laß andre der Planeten krafft
Erzeln / du hast dein nutz geschafft.
Du solt auch diesen puncten wissen/
So man dir gibt ein guten bißsen /
Den dir ein guter Freundt thut senden /
So schnapp darnach mit beiden henden /
Vnd gib dein Nachbarn nichts darvon /
Laß dir s in deinen Kragen gon /
Sag im kein Grammerey darumb /
Empfach s gleich wie ein ander Stumm /
Ober schon ist ein Ehren Man /
Sag / ich mir selbs wol schneiden kan /
So bin ich auch zwar nicht ein Kindt /
Ein jeder nimpt wol wo ers findt /
Dörfft euch des Ampts nicht vnderwinden /
Ich traw mein Speiß noch selbs zu finden /
Dz Fleisch schneidt man den jungen Kinden.
So du zwey mal gibst solchen bscheidt /
Ir keiner nichts mehr für dich leit.
Denn nimb selbs wo dein Hertz begert /
So wird die Platt dest eh gelehrt.
All ding wül in der Platten rumb /
Biß etwas nach dein willen komin /
Damit du wist vor andern frey
Was dir gesundt zu essen sey.

V

Das

Das Gesicht vns öftermals bescheisse /
Vnd ist nicht alles Gold das gleißt.
Denn oft durch außwendigen schein
Muß mancher lang ein Betriß sein.
Drumb lug was deinem Gesicht gefalt /
Das laß die Jung versuchen baldt /
Schmact es dir wol / vnd ist fein Safftig /
Verdempfft / gewürzt / vñ schlecterhafftig /
So darff ich dir kein Regel setzen /
Wie du die Zeen damit solt wezen /
Vnd geizig in ein huy verschlinden /
Das andre nichts mehr nach dir findend /
Hastu etwas für dich genomen
Das dir nicht gar will wol bekommen /
So hör darüber ein gesatz /
Wurffs in die Schüssel das es schmaz.
Denn was dir nicht wol schmact im Mundt /
Ist auch dem Magen nicht gesundt.
Oder behalts in deinen Zenden /
Benags / Benasch an allen enden /
Hast du sein gnug / vnd bist sein satt /
So Schmetters wider in die Platt /
Das eß ein anderer ob er mag /
Damit ers vbrig gar benag.
Oder leg für dein neben gast /
Ein stück dauon du gessen hast /
Vnd lang gekiffelt wie ein Hundt /
Sprich / da Langzman das ist dir gsundt /
Das brich ich ab von meinem Mundt /
Das geb ein Hundt seine Mutter mit /
Vnd legs im dar / auff groben sitt /
Das wird er für ein freundschaft haben /
Vnd sich in lust darvon erlaben / Das

Das du von deinem Maul brachest ab /
Das er sein theil auch mit dir hab /
Vnd im souiel freundschaft thust ginnen /
Vnd wird ein lieb zu dir gewinnen /
So du im mit theilst also frumb /
Vnd hab dich noch nicht beten drum.
Des trinckens halb solt folgen mir /
Ein voll Glas hab stets hinder dir /
Das man dich nicht verfürzt mit trincken /
Vnd möchtest in ein Vnmacht sincken.
Leid auch nicht das ein ander Gsell /
Aus deinem Gschirr mit trincken wöll /
Denn so du in das treiben lieffest /
Vielleicht du mit im manglen müffest.
Lehr weidlich auß / so wird dir bass /
Vnd schütt den Wein ins Essig Fass /
Vnd so die andern hond kein Wein /
So sprich / ey last euch schencken ein.
Vnd nimb allzeit des schencken war /
Vnd halt der erst dein Becher dar.
Denn das ist war in einer Summ /

Natura abhorret uacuum.

Du hast zu guter maß gehört /
Wie ich dich droben hab gelert /
Ob du hetst von der ersten tracht
Den Bauch gefällt / vnd eng gemacht /
So nimb deiner gesundtheit acht /
Vnd nestel dich mit müssen auff /
Kompt etwas guts so spitz dich drauff /
Das du erdapst die beste Speiß /
(Wie Katzen laustern auff die Meuß /
Gebraten,

Gebratens / Gallrey / gute Fladen /
 Mag deinem Bauch alls nichts geschaden /
 Wo man dich hat zu Gast geladen.
 Bringt man daher ein Marzapan /
 So greiff du in zumersten an /
 Vnd mach darein ein weit Kesier /
 Da sunst zu essen hetten vier.
 Turten / Gebachens oder Strauben /
 So wüsch du im fluch s vber dhauben /
 Dänck't das jemand's ein vnuernunfft /
 Sprich / lieber ich bin in der zunfft /
 Wir Grobianer habens macht /
 Wir achten nicht auff Glantz noch pracht /
 Wölr jr viel brangen vnd hofieren /
 Dieweil wil ich mein Gurgel schmieren /
 Vnd spott jr nur weidlich darzu /
 Das jederman dein lachen thu /
 Auch so dir etwas wol thut schmecken /
 Soltu das halb ind Ermel stecken /
 Vnd spick die Ermel voll mit lust /
 Es kost doch nichts / du hast's vmb sust.
 Doch magstu wol darneben sagen /
 Haußherr das wil ich mit mir tragen /
 Das ich auch morgen denc' daran /
 Wie jr vns habt so gütlich than.
 Das wird im denn gefallen wol /
 Vnd betten dich zu Gast viel mol /
 So halt dich wie du bist gesitt /
 Vnd für auch gut Gesellen mit /
 Vud schempt euch nur kein sauffens nit.
 Auch so dir etwas blieben ist
 In Zeenen stecken / wo du bist /

So nimbe ein Messer / stich vnd gräbel
In zeenen fast / das steht nicht vbel.
Hör zu was thut ein Crocodill /
Wenn er sein Rachen seubern will /
So spert er auff mit sonderm list
Sein Hals darinn kein Zung nicht ist /
So macht im denn ein Vöglein flein
Sein Mund gang sauber / schön / vnd rein.
Das ist des Crocodillen sitt /
Du aber darffst keins Vogels nit /
Darffst auch niemands das Maul auffsperrn /
Du kanst s wol selbs heraussertzen.
Nimb nur ein Messer gräbel mit /
Du darffst keins andern Werckzeugs nit /
Oder ein grosses Schinckenbein /
Das Endrecht sey vnd nicht zu klein /
Dein lange Nege! hörn darzu /
Das man solch ding heraussertzen thu.
Was du den raus hast klaubt so frey /
Vnsich zwischen Fingern was es sey /
Vnd stoß fluchß wider in den Mundt /
Das schmact dir wol / vnd ist dir gsundt.
Damit ja nichts zu schanden geh /
Denn nimb das Messer / hör noch meh /
Damit du lang gegrübelt host /
Erwisch damit ein gute Kost /
(Wüsch oder seubers nicht vorhin)
Deim Nachbarn gibs / vnd legs vor in /
Damit er auch mög theil empfangen /
Was von dein zeenen ab ist gangen /
Das ist ein sonder Adlich stück /
Damit bekompstu gunst vnd glück.

Das

Das jeder man sprech wer dich sieht /
Du habst den dienst wol außgericht.
Auch findt man wol viel ander gellen /
Wenn sie Brodt für sich schneiden wöllen /
Dieß Messer vorhin sauber wischen /
Es schmeckt nach Brates oder Fischen /
Das sauber bleib das selbig Brodt /
Das hat in vnserer Schul kein not.
Das Messer wisch auffs Brodt mit lust /
So hastu schon das Schmalz vmb sust.
Noch will ich dir ein stücklin schreiben /
Das du solt in der Gesellschaft treiben /
Es schon vnflätig scheinen thut /
So ist doch deinem Magen gut.
So etwas in der Platten wer /
Dazu dein Hertz het ein beger /
So trück die Nas / Ein mal / Zwey / Drey /
Biß dir die Handt voll Schnoddel sey /
Vnd wickels in der Handt herumb /
Das es auff einen hauffen kumb /
Vnd schmetter wider in die Platt /
Vor deiner Tisch gesellen statt.
Oder magst dich der gleichen stellen /
Als herkus ja nein schlenckern wöllen /
Also schreckstu die andern ab /
Das keiner lust zu essen hab /
So bleibt dir denn allein die tracht /
Da du ein grawen hast gemacht.
Das steht vom Eulenspiegel gschrieb e
Der hab diß stücklin auch gtrieben /
Den jeder man helt hoch vnd werdt /
Vnd man seins Buchs viel mehr begert /
Denn

Denn aller Philosophen leben/
Magst dich auch auff sein Regel geben.
Auch brauch man ander stück dergleichen/
Mit Sawmilch vnd Pfeffer streichen/
Damit man ander Leut vertreibt/
Das niemandt bey der Tafel bleibt.
Ich solt dir ziel vnd zeit für schreiben/
Wie lang du bey dem Tisch solt bleiben/
Das darff kein gewissen Regel nit/
Du weist dich selbs zu halten mit.
Doch das dir in gedächtnus kumm/
So dir der Bauch ist wie ein Trumm
Gespannt/ Gestreckt/ vnd Außgedent/
Das er dir jez zerspringen went/
Denn ist's am Zweck vnd rechter statt/
Vnd bist on allen zweiffel satt/
So laß ein Grölzen oder drey
Zum Grattias/ das laut gar frey.
Ich solt dich noch viel stücklin leren/
Die zu dem Imbiß all gehören/
Die will ich aber schreiben zu
Wenn ich vom Nachmal sagen thu/
Diewel schlaff du mit guter ruh.

Das Fünfft Capitel/ von Schlaf-
fen/ Spacieren/ Jungfrawen
dienst/ Reuerenz/ vnd anderer
holdseligkeit.

Wenn du nun also Kropff voll bist/
So sey on sorg/ vnd faul als Mist.
Deins

Deins orts laß dich kein wegs vertreiben /
Fein auff dem Tisch solt ligen bleiben.
So kan man je den Tisch nicht decken /
Man muß dich zu dem Essen wecken.
Oder stretch dich so lang du bist /
Auff den Banc da du gefessen bist /
Vnd gessen hast dasselbig mol /
Darauff zimpt dir zu schlaffen wol /
Da schlaff denn sanfft / vnd lig fein still /
Bis man das nachtmal nemen will.
Im schlaff laß Furtz in Luft hin streben /
So wird dichs ganze Hausgsind lieben.
Wolt aber jemandt dich drum straffen /
Das du machst solch rumor im schlaffen /
Sprich / es ist nicht in meinem gwalt /
Das ich die Furtz in Henden halt /
Lass fahrn was nicht hat lust zu bleiben /
Ich muß den Vnflat von mir treiben.
Vnd laß im denn ein par darzu /
Das er die Nasz erhalten thu.
Der Rauch kompt deinem Herrn eben /
Er darff kein Gele vmb Kertzlin geben /
Hastu zum schlaf kein sondern lust /
So geh vmb zu spazieren sust /
Tritt durch die ganz Stadt hin vnd wider /
Ein Gassen auff die ander nider /
So sicht man dich das pflaster treten /
Die dich sonst lust zusehen hetten.
Vnd hör was newer zeitung sey.
Setz denn darzu vnd Siders frey.
Das ist in vnserm Orden sitt /
Wir schreiben doch kein Chronick nit.

2 2 2 2 2 2 2 2
7 7 7 7 7 7 7 7

80

So magstu dann auff solche weis
Verdauen die genommen Speiß.
Dann so du kommest heim zu hauß/
So sag das new geschrey heraus.
Gesagens niemands/wäsch kein Zend/
Vnd setz dich an das oberst end.
Auch ob du schon beschissen hast
Die Schuh/lass dich nit irren fast.
Was soltus jezund wüschten auß?
Bald gehstu wider auß dem hauß/
Vnd bscheiffest sie denn nach wie vor/
Vergebens arbeit thut ein Thor.
Wenn du hinaus kumpst auff die Gass/
So spey ein mal/so wirdt dir bass/
Wenn dir die speiß wil auß dem Tragen/
So würff den plunder auß dem Wagen/
Das im zu schwer ist vnd zu starck/
Wer es schon mitten auff dem Marck/
Vnd viel Volck's vmb dich rumbher steht/
Würff auß was selbs gern von dir geht.
Anthonius hat solchs gethon
Vnd vil Volck's mit zusehen lon/
Der Bürgermeister war zu Rom/
(Das schickt sich wol in vnsern From)
Denn Rom war je die mechtigst Stadt/
Dergleichen jezt die Welt nicht hat.
Denck wie vil du geringer bist/
Denn Anthonius gwesen ist.
Was solchem Herrn wol an hat gstanden/
Das zimpt dir auch in diesen Landen.
Auch rharen die Doctores all/
(Vnd stimmen zu in diesem fall)

Das

Daß zu der gſundtheit Köſtlich iſt /
Sich brechen alle Monats friſt /
Einmal auffſ wenigſt / merck mich nun /
Des guten nicht zu vil kanſt thun.
Was dünckt dich: was dich helfen mag /
So du zwey drey mal alle tag
Auß ſpeiſt / vnd ſingſt mit dicken notten /
Kein Doctor kan dir beſſer rhoten.
Auch wenn dir nor zu prunzen iſt /
Vnd mittren in der Gaſſen biſt /
So lehr die Blaſen auß / vnd ſteh /
Vnd acht nit wer für vber geh /
Es ſey Juncfrawen oder Frauen /
Heiß für gehn / wer nit zu wöll ſchawen /
Vnd gieß ein lange lach daher /
Als obs des Müllers Eſel wer.
Man ſoll ja preiſen zucht vnd ehr /
Geſundtheit aber allzeit mehr.
Der Leib felt in ein Franckheit balde
Das in kein Artzet mehr erhalt.
Drumb bißtu gſundt / ſo bleib dar bey /
Vnd acht nicht was ſonſt höſſlich ſey.
In die Hoſn brung zu weiln darzu /
Dases hinab riß in die Schuh /
Das denn die Schneider drob erſticken /
So ſie dir ſoln die Hoſen ſicken /
Vnd ſprechen alle / pfey dich / pfuch
Das iſt ein grober ſtarcker gruch.
Den Rock laß auch fein abher lappen /
Der gleichen Mantel oder Kappen /
Daß es dich ja nicht irr im gang
So dir das Kleid ſonſt wer zu lang /

Es

Es kan dich wol mit gutem fug
Hosen vnd Wammes decken gnug/
Vnd zeigst vor manchem schönen Weib
Den jungen/ graden/ stolzen Leib/
Vnd sehen schöne Töchter dich/
Ein jung Man sol ja brauchen sich/
Wer auff der Gassen dir zu spricht/
Vnd grüßt dich/ diesem antwort nicht/
Vnd laß ihn stehn gleich wie er wöll/
Wie fein vnd freundtlich er sich stell.
Du solt erstlich gar niemandt grüssen/
Vnd fielstu vber in mit Füßen/
Vnd sih in an gleich wie ein Stier/
Vnd gib im böser plicß wol vier/
Vnd schweig stock still/ gleich wie ein Stein/
Vnd mach dich niemandts zu gemein/
Daß man dich nicht für alber rech/
Vnd dir ein jeder Bawr zusprech.
Dardurch verlürstu deinen pracht/
Vnd würest zu letst für nichts geacht.
Das laß bey leib mit nicht geschehen/
Behalt dein lob vnd schön ansehen.
Man helt ja für ein dapffern Man
Der sich ernstlich stellen kan.
Auch rath ich deiner grobitet/
So vor ein Haus ein Jund'fraw steht/
Du habst jr kundtschafft oder nit/
Tritt zu jr nach dein groben sitt/
Magst/ ob du wilt/ ein weil zuuor
Lan sehen dein kolschwarzes Har/
Wie es fein feißt vnd glizerig sey/
Das steht zum ersten eingang frey.
E n vnd

Vnd schäm dich nit an solcher stat /

Audaces fortuna iuuat.

Kein zager bult kein schönes Weib /

Drumb wag dein jungen stolzen Leib /

Entbeur dein dienst / vnd brauch dich sehr /

So komstu noch zu gut vnd ehr.

Vnd thu ein schöne red daher /

Wie dein jungs hertz jr huld beger /

Mit langem tittel / schönem gruß /

Das sie von not dein lachen muß /

Dardurch du schon versichert bist /

Das dir das bild geneiger ist.

Knipp vnd knapp vnden vnd oben /

So muß dich die schön Juncfraw loben.

Vnd sag jr dein anligen gar /

Das sie dein gneigten dienst erfar /

Sag denn schmeißkeiln vnd grobe grumpen /

Vnd würffs heraus mit ganzen klumpen /

Vnd laß die Sewglock dapffer klingen /

(Man hat jetzt lust zu solchen dingen /

Vnd sind die Töchter heimlich worden /

Vnd gern im Grobianer orden /

Vnd haben selber lust darzu /

Das man grob mit jr reden thu.)

Ob du Juncfrawen wilt hofieren /

Darffst ja nicht mit jr disputieren

Von weißheit vnd philosophhey /

Vnd was die lehr platonis sey /

So hat bey jr noch minder platz /

Catonis vnd Zenonis gsatz.

Kom

Kom du mit andern schwendcken her /
Vnd lug ob in zuhelffen wer /
Wie Cynici das hond beschriben /
Vnd was Cyneder sect hat triben /
Vnd was man jetz treibt vberal /
Von Venus vnd der liebe Sal.
Trück jr die hend / vnd schertz mit jr /
So vberkompt sie lust zu dir.
Vnd wenn du hast dein red gethon /
Vnd meinst du wölst nun von jr gon /
So soltu sie gar schon vmbfangen /
(Darzu hat sie ein groß verlangen)
Vnd nemen in dein adlich arm /
Damit jr hertz sich dein erbarm /
Vnd gib jr denn der liebe kuß /
Wehrt sie sich / vnd hat drab verdruß /
So zieh sie mit gewalt an dich /
Vmbfah sie (doch nit seuberlich)
Kuß an ein backen das es schmarzt /
Das heist das liebmal angesatz.
Fleucht sie / so lauff jr nach mit eil /
Vmbfangs vnd halt sie denn ein weil /
Das sie dir nicht entfliehen kan /
Vnd zeig jr deine holdschafft an.
Kuß auch dem Herren vnd der Frawen /
Das sie von irer Tochter schawen /
Wie du mit jr treibst deinen schimpff /
Das bringt dir gar ein guten glimpff.
So wirdt der Herr zurhusten lon /
Ein frisch bereit Collation /

C ij Vnd

119



Vnd dich mit kühem Wein ergetzen/
Die Tochter an dein seiten setzen/
Dir freundtlich danken/ das du hast
Ire Tochter also wol betast/
Vnd bitten/ das zun offter molen
Du wöllest ein frischen drunck da holen.
Dergleichen wirdt die Mutter do
Von deiner zukunfft werden fro/
Das also ein geradter Gsell/
Ire schöne Tochter haben wöll/
Vnd dir sie geben eigen hin/
Die vielen ward versagt vorhin.
Dergleichen solt dich mercken lassen/
Wenn dir ein Junck frauw auff der Strassen
Begegnet/ so mach dich zuthätig/
Mit greiffen/ tasten/ nur vnflätig.
(Denn jezundt acht doch niemandt mehr
Auffer barkeit/ zucht/ oder ehr)
Als bald ir holdschafft von ir heisch/
Vnd thu dich zu wie Katzen fleisch/
Das selber kan in hafen steigen/
Ein Buler gwint ja nichts mit schweigen.
Grüß eine dich/ ist's dir nicht eben/
Magst du ihr wol kein antwort geben.
Denn jede Junck frauw soll von recht
Freundtlich grüssen ein solchen Knecht/
(Der ist vom Grobianer gschlecht.)
Denck ob dein weiß schon Bewrisch sey/
So biß doch stolz vnd frech darbey/
Zalstarrig/ trutzig/ freuel gnug/
Das alle Menschen auff dich lug.

Wer

Wer dir begegnet auff der Strassen/
Den soltu für sich ziehen lassen/
Vnangeredt/on gruß/on bscheidt/
On alle zucht vnd freundtlichkeit/
Ober schon gleich von Adel her/
Oder ein Bürgemeister wer/
Oder sonst säß in Rath vnd Gericht/
Oder die jugent vnderricht/
Ein Doctor oder predicant/
Rathgeber/oder Außgesandt/
Vnd wie solch Herren sind genant/
Die gut Ler vnd Exempel geben/
Vnd füren ein vnsträfflich leben/
So gib bey leib kein achtung drauff/
Vnd laß dein schön Silzhütlein auff/
Denn solst dus oft heraber rauffen/
Wie bald müst du ein anders kauffen/
Vnd sind darzu solch Hütlin thewr
Wer geb dir etwas dran zu stewr?
Hüt dich vor solchem kappen rucken/
Mit neigen vnd paretlin zucken/
Im Winter ist der lufft zu kalt/
Vnd ist dein Har nicht wol gestalt/
Zechstu das hütlein denn hernider/
Vnd wilts denn gleich auffsetzen wider
So komen denn gleich ander Herren/
Vnd müßs wider heraber zerten.
Wer ließ dem armen Hütlin rhu?
Vnd wer verloren müh darzu/
Lug ob man dir der gleichen thu.
Geh still für vber / vnd passier/
Das dir dein Hüpftlein nicht erfrier/
C iiij (Darinn

(Darinn du hast so seltsam meuß/
Vnd druff ein Walt / darin vil leuß.)
Darneben vnsern stand betracht /
Sind wir nicht all auß leimen gmacht?
Wer kan im etwas setzen zu /
Ist er denn gschickter weder du?
So sterben täglich hin zugleich /
Jung / alt / feist / mager / arm vnd reich.
Sprich / wir sind Erden allzumal /
Ich geb kein Nestel vmb die wal /
Drumb wil ich kein brangens treiben /
Ir laßt mich doch wol bey euch bleiben.
Clotho jr werck hat zugericht /
Atropos niemandt vbersicht /
Wenn sie den letzten faden bricht /
Hat sie auch je verschont ein reichen?
Warumb solt ich denn jemandts weichen?
Vnd breit dich auß / vnd brang dahin /
Vnd nim die halben gassen in /
Vnd stoß ein andern an ein seiten /
Sprich / Langman hebah / gib mir weiten.
Du aber gib niemandt kein platz /
Vnd was du magst thu in zu traz.
So duspaziren wilt zu zeiten /
Mit Gfellen oder erbarn Leuten /
Ober schon gschickter ist denn du /
Vnd hat mehr ehr vnd gut darzu /
So will ich dir ein regel deuten /
Geh allzeit auff der rechten seiten /
Daß er zur lincen geh daher /
Als ob er dein Discipel wer.
Schickt es sich aber / das jr zwen
Nicht mögen beid am saubern gehn /

So

So eil dich bald / mach nicht viel wort /
Vnd tring dich an das sauber ort /
Vnd laß in in dem Drect vmbwatten /
Das wird dich an dein Schuhen batten.
Ein ander mal seh er baß auff /
Kein spiel / es ist ein vortheil drauff.
Grumbt dir der Bauch vielleicht dermassen /
Das du von not ein Scheiß must lassen /
Der dich vor hat im Leib gegrumbt /
So hör was dir zu thun gezimbt /
Das steht dir zu an jeder stat /
Wo dich das Weh betroffen hat /
Da laß in farn mit lautem schall /
So lachen dein die Nach bawrn all /
Vnd lugt das gkind zum Fenster auß /
Vnd meint es sind Trumeter drauff.
Raum du dem Herzen jedermol /
Vnd mach im Luft / das thut im wol /
Ein Duzent / vnd wie viel du wilt /
Vnd so dich einer drüber schilt /
Spricht / Lanzman wo hastu gelet /
Das Farzen auff die Gass gehört?
Ey lieber (sprich) ist's gstoren drauff?
Besser ein Furtz denn ein Aug auß.
Solt ich von eins Fürzlin's wegen /
Kranck werden / ist mir nicht gelegen.
Besser ist dieser Dampf hinweg /
Denn das ich lang beim Doctor leg.
Die Arzet selber all gemein /
Sagen gut rundt / vom Furtz allein /
Verhalten in dem Bauch mit trang /
Vnd drinn vertrüct / versperret mit zwang /
C. v. Vier

Vier krankheit gehn auß solchem Dampf/
Dz Grimmen / Schwindel / vnd der Krampff /
Dazu die langsam Wassersucht /
Mir nicht / das ich sey krank bey zucht /
Will lieber grob sein vnd gesundt /
Denn krank vnd höflich alle stundt.
Claudius auch mit ernst verbeut /
Das niemandt soll zu keiner zeit /
Grölzen vnd fürz im Leib verhalten /
Das man nicht lang des Beths müß walten.
Solch wehrwort solt du anserlesen /
Wilt du vor jederman genesen /
Lug hab allzeit solch Prob bey handen /
So komstu nimmermehr zu schanden /
Vnd behelst allzeit recht mit gewalt /
So hat dein sach ein recht gestalt.
Auch wo du bey Gesellen bist /
Dases bey in beschlossen ist /
Im grünen Gras sich erlustieren /
Vnd etwas schöns wölln proponieren /
Da etwan einer wol berichtet /
Erzelen willein alt geschicht /
Von fried vnd einigkeit der alten /
Vnd wie sie gut ordnung gehalten
Da Tugent noch war lieb vnd werdt.
Vnd jederman sein red begert /
Damit der weg in kürzer sey /
Vnd nützlich red doch sey darbey /
So lug wenn er am besten ist /
Das du im strack's zuwider bist /
Fall im in seine red mit trutz /
Vnd sprich sein schwezen sey nicht nutz /
Vnd

Vnd halt das gegentheil allzeit /
Das auß dem frieden werdt ein streit.
Sprich / halts Maul zu mit alten Sabeln /
Wir habn Exempel vnd parabeln /
All Welt vnd grosse Bücher voll /
Du schweyßt vns wol all Taub vnd Toll /
Was geht vns an der alten leben /
Ich wolt dir nicht ein schnall drumb geben /
Wenn du lang sagst von alten Käsen /
Ob auch vor zeit sind Narren gewesen /
Das dünckt mich wol / denn wir sind Tore /
Vielleicht die Vätter Gecken woren.
Ich hab mehr lust was man jertz thut /
Da sag vns von / das deucht mich gut.
Ein Alter redt von alten dingen /
Wir wöllen etwas news fürbringen.
Eins Alten Weins ist man wol fro /
Mit viel dingen ist's nicht also?
Alt Eyer ich nicht loben thu /
Vnd acht keins Alten Gauls dartzu.
Laß vns von vnserm handel sagen /
Wie jeder füllen mög den Kragen /
Vnd wir mit gutem Wein vns laben /
Vnd schöne Mägdlin bey vns haben /
Vnd sag in viel der Fantasien /
Wie dir die Töchter günstig seien /
Vnd habst ein Buln nach all dein willen /
Vnd sag in her solch seltsam Grillen /
Viel dings das in ein Glächter mach /
Vnd sey du als der erst der lach /
Mit solchem vngestümen gschrey /
Als lachst du dir den Bauch entzwey.

Denn

Denn ernstlich / trawrig / wichtig sachen /
Mögen die Bursch nicht frölich machen.
Drumb sag daher ein schalen schwand /
Es möcht sich ein dein lachen frand.
Von schönen Mägdlin sag in viel /
Wie dich ein jede haben wil.
Vnd haben dich all außserkoren /
Mit trawrig reden ist's verloren.
Drumb sag nur grobe possen her /
Das ist jezund der Bursch beger.
So schickt sich jeder selber frey /
Das er der nechste bey dir sey.
Solt dich keins groben schwand's nit schamen /
Denn wo man jezund kompt zusammen /
Beim Wein / zu Leuten / vnd in Zechen /
Hört man kein ernstlich ding nicht sprechen /
Wer aber ernstlich ist vnd grob /
Vnd des viel macht / verdient groß lob.
Denn spricht man / der kan bossen machen /
Das man sich sein zu ploß muß lachen /
Vnd ist in allen wol damit /
Von solcher grobheit weich du nit.
Denck / was das größte heußlin thut /
Das sey on zweiffel recht vnd gut.
Vnd geh allzeit den größten weg /
(Zur Tugend geht ein schmaler steg.)
Es sagten selber auch die Alten /
Man soll sich gemeinem brauch nach halten.
So thu auch was die andern treiben /
So kanstu bey den Leuten bleiben /
Vnd lig mit in vnden vnd oben /
So werden dich gut schlucker loben.

Verthun

Verthu mit in dein gut vnd gelt/
So bistu lieb der jungen welt/
Gut weid spruch misch zuweilen ein/
(Die Kost muß auch gewürzet sein)
Denn welchem wol mit liegen ist/
Hat sich mit Lügen bald gerüst.
Kannstu aber je nichts erdencken/
So magst den andern Sew anhencken.
So du jr Red nicht kanst verston/
Verlachs alls wo sie reden von/
Tadels/verfers in allen lätz
Damit dir bleib allein das gschweß.

Das Sechst Capitel/von angene-
mener Einfeltigkeit/Erwelung
eins guten sitzes/vnd Höflicher
antwort.

Die Sonn will schier zu gnaden gehn/
Es wirt lehr vmb dein magen stehn.
Er hebt schon an mit dir zu grummen/
Das gschweß ist im sehr wol bekummen/
Die speiß hat er verdawet schon/
Vnd wird nun zeit sein heim zugon.
Doch schleich fein langsam heim zu Haus/
Ein sonderer vortheil kompt dir drauß/
Denn so du vbergehst die stunde/
Das ist dein ganzen Leib gesundt/
Ein ander hat den Tisch gedeckt/
Vnd alle ding darauff gelegt/

Vnd

Vnd hastu dich der müh erwehrt /
Die dir von rechts weg zugehört.
Deßgleich thu im in aller sach /
Fleuch groß arbeit / vnd thu gemacht.
Den halt ich für ein weisen Man /
Wer groß arbeit vermeiden kan.
So sey nun alle zeit der lest /
Ob schon der Vatter vnd die gest
Nun herren lang auff dich gewart /
Das laß dich nicht bekümmern hart /
Ir keiner ist so vnuermessien /
Das er on dich heb an zu essen /
Weil du spacieren zeuchst herum /
Man wart ja biß mein Herr auch kumb.
Sindst du den Tisch noch vngedeckt /
(Dieweil dir je kein arbeit schmeckt)
Vnd weißt doch das die zeit hie ist /
Das er solt werden zugerüst /
So thus doch vngeheissen nit /
Vnd stell dich einfeltig darmit.
Was nutzt dich ob du dich recht helst /
Vnd allweg Flug vnd weißlich stelst
Nichts / denn so was zu schaffen sey /
Mustu der erst alls sein darbey.
Einfalt wird dir wol nützer sein /
So wird man allweg schonen dein.
Zerbrich / zerwürff an allen enden /
Vnd schleiff hernach die faulen Lenden.
Wenn denn der Herr sieht wie dir s glückt /
Vnd wie du bist so vngeschickt /
So wird er eh selbst thun ein ding /
Denn das er dich darzu bezwing /

Vnd

Vnd denck / der vngschickt Narr nichs weiß /
Geschicht nichts was man den Esel heiß.
Vnd heists ein andren in dem Haus /
Will ers nicht selber richten auß.
So bleibstu hinderm Ofen sitzen /
Vnd lugst ob auch die Spffel schwitzen /
Wenn sie denn heben an zu pfeisen /
Soltu sie fein dem Maul zu weisen.
Vnd ist er ja für weiß zuhalten /
Der schaden von im weiß zu schalten /
Vnd seinen nutz er sehen kan.
Dargegen findt man manchen Man /
Der rühmt sich seins guts vnd hab /
Dem helfen bald die Rauber ab.
Wer aber kan sein gut verhehlen /
Dem kan mans nicht so leichtlich stelen.
Desgleich Tugend vnd dapfferkeit /
Bringt manchen starcken Mann in leid /
Der sichs Todts nicht erwehren mag /
Der leben möcht noch manchen tag.
Man fordert aber zu dem streit /
Selten zaghaft / faul / vngeschickt leut.
Achilles spann in Chirons Haus /
Das er nicht müst in Krieg hinaus /
Verhelt lang zeit sein starcken Leib /
Bedeckt mit Kleidern wie ein Weib /
Dergleichen kanstu auch etwas /
Lass dich bey leib nicht mercken das?
So bleistu wol mit ruhen leben /
Ich will dir ein Exempel geben /
Ein junger Grobianer was
Dem gfiel auch vnser Regel bass /
Denn

Denn das er witzig werden solt /
Das a b c nicht lernen wolt /
Er ließ sie an ein Kerbholz sagen /
Es halffan jm kein streich noch schlagen /
Vnd theten jm die streich wol weh /
Wolt doch nicht sagen a noch b.
Eins mals sprach zu jm ein gut Freundt /
Sprich doch nur a / mein liebes Kindt /
Vnd meint er wolt in Tugentlich
Sein vberreden / das er sich
Solt wenden / vnd ein lust gewinnen
Zur Schrift / ich mein er wards wol innen.
Ja sprach das lehrsam Knäblin da /
Ir sagent all zu mir / sprich a.
Als bald ich a sagt / müst ich meh
Zu stund auch lernen b vnd c.
Vnd müst also mit den Buchstaben
Viel müh / vnglück / vnd arbeit haben /
Will mich seh gar nicht vnderwinden /
Man wird dennoch viel Leser finden.
Also hör zu mein liebes Kindt /
Wie man mit list ein ab gewint /
Das er Handtwerck vnd Kunst muß leren /
Deß soltu dich von anfang weren /
Damit du machst den Spruch gewiß /
Obstandum est principijs.
Du möchst dich sunst leicht mercken lon /
So du etwas herst recht gethon /
So ist des heiffens da kein end /
Da müst du geschickt sein vnd behend /
Verdienst vielleicht kein danck darzu /
Drumb folg wie ich dich lehren thu.

Walt

Halt dich allzeit solcher gestalt /
Das man dich für ein Esel halt /
Kein arbeit laß dir gar nicht schmecken /
Vnd wenn man dich den Tisch heißt decken /
So halt bey Leib kein ordnung nit /
Vnd stell dich vngeschickt darmit /
Vnd leg nichts auff / man heiß dich s denn /
Vnd das man dir s alls deutlich nenn.
Die Deller laß an irer statt /
(Man ist sich nit an Dellern satt)
Das Brot heischen sie ob sie wöllen
Wenn sie die Kost mit essen söllen.
Auch Stül vnd Bencf trag nit herzu /
Damit sich niemandt stossen thu.
Die Gläser setz vngwäschen dar /
Vnd dencf / das gestern Wein drin war.
Auch so dir hett dein Herr befoln
Das du im Keller Wein solst holn /
So solt du vor die Kannen zucken /
Darauff mit allen Fresten schlucken /
Vnd sauff so lang du athem hast /
Laß wider voll vnd eil dich fast /
Wüsch s maul mach nit vil federlesen /
Vnd sprich du seist nicht da gewesen.
Merckt man dir schon den bossen ab /
So schwer du seist ein frommer Knab /
Vnd habst noch nie daran gedacht /
Das du ein trunct Weins mehr habst brache
Denn in die Kannen geh mit recht /
Vnd stell dich als ein trewer Knecht.
Ich hab dich droben genug gelert /
Was dir für zucht zum Tisch gehört /

D

Vnd

is

Vnd was du solt für mores treiben /
Das laß dir in gedechtnuß bleiben /
Vnd nim der selben Reglen war /
Denn vnser Ler ist hell vnd klar.
Zu dem findt man vil freyer Knöpff /
Die haben solche gschwinde Köpff /
Das sie on aller Meister fleiß
Erreichen Grobianer preiß.
Darneben soltu nit vergessen /
Ob dein Herr wer zu Tisch geseßen /
Vnd rufft zur Tafel dem Gesind /
So setz dich oben an geschwind /
Wol hindern Tisch / allein das man /
Dich nicht heift sitzen vnden an.
Dann wer sitzt vornen an dem Tisch /
Dem winckt man / das er oft auff wisch /
All possel arbeit kompt in an /
Das er nicht halber essen kan.
Steh auff Bub (spricht man) lug wer klopfft /
Da wirdt ervorn vnd hinten zopfft.
Nuch bring hie Deller / dort lang Brot /
Hie ist Salz dort ein Löffel not /
Holl vns diesen vnd jhenen Wein /
Vnd muß allweg der förderst sein /
Vnd wie ein Garnwind lauffen vñ /
Denn lügen wer zur Thür rein kum /
Den Hundt der pilt hereinher lossen /
Oder den frembden außhin stossen.
Die Thür thu zu / es ist zu kalt /
Ists heiß so muß ers öffnen baldt.
Solch abentheur muß der beston /
Der seinen sitz soll vornen hon

Drumb

Drumb schraub dich hindern Tisch mit fug/
So thustu nichts vnd frist dir gnug.
Doch willes je den Ritten han/
Vnd dich der Vatter auff hieß stan/
Oder dein Herr sprech / steh dahin /
Dien vns zu Tisch / vnd schenck vns ein /
So sih in wider trüzig an /
Vnd hencf als baldt den Maulkorb an /
Muß man denn all ding heissen mich /
Die hond auch hend vnd Fuß als ich /
Vnd sitzen da / als ob sie hetten
Gült fallen / muß ich sie vertretten.
Wolauff ins Ritten namen auch /
Ir Mägd habt euch Sanct Kürins rauch /
Warumb nempt jr denn ewern lohn /
So als durch mich muß sein gethon
Hat mich der Ritt gebracht ins Haus /
So trag er mich auch wider auß.
Kein gute stund noch zeit ich hab /
Ich werck mir selbs das leben ab /
Vnd sind da vnser Mägd gnad Frauen /
Ich solt euch all der Bäder Frauen /
Denn ich wölr ewer Fußthuch sein /
Vnd haben alle müh vnd pein /
Vnd thet ich meinen Gliedern weh /
Ja küßet Küßelbertate.
Also filz du in dapffer auß /
Vielleicht wirdt dich der Herr im Haus
Denn setzen an ein ehrlich stat /
Vnd legen für was guts er hat /
Vnd sprechen / seh das ist dein theil /
Grob Henßlin du bist mir nicht feil /

D ij Das

Das du so dapffer bist gewesen
Vnd in den Text so fein kanst lesen.
Wer aber dein Herr nicht content/
Vnd sprach / dien mir zu Disch bhend /
So rath ich dir so gut ichs weiß /
Du thust was er dich selber heiß /
Das er dich nicht zum Heitzen für /
Vnd dir die faulen Lenden schmier /
Das wer mir für dein grobheit leid.
Denn grob sein hat ein solchen bscheid /
Das ichs für grobe thorheit halt /
Wer gschlagen sein will mit gewalt.
Wie du zum Disch solt dienen wol /
Lern ich dich auff ein ander mol /
Doch hab ich dichs gelert genug /
Zuech dich fein auß / das hat wol fug /
So kanstu gschwind herumher traben /
Ein gut proportz von glidern haben /
Das man seh wo das fänlin hangt /
Wo dir der sturtz zum Gses auß brangt /
Auff knien löcher zimlich breit /
Vnd wie du schmierst den rotz auffs Kleidt.
In summa bhalt vorgsetzte Reglen /
(So komstu zu den groben Reglen)
Der soltu ja vergessen kein /
Du seist bey ewrem Volck allein /
Oder bey Gesten vnd bey Fränden /
Lass dich allzeit fein vngschickt finden /
So last man dich ein Tölpel bleiben /
Sonst möcht man dir den Hals abtreiben.
Vnd wie du dich gewenst im Haus /
Das treib auch so du bist dar auß.

Denn

Denn was dir steht dahel in wol an/
Kein frembder das nit schelten kan.

Das Siebendt Capitel / wie sich ge-
gen den Gessen / mit begiessen / be-
renchen / Weinmischen / vnnnd
zutrincken / zuhal-
ten .

DV hast zu guter massen ghört/
Wie ich dich trewlich hab gelert/
Im Hauß höffliche stück zutreiben/
Auff solcher meinung soltu bleiben/
Ob schon frembd Gest vnd gute Freund
Von deinem Herrn beruffen sein/
Doch will ich etwas in einr sum
Dir Repetieren widerumb.
Was du nicht weist / das lernstu wider/
Was du aufftregst / setz püntlich nider/
Das du das Thuch vnd Disch bescheist/
Dazu die Gest ringsweiß begeust/
Vnd acht das für ein schönen bossen/
So du ein hast ganz wol begossen
Ein Seiden oder Sammat Kleid/
Das wirdt in allen bringen freid/
Das jeder wolt es wer im gschehen/
Das er sein Kleid beschmiert möcht sehen/
Weil solche brü gewürzet sey/
Mit guter thewrer specerey/
Der gut geruch lang drinnen bleibt/
So mans nit wol in die Kleidr reibt/
D ij Darbey

Darbey er lang des orts gedencft/
 Da im sein Kleid ward so besprengt.
 So sih sie denn all ringsweiß an/
 Ob jemandts hab ein gefallen dran/
 Ob er zu solchem schmutzlen thu/
 So heb du an vnd lach darzu/
 Za ha he auff Bawrischen sitt/
 So lachen alle Gest auch mit/
 Vnd loben all den guten schwancf/
 Vnd sagen dir der Hoffzucht danck.
 Wolts aber jemandts gefallen nicht/
 So er sein gschmalznen flecken sicht/
 So sprich/was sagt jr lang darvon/
 Ich habs doch nicht mit fleiß gethon.
 So muß ers denn wol lassen bleiben/
 Er kan dir drum kein Feindsbrieff schreiben/
 Laß in an die groß Glocken lauffen/
 Du wirst im ja kein anders kauffen.
 Denn soltu für den Tisch da stehn/
 Vnd lug wie in die Menler gehn/
 Wer sich mit essen da nicht saum/
 Vnd wer die Platten sauber raum/
 Vnd wer weidlich zu loch zu far/
 Vnd wer sich nicht mit trincken spar/
 Das sie all mercken dein fürnemen/
 So wirdt sich denn ein jeder schemen/
 Das er nicht oft das Glas erwüsch/
 Vnd wenig eß ob solchem Tisch/
 Weil du in allen stehst zu trutz/
 So bistu deinem Herren nutz/
 So sind die Gest gesettigt wol/
 Das sie denn kochen noch ein mol.

Essen

Säßen denn Weiber vnd Juncfrawen
Auch vber Tisch / so soltu schawen /
Das du grob zottu bringst auff die ban /
Vnd sih kein stand noch alter an /
Thu nur vnd red was dir gefall /
Obs schon die andren schelten all /
Wenns nur in deinem sin ist geschicht /
So ist dein ampt wol außgericht.
Vnd ob sich jemandt mercken ließ /
Dich etwas thun vnd schaffen hieß /
Der doch nicht wer dein Herr im Haus /
So halt mit im ein sölchen straus /
Wie / sprich / hastu mich dingt zum Knecht /
Das du mir hie gebeutst so schlecht :
Oder gibst du mir Speiß vnd lon /
Das du mich wilt zum Diener hon ?
Wenn du vil auß zurichten hast /
So thus nur selbs mein lieber Gast /
Obs aber dein Schulmeister wer /
Dein Vatter / oder sonst dein Herr /
So soltu diese wort nicht brauchen /
Sprich ich wils thun vnd anhin dancken /
Sein langsam / wie faulhenßlins thut /
(Von erlen kam doch nie kein gut)
Das du behaltst sein wörter all /
Vnd dir im lauffen nichts entpfall /
Doch sih allzeit ganz sawr darzu /
Das jederman wol mercken thu
An deinem krumm gemachten Maul /
Das du zur arbeit seist zu faul.
Vnd wenn man nun ein Liecht auffzündt /
Nicht nicht ob es schon finster brint /
D iij noch

Noch ob der buß zu lang möcht sein /
 Das von dem Liecht nicht geb vil schein /
 So brich der Kerzen nimmer ab /
 Biß mans zwey dreymal gheissen hab.
 Vnd fleiß dich wenn man essen sol /
 So lesch das Liecht / das steht gar wol /
 Vnd bloß daran erst vber langē /
 Vnd mach vom Liecht ein grossen gstand.
 Das ist ein guter edler rauch /
 Vnd ziert ein Grobianer auch.
 Doch ob dus Liecht schon nicht wilt leschen /
 Vñ fürchtst der Herr möcht dich sonst treschen
 Soltu doch also mit vmbgehn /
 Die abbrech lassen offen stehn /
 So glunzt der buzen vber langē /
 Vnd geht darauß der schön gestand /
 Dem ganzen Hauß gar angenehm /
 Vnd schwangern Frawen sehr bequem.
 Spricht jemandt das sölich stinckend ding
 Den schwangern grossen schaden bring /
 So biß da vnd verantworts als /
 Vnd sprich du leugst in deinen Hals /
 plinius hat auch selbs gelogen /
 Vnd hat die Leut damit betrogen.
 Er spricht von solchem rauch verderb /
 Das Kind in Mutter leib vnd sterb.
 Was lügen / was erdichter brillen /
 Was thantmår / boß Franzosen willen.
 Lieber wer wolts Plinio sagen /
 Wie Weiber solten Kinder tragen /
 Der sein lebtag nie keins getrug /
 So hastu dich verantwortgung /

So meint man du habst wol Studiert /
Vnd viel der Bücher Visitiert.
So kompt dir erst der stinckent butz
Zu deiner grobitet zu nutz.
Auch soltu wol daran gedencen /
Wenn du den gesten ein solt schencken /
So schenck das Geschirr gestrichen vol /
Das vberlauff / das schickt sich wol /
Denn setzest du in halb voll nider /
So müst du in oft füllen wider /
Vnd machst auß einer arbeit zwo /
(Vnd bist vorhin keine arbeit fro)
Auch hast du schon damit bespritzet
Jemandts der an der Tafel sitzt /
Was ligt denn dran / boz werden Blut /
Der Wein ist allen Menschen gut.
Acht nicht ob schon verschuttet werde
Der Wein darneben auff die Erdt /
Du darffst in doch bezalen nit /
Darumb hab auch kein sorg damit.
Ob du das Geschirr zu vollthust schencken /
Vnd sorgst der Herr werds Maul drob henn
Vnd werd dir darumb vbel fluchen / (cken
So soltu diesen vortheil suchen /
Bald vbersupp den selben Wein /
Das heist ein Jungfraw trünckelein.
Denn setz in für den Herren nider /
Oder schüts in die Kanten wider /
Das dünckt mich sein ein besser fundt /
Ob etwas drinn wer vnd gesundt /
Wenn es zertheilt ist schadtes minder /
Das merckent wol jr groben Kinder.

D v

Ein

Ein grosse Bürd trücket manchen schwer /
Die vielen leicht zu tragen wer.
Auch ob du vieler gestalten Wein
Den Gesten soltest schencken ein /
So laß dich das nicht sehr Verieren
Wie du in solt Distribuiere /
Wenn dieser oder jhener ghör /
Nach jedes würdigkeit vnd ehr /
So halt nur allzeit diesen Brauch /
(Weil er zusammen muß in Bauch)
Den nechsten den du hast erwischt /
Den schenck in ein / geb wie er ist /
Vielleicht wirts eben dieser sein /
Den du in soltest schencken ein.
Oder misch in fluchß alln zusammen /
So gwint er ein Tugent vnd Namen.
Wenn man viel Weins zu samen thut /
So macht nur einr den andern gut /
Vnd gwint ein recht Temperatur /
Vnd vberkompt nur ein Natur /
So new vnd alt beyinander ist /
Das nicht gschicht / bleibt er vnvermischet.
Ob aber jemandt wolt beduncken /
Er het nie solch Mixtur getruncken /
So antwort im mit worten frey /
Du weißt nichts vmb die Arzeney /
Kannst du nicht bey dir selbs gedencen /
Wie die Doctores thun mit trencken /
Die sie den Krancken wöllen geben /
Ob sies nicht vor vermischen eben /
Syrupen vnd Simplicia /
Zucker vnd Liquiritia /

Gebrente

Gebrente Wasser / Stein / vnd Kreuter /
Was sagstu denn du schwarzer Reuter?
Wil man nicht han von mir für gut /
So das ein Arzter selber thut.
Das Bier auch so vermischen thu /
Vnd brauch gemelte wort darzu.
Darzwischen nimb deinr schanz auch war /
Reicht dir jemandts ein Becher dar /
Da noch in ist ein Portion /
So laß in deinen Kragen gon /
Vnd zeig im wie dus hast gelet /
So bistu aller ehren wert.
Dergleichen thut dir jemand winden /
Du solt ein wenig mit im trincken /
Hastu kein Durst / so schlags im ab /
Das er sein dienst verloren hab.
Oder dürsch dich zur selben stundt /
So sauffs gar auß bist auff den grundt /
Das nicht ein tröpfflin bleib darin /
Vnd schenck im denn ein frischen ein.
Den Hut solt du abziehen nit /
Oder mit vngefugem sitt /
Das er denck / du wölsts also rich
Im werffen in das Angesicht.
Wie sehr Conterferisch ist /
Wenn du so gar on sorgen bist /
Das du laßt fallen auff die Erdt
Ein Glas / das dein Herr hat gar werdt /
Das es dir auff den Boden spring /
Vnd fall zu stücken das es kling.
Hebt denn der Herr zu fluchen an /
Sprich / der voll laur ist schuldig dran /
Wer

Wer kan für vnfall / leichams willen /
Also wirstu den Herren stillen /
Das er gleich wol darzu muß sehen /
Vnd sprechen / plan es ist geschehen.
Sichstu ein lehren Becher dort
Hindan gsetzt an ein sonder ort /
Vnd jeder spricht er sey nicht sein /
Vnd etwan einer fürcht den Wein /
Vnd hat darumb den Wein verborgen /
Der Trunckenheit sich thut besorgen /
So nimb in / sprich / schaw stehstu du?
Schenck in gleich voll / es ghört also /
Vnd bring in fluch s dem nechsten auß /
Sprich / guter schlucker der ist hauff.
Laß diesen trunck herumbher gehn /
(Lehr Becher solln beim Tisch nit stehn)
So kompt er in sein alten standt /
Vnd wird von ein zum andern gsandt.
Doch thu all ding mit sonderm list /
Dasselbig hoch zu loben ist.
Denn wer den schalck wol decken kan /
Ist jertz ein recht Welt weiser Man.
Mir trincken brauch du diesen fundt /
Trinck lauter Bier das ist dir gsundt.
Den andern misch zusamen frey /
Das Wein vnd Bier bey einander sey.
Denn ja ein ding viel stercker ist /
So es auß vielen ist vermisch /
So machstu sie denn voll geschwind /
Das sie nicht wissen wo sie sind /
Vnd wird darauß ein voll geloch /
Da fragt dein grobheit wenig noch.

Wiltu

Wiltu den ghesten gnedig sein /
So gib in auch den lautern Wein /
Vnd trinck's gar auß mit guten trewen /
Laß dich kein grossen trunck nicht rewen /
Das du zum ersten werdest vol /
Das gfelt den andern ghesten wol /
Wenn du dich also Visierlich stelst /
Von einer wand zur andern felst /
Dürmelst vnd Gauckelst hin vnd her /
Als ob kein Hirn im Schedel wer /
Das werden sie dir leren ab /
Das jeder etwas von dir hab.
Wenn sie dich sehen solches treiben /
So wird jr keiner nüchtern bleiben /
Vnd schicken hin Melancoley /
So in mit Wein zuhelffen sey.
Laß auch niemands vom Tisch auffstehn /
Bis er nicht mehr selbs hin kan gehn /
Vnd laß im schwindel vor dem Gesicht /
Vnd in die Füß wölln tragen nicht.
Acht auch nicht / ob dein Herr schon sag /
Der gut Gsell nimmer trincken mag.
Zey lieber / sprich / lasse mir in sitzen /
Wir wölln in noch bass zuspitzen.
Auch soltu niemands schencken ein /
So du im Becher sichst mehr Wein /
Ist etwas drinn so sauffs bald auß /
Vnd mach ein feinen Reimen drauß /
Man soll nicht schencken Wein auff Wein /
Es kan nicht nütz vnd lustig sein.
Denn sprich / wilt du den Wein vermauchen?
Vnd wilt ein bschiff hie mit vns brauchen?
Vnd

Vnd sitzen da zu Leppern lang /
 Du machst den guten Leuten bang.
 Man sol hie brauchen redlichkeit /
 Vnd handeln mit Gerechtigkeit.
 Weinstu ich hab den schon vergessen?
 Ich will dir jezund besser messen /
 Vnd bring dir jezund diesen dran /
 Kein freier Volck man finden kan /
 Denn gute schlucker / wo die hausen /
 Die lehren Becher / Gläser / Krausen.
 Thut rechten bscheid / ich dien euch allen /
 Keim nicht zu leid noch wolgefallen /
 Ein will ich wie dem andern schencken /
 Vnd sol nur keiner anders dencken /
 Drumb will ich vnparteyisch sein /
 Vnd wenn es lehr ist / schencken ein.
 Solch reden brauch (Baccho zu ehren)
 Wolt sich aber des jemandts weren /
 Vnd bät dich vmb Gotts willen schon /
 Du soltest in trinckens vnderlon /
 Sprich / du hast noch nicht bscheid gethon /
 Eh ich dir diesen trunck nachließ /
 Ich wolt eh das ich Zudel hieß.
 So trinckt er denn / vnd thut dir bscheid /
 Es sey im gleich lieb oder leid.
 Denn sprich / jr Herrn wo bleibt der trunck?
 Trinckt weidlich auß / jr seid noch jung /
 Ist niemandt hie der sprach zu mir /
 Compaignon diesen gilt es dir.
 Sag etwas lustigs oder sing /
 Bis er den Wein in Wagen bring /

So werden auch die Geist voll Wein/
Wird dir ein guter vortheil sein/
Du mußt ja auch selbs schonen dein.
So dir die Augen zu wölln gon/
Mußt du groß acht auff's trincken hon/
Vielleicht kompst du viel eh zu Beth/
Denn so man lang drauffwarten thet/
Vnd magst dich schlaffen wider sat/
So man dich frü gewecket hat.
Viel wachen schwecht die Jugend sehr/
Hört man in aller Arzet lehr/
Die eh bringet Kräfte vnd Tugend wider/
Drumb steh spat auff/ vnd geh frü nieder.
Beseiß dich auch so bald du magst/
Das du die Geist geschwind verjagst.
Behalt auch wol was ich jetz sag/
Das dir zur grobheit helffen mag/
Lug ob zwen Tisch mit Leut da sassen/
In deines Herren Haus vnd ässen/
Vnd weren doch nicht eines standts/
Noch Handels/ practick/ oder Lands/
Das erste vnd das größte theil
Wer Mutwillig/ Verwehnt/ vnd Geil/
Ein Bursch von dem verlornen hauffen/
Die sich nur sammeln voll zusauffen/
Voll Brüder/ Anebel/ vnd Weinschleuch/
Die lügen wo man fällt die Beuch/
Vnd hetten da ein groß getader/
Ein Brumlen/ Murmeln/ vnd geschnader/
So sassen an ein sondern ort/
Wenig die machten lüzgel wort/

Ersam/

Ersam / Dapffer / Gelerte leut /
Vertrieben da freundtlich die zeit /
Spielten ymb ein pfennig / Zwen / Drey /
Vnd redten etwas guts darbey /
Hast du den Schlüssel denn zum Keller /
So gib nicht ymb die wahl ein Heller /
Vnd setz als bald den besten dar /
Der liederlichen groben schar /
Den aller schlechtesten Wein zu lest
Setz für ehrliche Leut vnd Gest.
Vnd murt der Herren einer drab /
Sprich du / kein bessern Wein ich hab /
Wem er nicht schmeckt / der laß in stehn /
Es wird euch hie nicht besser gehn.
Denn es kan den nicht nützlich sein /
Zu trincken guten starcken Wein /
Sie habn subtile Köpff vnd Sinn /
Vnd haben selzam hendel drinn /
Vnd müssen viel geschafft verwalten /
Auch thut sieß Volck in ehren halten /
Vnd will in also nicht gebären
Mit trunckenheit sich zu verführen.
Denn solches laster nimpt dahin /
Vernunft / Weißheit / vnd gute sinn /
Vnd wird also das Haupt verrückt /
Vnd aller güter Rath verzückt /
Vnd wird geacht nach der person /
Die solches Laster thut begon /
Dessen wirstu ein vrsach sein /
So du in gäbest starcken Wein.
Es wöllen auch solch Leut lang sitzen /
Vnd reden von vnvernunft vnd wizen /
Von

Von ernstlich vnd grossen sachen /
So müst du desto lenger wachen /
Vnd würd'ensouil windt weichen.
Möchten sie sich des Weins vergleichen /
Vnd würd' das gschwartz vil lenger weren /
So iren kein wolt heim begeren.
Diesem vnfall kömst du am rechtsten /
So du in gibst den aller schlechtesten /
Der Khanacht ist / vnd auff der Trusen /
So schütten sie in halb in Busen /
Vnd ist der gschmack nit angenehm /
Vnd solchen Leuten vnbequem /
Vnd trinckt niemant ein solchen Lewr /
Das kömpt dir an dem schlaff zustewr /
Damit wirstu sie baldt vertreiben /
Bey saurem Wein wirdt keiner bleiben.
Vnd werden in da lassen stehn /
Vnd jeder seinem Haus zu gehn.
Wie man list von Socratis Weib /
Kantippe (danc hab noch jr leib)
Die hat ein freien bossen triben /
Den man von jr hat auffgeschriben.
Vnd hat jr gmacht ein gschrey damit /
Das will ich hie verschweigen nit /
Nun hört wie sie den Brey verschütt.
Socrates het zu gast gebetten
Gut freunt / das sie ein kurzweil hetten /
Vnd nemen damit im für gut /
(Wie man noch oft der gleichen thut)
Da Kess vnd Brot mitnander ässen /
Vnd da feio still zusamen sassen /

¶

VND

Vnd redten von Weißheit vnd Kunst.
Kantippe war vndülrig sunst/
Vnd het ein Maul das schwagt zu sehr/
Vnd mocht die Gest nicht leiden mehr/
Das Angesicht brann jr wie ein glut/
(Wie noch manch böse Vettel thut.)
Sie flucht in sehr / vnd stellt sich lätz/
(Wolt perturbieren jr geschwätz.)
Sie aber weiß vnd wol Geleert/
Hetten des gschreiß vor mehr gehört/
Vnd gaben nichts auff iren zorn/
Vnd war jr Kiffeln all verlorn.
Da sie merck't wie sie ward ver spott/
pleth sie sich auff / gletch wie ein Krot/
Mit dem sie in den Tisch vmbwarff/
Vnd sprach zu in mit Worten scharff/
So spat ich keiner Gest hedarff.
Vnd warff da Tisch vnd Bencf zusammen/
Geht heim (sprach sie) ins Kitten namen.
Da war es mit den Gesten auß/
Vnd blib jr keiner mehr im Hauß.
Dis Stück lin hieß ich dich auch treiben/
Wenn du die Gest baldt woltst vertreiben/
Doch magstu irer ehr ver schonen/
(Auch möcht man dir mit Feusten lonen)
Drumb setz in dar ein sawern Trancf/
So bleib der Herren keiner langf.
Denn geh vnd tröst die grobe Kind/
Vnd lug ob sie schier truncken sind/
Lug auch das jr Wein starck vnd firn/
Der Bursch fluch s auff steig in das Bier

Ob sie des dampffs schon würden innen/
Seind sie doch nicht von scharpffen sinnen/
Wenn sie schon dolle Köpff gewinnen/
Dass in an Kunst vil mög zerrinnen/
Auch haben sie zuschaffen nicht
In schweren sachen/ Rath vnd Gericht/
Was solten sie denn messig leben/
Vnd vil nach grosser Weißheit streben/
Klein witz dünckt solche Leut auch gut/
Darbey ein frischer freier mut/
Ein frölichs Vöglin sorgt für sie/
Kein sorg bekrenckt ir hertz noch nie/
Nach reichthumb trachten sie nicht sehr/
Vnd wie man Weib vnd Kinder mehr/
Allein ir datum steht dahin/
Zu haben einen leichten sin/
Gedencken nur auff Wein zu schlinden/
Wenn sie mehr Grobianer finden.
Bring dieser Bursch was sie begert/
Sie ist eins guten Weins wolwert/
Den trag in auff/ sey vnuerdrossen/
Wie wol der selbig sey verschlossen.
Denn grosse füll vnd trunckenheit/
Ist dieses Vöcklins täglich Kleidt/
Vnd mag in auch kein füll nicht schaden/
Wie schwer sie sind damit beladen.
Denn magstu dieser Bursch zu ehren
In helffen wo sie hin gehören/
Branch all dein sin/witz/vnd vernunft/
Brings in der Grobianer zunft/
Darzu sie selber lustig sind/
Der starck Wein macht sie voll geschwind/
E ij Weib

Wenn sie denn all sind vberwunden /
So schlaffstu auch zu guter stunden.
Vnd treib sie denn all für die Thür /
Das ein gut Gsell den andern für /
Denn magstu thun ein guten suff /
Geh hin vnd sag zu niemands muss /
Leg dich in Kleidern schlaffen druff.

**Das Achte Capittel / vonn sittigen
reden / wichtiger disputaz /
vnd mancherley Opi
nion.**

Un lern was dir zutreiben ist /
Wenn du bey solchen schluckern bist /
Denn wenn sie wol gerruncken sind /
Da hebt sich ein rumor geschwind /
Vnd schreyt ein hie / der ander dort /
Das keint hört sein eigen wort.
Damagstu wunder gschichten hören /
Vnd kanst wol etwas nützlich s lernen.
Der sagt was er getriben hab /
Da er noch was ein junger Knab /
Wie auffsteckn geritten sey /
Vnd triben selzam Spiel darbey.
Der ander sagt von seinem scherz /
Wie er sey gwesen ein Bulhertz /
Vnd wie er kundt so lieblich schwezen /
Mit seiner allerliebsten Mezen /
Vnd nach der leng erzelen frey /
Wies im so wol gelungen sey /

Vnd

Vnd sey im alls nach wündsch ergangen/
Was er nur mit hab angefangen/
Auch lassen tieffer seuffzen vil/
So er gedencet der alten spil.
Was schwerer arhem holt er doch/
So er dencket an sein Bulschafft noch?
Der ander sagt das wider spil/
Wie er erlitten hab so vil/
Vnd wirdt von grossem vnglück sagen/
Was er für kummer hab getragen/
In solcher dollen blinden lieb/
Wie er sey gschlichen als ein Dieb.
Vnd kómen für liebs Remerlein/
Die hab in nie gelassen ein/
Auch mitten in dem Winter Kalt
Entpfunden hab des Fews gewalt.
Vnd wie er oft von irent wegen
Gelauffen sey durch Schne vnd Regen/
Hab sie in doch nie wolentpfangen/
Vnd sey sein sach nie für sich gangen/
Hab auch an ir geholffen nit/
Geschencf / Gelt / Kosten / oder bit.
So sitzt darbey ein voller Krug/
Der kan sein Lieb nicht loben gnug/
Vnd dorfft verwetten grosses Gelt/
Kein schöner Mensch wer in der Welt.
Da wirdt er loben offenbar/
Ir glizend schön Goldfarbes Har/
Ihr schwarze Auglin offtmals nennen/
Die wie der schön Carfunckel brennen/
Vnd wie zwen liechter Sternen Klar/
(Als man von Venus sagt fürwar)

Ihr Mündlin rot wie ein Rubin /
Vnd was sie redt sey süß vnd fein /
Ihr schön Angesicht so wol rundiert /
Ihr glatte Stirn so wol formiert /
Weiß wie ein schönes Helffenbein /
Oder ein weißer Marmelstein /
Breit glad / vnd klar / von farben gut /
Geremperiert wie Milch vnd Blut /
Als weiße Gilgen seind gestalt /
So man darzu rot Rosen halt.
Also wirdt er ihr schön beschreiben /
Vnd lang in solchen reden bleiben /
Zu letst (das niemands hab verdruß /
Ab langer red) thun disen beschluß /
In summa / sie ist so gethan /
Das man an ihr nichts tadlen kan /
Vom Scheidel hoch bis auff die Stiß /
Ist all ihr thun vnd lassen süß /
(Zu tausent malen ich sie grüß.)
Ein anderer sagt von alten Kesen /
Wie er ein Hauptman sey gewesen /
Vnd hab so manchen zug gethon /
Vnd müssen in der ordnung ston /
Vnd doch alls komen frey daruon /
Vnd wie er lang nit het zu essen /
Vnd wie im ward sein Solt vergessen /
Vnd sagen her groß abentheur /
Von Stürmen / Streiten vngewehr /
Von Schlachten vnd von manchem Streit /
(Der doch nie für das Thor kam weit)
Der ander wirdt auch vngeseht
Viel guter weidsprüch bringen her /

Wie

Wie er in einem schuß dort schoß
In einem Waldt ein Hirzen groß/
Durch Kopff/ durchs Ohr/ vnd durch ein Fuß/
Dasselb denn jeder glauben muß/
Vnd sagen von viel guter Tunden/
Wie er den hie/ den dort hab gefunden/
Wie dieser sey so vnuerzagt/
Wie er die Wölff vnd Beren jagt.
Der sagt von feldern was er weißt/
Von Gchssen vnd von Schafen feißt.
Der ist ein Schiffman sagt von Winden/
Vnd wie man thu vil Inseln finden/
Vnd von dem vngestümen Meer/
Des wundern sich die Leut denn sehr/
Die auff dem Meer nie sind gewesen/
Vnd solche ding nie hond gelesen/
Vnd sagt ein jeder seins darzu/
Damit er dir gefallen thut
Denn thu die weiten Ohren auff/
Vnd hör in allen fleißig drauff.
Ob dir darzwischen rüfft ein Gast/
(Villich so darst den Kerlin vast)
Vnd will du solt im schencken ein/
Oder darffzu ein andern dein.
So antwort nichts was er dich bitt/
Vnd thu dergleich als hörstus nit/
Denn nimstu dich des hörens an/
So will ers werck auch von dir han.
Desgleichen auch Vlisses thet/
Do er Syrenen gefunden het/
Damit er ire stim nicht hört/
Vnd wärd mit irem Gsang bethört/
E uij Mit

Mit Warhater gar wol vermacht /
Seiner Gfellen ohren / vnd gebrache
Sie mit einander auß der not /
Entpflohen groß gefar / vnd todt.
Nun war Vlisses weiß vnd gschickt /
Thu auch also das es dir glückt /
Was man dir sag vnd schreyen thu /
So thu als werstu taub darzu.
Kannstu dich aber nim erweren /
Vnd woltst doch gern dem gschwetz zuhören
Vnd must schand halben antwort geben /
So sprich / nicht hab ein solches leben /
Verzeuch ein weil vnd hab gedult /
Es ist des guten gschwartz hie schuldt /
Doch will ich kommen jetzt behend /
So bald ich hab gehört das end /
So wirdt er auff dich warten frey /
Biß dir's gleich wol gelegen sey /
So hör's denn auß mit ganzen freuden /
Vnd laß dir's gschwartz kein Mensch erleiden.
So in denn Bacchus höher steigt /
Vnd die vernunft von dannen fleugt /
So hebt sich erst das murmlen baß /
Vnd glaubt der diß der ander das
Vnd komen denn so weit hinein /
Das sie nim wölln zufriden sein.
Der sagt die Seel vnsterblich sein /
Far doch in andre Cörper hin /
Allein die statt verwandlen thu /
Dardurch es offtmals kom darzu /
Das oft auch in ein Menschen far /
Ein Seel die in ein Thier vor war.

So will vielleicht den andern allen
Sein Pythagorisch ler nicht gefallen/
Vnd wöllen gar nichts halten von
Der Narrischen Opinion.
Ein anderer sagt/wie auff ein stutz
Sterb Leib vnd Seel/vnd sey kein nutz/
Denn so das Fewe verlesch vnd sterb/
Das auch sein Hitz damit verderb/
So streiten andre gleich darwider/
Vnd legen solchen Glauben nider/
Vnd wöllen da richten auß beim Wein/
Solch sachen/wenn sie sinnlos sein.
Die andren wöllen dir bedeuten/
Von Meerwundren vnd Wilten leuten/
Die vnder andrem Polus sind/
Da man Hundtsköpffig Menschen find/
Vnd essen Menschen Fleisch zur Speiß/
Vnd leben auff die Viehisch weiß.
Der hab ein Fuß der sey so breit/
Das er den Regen im abtreit/
Vnd laufft doch so geschwind darmit/
Das im kein Thier entfliehe nit.
Auch etlich Ohren lang vnd breit/
Das der gantz Leib mit werdt bekleit.
Der hab die Augen an der Brust/
An solchen wundern sey ein lust.
Erzelt darbey an solchem Tisch/
Syrenen/Meerschwein/vnd Walfisch/
Von Herzog Ernst bewartem Schiff/
Wie er zu dem Carfundel griff/
Vnd wie Signot den Berner trug/
Vnd wie Wolff Diettrich Wärmerschlug/
E v Vnd

Vnd wies Sanct Brandon vbel gieng /
Das er vier wochen in ein ring
In einem grossen Walfisch fur /
Vnd häwt dapffer vber die Schnur /
Vnd thut denn grosse Schwür darzu /
Das man solch ding eh glauben thu.
So findt man denn ein oder zwen /
Die wöllen solches nicht gestehn /
Das die Natur sich also spil /
Vnd fürbring solcher wunder vil /
Vnd das man alles glauben soll /
Darvon man findt die Bücher voll /
Vnd braucht ein jeder Argument /
Damit sein red im werd geschent.
So findt man jr noch mancherley /
Die machen Zanc vnd groß geschrey /
Vnd sitzen da lang zeit zu Plerren /
Von Keiser / König / Fürsten / Herren /
Vnd werden dardurch zu vnfridt /
Die doch an sie gedenc'en nit /
Der ist auff dessen seiten gut /
Der ander in sehr schelten thut.
Vnd ist das Grobianisch gfind
So vngefaltzen Doll vnd blind /
Vnd Zanccken vmb ein Dauben Dreck /
Darneben sitzt ein ander Gecf.
Der kan viel selzam wunder sagen /
Von guten vnd verworffnen tagen /
Vnd macht darbey groß vnderheit /
Waser allzeit für Kleider treit.
Vnd ob er in sein Haus sol bleiben /
Jagen / oder Kauffmanschafft treiben /
Vnd

Vnd welche zeit er glück mit hab/
Das er im schneid die Negel ab.
Oder sunst wandel vber Feldt/
Vnd wenn er soll empfahen Gelt.
Der ander im bewerer thut/
Gelt einnemen sey allzeit gut/
Vnd sey ein tag gleich wie der ander/
Ob man verkauff/ bleib/ oder wandert/
Lucas hab nichts daruon geschrieben/
Die Heyden haben solch s getrieben.
Das will der ander widersprechen/
Vnd sitzen denn darumb zu rechten/
Vnd will jeder der wichtigst sein/
Bis sie mit Feusten schlagen drein.
So kompts von worten zu den streichen/
Wo ein den andern mag erreichen.
Vnd stossen denn die Tafel vmb/
Das jeder bald von Leder kumb/
So wird manchem zerhackt die Haut/
Der das Gestern nicht hett getrawt.
Das kompt auß solchen Argumenten/
Das ist der Scherer Gült vnd Kenthen.
So lauff darzwischen hab ein muth/
Hilff wo das glück sich halten thut/
Vnd hilff zu diesem Zader sehr/
So werden sie erzürnt noch mehr.
Schlag immer zu/ doch schon der Haut/
Vnd schrey als hefftig vberlaut/
Wie ein Zanbrecher steht zu plerren/
Wenn er böß Zeen gern außwolt zerren.
Brüll wie ein Ochß/ schrey wie ein Kuh/
So thun sie all jr Wenler zu/

Das

Das niemand etwas hören mag /
Als wer dein Stimm ein Donner Schlag /
Vnd werden denn all loben dich /
Das du dich helst so ritterlich /
Vnd sagen das du Edel bist /
Ob dir wol schon ein Pfundt dran brist.

Das Neunt Capitel / wie die Best
zu vertreiben / das Haus zu be-
waren / Schlaffen zu ligen / vnd der
Kopff wider einzurich-

ten sey.
Wo sich denn solch Kumor vnd Zand
Verziehen wolt / vnd würd zu lang /
Das wird dir nicht zu leiden sein /
So leg dich mit gewalt darein /
Vnd heiß sie lassen von dem strauß /
Vnd das ein jeder geh zu hauß.
Fragt dich einer was hats geschlagen /
Dem soltu nicht die Wahrheit sagen /
Ob dir schon sey beim Zanen Fundt
Das es erst sey die Zehent stundt /
Sprich doch es hab lang Zwölffe gschlagen /
Das soltu denn oft zu in sagen /
Ob sie dich schon fragten nit /
Nur das du sie vertreibst damit.
Will dieser list nicht helfen dich /
Das sie nicht wolten trolen sich /
Vnd haben auff die zeit nicht acht /
Ob es schon wer vmb mitternacht /
So fer ein mal das rauch heraus /
Sprich / geh ein jeder heim zu hauß.

Sats

Hats dir dein Herr schon nicht befohlen/
Wirstu doch danck bey im erholen/
Denn er solchs selbs zu jnen redt/
Wenn ers schand halb nicht lassen thet/
Was im nicht zimpt/wird dir gebüren/
Vnd solt die Sewglock weidlich rüren.
Als bald sie denn vom Tisch auffstehn/
So thu die Thür auff/lass sie gehn.
Darbey soltu auch mercken eben/
Wenn sie ein gute nacht habn geben/
Dem Herren oder Vatter dein/
So pack dich weg/vnd schleich dahin/
Das niemand weiß/fein vngeredt/
Vnd leg dich auff das Federbeth/
Entschlass on all gebet darinn/
Nimb dir kein Segnen in den sinn/
Lig da zu schnarcken wie das Viech/
Sorg nicht wer sol behüten dich.
So wird dein Herr denn vmbher gon/
Lugen was du nicht zu hast thon/
Die Thür verriglen vnd verschllessen/
Es kan in ja nicht wol verdriessen.
Das Haus ist fein/hat ers gern zu/
Ist billich das ers selber thu/
Lesch Kerzen/vnd vertritt das Sewr/
Das kompt dir an dem schlaff zu stewr.
Der Herr weiß wol wie sichs gehört/
Wie Cato hat der weiß gelert/
Das ein Hausvatter wol ansteh/
Das er zum letzten schlaffen geh/
Zumersten er vom Beth begert/
Vnd lugt gern selber zu seim pferdt/

So wird es schön / Gesundt / vnd Feist /
(Wie mancher guter Herr das weißt)
Des Lichts halb hab ich mich bedacht /
Es hat manchem ein nachtheil bracht /
Das er on Kerzen schlaffen gieng /
Vnd guter Beulen viel entpfeng /
Im Schedel hirn / das war nicht fein /
Vnd fiel darzu die stiegen ein /
Denn oft hett man in weg gesetzt /
Ein ding das er nicht het geschet /
Darüber fiel vnd strachelt er /
Als ob er dar geschlagen wer.
Man spricht die nacht sey niemands freunt /
Drumb sih dich für / du grobes kindt /
Der Herr weiß gut gelegenheit
Seins Hauß / vnd kan mit geschwindigkeit
On Licht durch alle winckel kummen /
Lass in hinziehen murren brummen /
Er zeucht wol selbs die Hosen auß /
Bistu im Beth / so geh nicht drauß.
Belad dich nicht mit grossen sorgen /
Vnd schlaff biß an den liechten Morgen /
Das man dir auß den Federn tieff
Zur guten Morgensuppen rieff.
Des nachts so du wilt schlaffen gehn /
Lass all ding auff der Tafel stehn /
Becher / Geschirr / was es sein mag /
Es kompt doch Morgen auch ein tag.
Sag doch was hetstu nutz darvon?
Hest du schon all ding hingethon /
Die Geschirr geschwenckert schön vnd rein /
O Guckule der nutz ist klein /

Oder

Oder wo bey man kennen thet /
Das man nacht drauß getruncken het?
Dazu ich dich so offt erman /
Nimb dich nit grosser vnmuß an.
Vnd schlaff mit ruh on sorgen hin /
Bis dir die Sonn ind Augen schein /
Vnd solt in warmen Federn bleiben /
Lass dich kein Mensch im Haus aufftreiben /
Bis dir der Hausherr ruffen thu
Ein mal / Zwey / Drey / vnd Vier darzu.
Diweil ist alle arbeit gschehen /
Vnd habn die Mägd all ding versehen /
Auffghaben / hingstalt / auffgeraumbt /
So hastu dich der müh versaumbt.
Wenn du denn wol hast außgerast /
Die gestrich füll vertrieben hast /
Das dir nimbt thut das Köpfflin weh /
Vnd nun die Sonn am höchsten steh /
So halt dich wie dir s zugehört /
Wie ich dich droben hab gelert /
Wie ich lang hab von dir verhofft /
Das ich ein ding nicht sag so offt.
Dünckt es dich denn gerathen sein /
So trinck als bald ein Branten wein /
Das dünckt jr vieles sey in gsundt /
Vnd dünckt mich nit ein böser fundt /
Du magst auch bey dem selben bleiben /
Man muß ie böß mit böß vertreiben.
Ich het dich noch viel stück zu leren /
Die zu ein Grobianer ghören /
Aber die zeit verschwindt behend /
Vnd heist mich eilen zu dem end.

Vnd

Vnd solt ich alles schreiben her /
Ich wist nicht wo Papiers gnug wer /
Wist auch nicht wer das Buch möcht tragen /
Man müst es führen auff dem Wagen.
Denn Grobianer Landt geht weit /
(Der größte theil sind grobe Leut)
Drumb hab ich schlecht nur oben hin
Gesetzt die gemeinste stück hierin /
Sonst würds zu groß vnd schickt sich vbel /
Vnd wer viel schwerer denn ein Bibel /
Hiemit Alde / mich schläffert sehr /
Wenn ich erwach so schreib ich mehr.

Ende des Ersten Buchs Grobia-
ni / von Unhöflichen / Bew-
rischen Sitten.

Das Vnder Buch Grobiani/ Von gro- ben Vnhöflichen Sit- ten.

Das Erste Capitel vnderweiset/
wölcher massen ein Grobianer / so er
zu Gast geladen / ein gedencf zedel mas-
chen / den besten Sitz einnehmen /
vnd mit prouiantd sich
versehen
soll.

Bisher hab ich dich gleret vil sachen /
Wie du die Gest solt frölich machen /
Doch als das einem Knecht gezimpt /
Der Kost vnd Lohn vom Herren nimpt.
Nun aber soltu lernen wol /
Ob du selbs würdst ein Herr ein mol /
Wie du Tractieren solt ein Gast /
Den du zu dir geladen hast.
Doch will ich schreiben vor vnd eh /
Was dir beyn Leuten wol ansteh /
So du zu gast geladen bist /
Vnd was gut Grobianisch ist.
Zum ersten weiß dir also glüect /
Das man ein Botten zu dir schickt /

§

80

So soltu in erfragen wol/
Was er für Geseß berüffen soll/
Vnd warumb diese gästung sey/
Vnd was man guts hab kaufft dar bey/
Vnd was die Fraw guts kochen wöll/
Ob man zum Fewe groß Käfen stell/
Ob auch der Bräter lauffen thu/
Ob man auch trag gut Wildpret zu/
Ob auch vol Hiner steck der Spis/
Vnd ob man sey guts Weins gewiß/
Ob Koch vnd Keller sehr vmblauff/
Ob man auch Frücht vnd Gladen kauff/
Ob man auch gut Pasteten bach/
Vnd gute Zuckerfladen mach/
Ob auch Junckfrawen komen dar/
Vnd schöner Weiber etlich par/
Das man nach essens werde springen/
Vnd was für Seitenspil werd klingen/
Wenn du die stück all hast vernomen/
Denn sprich/wolan so will ich komen.
So weistu denn die losung fein/
Vnd gehst nicht vnbeßant hinein/
Wie ander Geseß die nichts drumb wissen/
Das hilfft dich manchen guten bissen.
Doch das du nichts vergest darvon/
Was dir der Jung hat kundt gethon/
Sprich/nim ein Brieff vnd schreib mirs dreins/
Was da für essen werden sein/
Damit du wissest allzeit frey/
Was in der deckten platten sey/
Ists gut/so iss ein theil darvon/
Ists schlecht so laß nur vor dir ston/

Du

Du weisest dich zuhalten fein/
Es sey mit essen oder Wein.
Den zedel soltu offtmals lesen/
Was schon für gricht sey da gewesen/
Vnd was man noch mehr bringen soll/
Damit wirdt dir dein Beuchlin voll.
Ob es denn fehlt an einer Kost/
Die du in deinem zedel host/
Vnd dänckt dich man werd sie nicht langem/
Vnd komen mit dem Kess zu brangen.
(Villich sie das behalten wollen
Auff andre Gest die komen sollen)
So hastu zeit vnd guten fug
Zu zürnen / vnd vrsach genug.
Sprich / wo bleibt ihenes oder das /
Das auff den Tisch verordnet was?
Ir wolt vns da faul zorten reissen /
Vnd wolt vns vmb ein Gricht bescheissen.
Das ist vns Gessen nicht gelegen /
(Ich thu das wort von aller wegen)
Langt die Pasteten / bringt die Fladen /
Wolt ir Gest zu Holzöpffeln laden?
So muß der Herr mit schanden bstehn /
Vnd was er guts hat / holen gehn.
Nun lug was das für nuzung bring /
So du vorhin weist solche ding /
Denn schickt dich vnd geh zu dem mol /
Wenn du bist vnderrichter wol.
Vnd geh beyzeiten auß dem Haus /
Ob schon das Stundglas wer nit auß /
Das du nicht seist der letst darbey /
Vnd jederman gessen sey.

¶ ¶ ¶ Detm

Dein Nachpaur darffstu ruffen nit /
Den man auch hat geladen mit /
Du kanst den weg allein wol finden /
Die zeit wirdt im ein Bort verkünden.
Laß allding ligen wie es leidet
Dahem / vnd mach dich hin bey zeit /
Vnd sey der erst wo man soll schlemmen /
Vnd kanst den besten sitz einnemen.
Als baldt du thust ins Haus ein tritt /
So sprich / ist hie kein Becher nit?
Wer langt mir her ein kälten Wein /
Bey Gessen muß getruncken sein /
So kanstu denn verziehen frey.
Lug auch was guts zu essen sey /
Ein stück lin von einr guten Wurst /
So kompt dir drauff ein rechter durst /
Oder ein stück lin von ein Schincken /
Darauff ist auch gar lustig trincken.
Vnd thu ein klein Collation /
Sauffweidlich / sprich der Wein ist bon /
Vnd trindt dir da ein reusch lin ein /
So magstu denn wol frölich sein.
Denn sprechen gleich die andern Gest /
Der ist im Kartenspiel der best /
Der macht vns guter bossen vil /
Vnd treibt visierlich affenspiel.
So aber andre Gest nicht wolten
Bey zeiten komen / als sie solten /
So mustu sie her zuher bringen /
Mit schreien / jauchzen / oder singen /
Das auff der Gassen jederman
Ein solch rumor wol hören kan /

Durch

Durchs ganze Hauß mit solchem schall/
So hörens die Geladnen all.
Rust/fartz/nieß/schrey vnd reusper dich/
So werden sie all rüsten sich/
Vnd dich all kennen an der stim/
Als baldt so ist irs bleibens nim/
Vnd komen all daher gerent/
Als ob es in der Küchen brent.
Herst aber du in sin genomen/
Du woltst am aller letzten komen/
So soltu nicht zur gastung gehn/
Biß dir ein Bott kom oder zwen/
Vnd sprechen/ Herr ir sollet gon/
Die Gest sind sonst all komen schon.
So sprich/ geh hin vnd sag ich kum/
Solt aber das nicht halten drum/
Bleib alls daheim vnd geh nicht eh/
Biß man dir schick der Botten meh/
Vnd laß dir stehen/mach dich werdt/
So man dein also streng begert/
Vnd alle Menschen auff dich wart/
Das laß dich nit bekütern hart.
So dencken denn die Gest/der Herr
Mit gschefften ist beladen sehr/
Villich von grosser Herren wegen/
Vnd ist im jetzund vngelegen/
Das soltu auch selbs wenden für/
Das man dein grobitet nicht spür.
So aber hett der Herr im Hauß
Gemeint du würdest bleiben auß/
Vnd het die Fraw lan richten an/
Vnd wer gefessen jederman/

S in

Vnd

Vnd wer für dich kein platz noch ort /
So sprich zum Herren solche wort /
Ich hab wol dacht ich sey verstoffen /
Für mich hat man kein platz gelassen /
Bis ist gefessen Man vnd Weib /
Es acht mein niemandt wo ich bleib.
Ist das die ehr die man mir thut ?
Wolan so hab ein guten mut.
Vnd thu als woltstu von im gehn /
So wirdt der Haußherr gleich auffstehn /
Vnd stillen deinen grossen zorn /
So er dein freundschaft hat verlorn /
Vnd sprechen / Herr ach zürnet nicht /
Da steht warlich das erst gericht /
Komt sitz hieher vnd greiffts auch an /
Vnd lass vns gute Kurtzweil han.
Vnd gib dir denn die besten wort /
Vnd setz dich an das oberst ort.
Im fall / ob es möcht anderst gehn /
Das dir kein Gast nicht auffwolt stehn
Vnd sächst doch dort ein lehre statt /
(Die man on zweifel bhalten hat /
Ein grossen Herren / wer er ist)
Setz dich dar / ob du witzig bist.
Denn wer der erst komt hats am besten /
Vnd gemeinglich welcher kompt am letsten /
Sitz vn sanfft / vnd hat schmal zu fressen /
Vnd wirdt sein (leider) offr vergessen.
Noch felt mir zu ein grober fratz /
Wie du solt komen in den platz /
So dir gar niemandts weichen wolt /
(Wie man ein Grobianer solt)

Stetg

Steig vbern Tisch / vnd spring hinein /
Würrff Gläser vmb / verschüt den Wein /
Vnd bscheiß den Tisch mit sölichem Kat /
Der von den wüsten schuhen gat /
Tritt auff's Dischlach vnd auff die Deller /
Laß dich s nicht irren vmb ein Zeller /
Daz zu hast du fug vnd recht /
Warumb sind sie so grob vnd schlecht /
Vnd hond im Hirn so kleine witz /
Die dir nicht helffen zu dem sitz.
Vnd sprich / jr seind all schuldig dran /
Das ich den Tisch beschissen han.
Es sind jr etlich gat behend /
Die wüsch en vor allzeit die Zend /
Eh sie sich an die Taffel setzen /
(Da man sich soll mit danck ergetzen)
Weiß nicht war für ich s halten soll /
Die gwonheit gfelt mir gat nicht wol /
Ist auch kein nutzbarkeit darbey /
Nun hör warumb es schedlich sey /
Von ersten schadt die felt dem herzen /
Dadurch kömpt krankheit not vñ schmerzen
Beim herzen ligt (ist klar vnd hell)
Ein lebendige warme quell /
Natürliche hitz es nicht verlat /
So lang es wol vmb s leben stat.
Vil durch geng komen in die Zend /
Vom herzen durch vil ort vnd end /
Durch adern ziehens hin vnd wider /
Im ganzen Körper auff vnd nider.
Nun denck wenn du die Zend erkaltest /
Vnd in ein kaltes wasser haltest /

So laufft die Felt zum hertzen gschwindt/
Was grossen frost es da empfindt/
Laufft also gmächlich hinder sich
Die Felt / vnd kanst nim wermen dich.
Ach ach / wie manches Mensch verdirbt/
Das frost halb in dem ellend stirbt.
Natürlich hiz gar bald verschwindt/
Darumb so selzam krankheit sindt/
Die kein Arzet vertreiben kan/
Drumb nim dich keins hend wäschens an/
Das dir kein felt schlag in die Glider /
Vnd liegen dir die finger nider /
Vnd zitterst wie ein äspin Laub /
Drumb lieber mein Grobharre glaub /
Es ist dein leben eitel gift /
So baldt die felt das hertz betrifft /
Von felt gerint dein Edel blut /
(Das dunct den durren Reuter gut)
Vnd mochst dir da ein kalten flus.
Das rath dir ja kein Medicus.
Darumb gedenc O grober Tor /
Wenn du dich wäschen soltst vil jor /
So bräch den faden Atropos /
Das wer für dich ein böser bos /
Vnd schnidst dir selbs dein leben ab /
Vnd kämst eh zeit ins jrdisch Grab.
Darumb sichstu es ist nicht dein fug /
Vnd hab dir geben vrsach gnug /
Das du dein hend nicht weschen must /
Wol dir / so du dasselbig thust /
Vnd ker dich glad an niemandts sagen /
Würdst du krank / du musts selber tragen /
Vnd

Vnd lügt jr keiner wies dir geh/
Vnd wie es vmb dein gsundtheit steh/
Denn jeder spricht/ es ist mir leid/
(Das ist der Grobianer bscheid)
Aber dir geben stewr vnd Gelt/
Der findstu wenig in der Welt/
Das sey nur oben hin gemelt.
Doch ob du je wilt Wäschen dich/
So alle Gest wölln seubern sich/
So sey der erst der Wasser nimpt/
(Als deiner Grobitet gezimpt)
Was fragst du ob ein ander sey
Vielehrlicher denn deiner Drey/
Auch Reicher/ Geschickter/ weder du/
So ghört doch Grobianern zu/
Das sie kein Standt noch Kunst ansehen/
Vnd was sie gut dünckt muß geschehen/
Kan dir nichts an dein Ehren schaden/
Du bist doch auch zu Gast geladen.
Denn wäsch die Finger/ Nasß/ vnd Mundt/
Das ist dein gschwinden Haupt gesundt.
Ob dir auch wer vielleicht zu heiß/
So wäsch die Stirn von allem Schweiß/
(Fein ist's/ wer sich zu schicken weiß)
Wenn du denn lang gewäschen hast
Vnd zeigt was du seist für ein Gast/
Vnd das Wasser betrübt genug/
So geh hinweg das hat wol fug/
Das andre auch die Hendt drinn tauchen/
Vnd das Credenzte Wasser brauchen/
Vnd schwencfen jren Mundt darmit/
Dünckt es sie gut/ das irrt dich nit.

S v Dieweil

Dieweil solt du dich fleißig spizen /
Wie du hoch oben an mögst sitzen /
Daselbst solt prächtig sitzen bleiben /
Kein Gast wird dich deins orts vertreiben /
So schaw als bald zur selben zeit /
Was für Brodt auff der Tafel leit /
Obs alt oder newbachen sey /
Ob auch gut Semel sind darbey.
Denn grob Brodt schwarz gleich wie ein Kol /
Das schmeckt kein Grobianer wol /
Wie in Westphalen ist der brauch /
Das komm vns nicht in vnsern Bauch /
Aber gar schöne weisse Wecken
Mögen vns Grobianern schmecken /
Ganz wol geschmack / Weiß wie der Schnee /
Von solchen Semlen hielt ich meh.
Weil denn die andern zandten sehr /
Wer hieher oder dorthin ghör /
Oder sunst sitzen an dem Tisch /
Vnd keiner ist zu essen frisch /
So greiff vmb dich nimb ein par Wecken /
Die soltu fluchß in Busen stecken /
Sein heimlich vnd bey guter zeit /
Obs schon auch für ein andern leit.
Darnach wennis weiß Brodt gessen ist /
Weißt du das du ver sehen bist.
Wenn sie denn all jr hunger s not
Da büßen mit dem schwarzen Brodt /
So nimb denn deiner Wecken ein /
Vnd beiß die stücklin nicht zu klein /
Vnd sprich / das kundt ich wol ermessen /
Das jr schwarz Brodt bald müsten essen /
Drumb hab ich meiner nicht vergessen /

Das wird den andern Gessen allen/
Gar auß der massen wol gefallen/
Vnd dieser Kunst verwundern sich/
Das jederman wird loben dich/
Vnd wird dir's mancher lernen ab/
Daser auch allzeit weiß Brodt hab/
(So hab ich groß gefallen drab.)

Das Under Capitel / wie man die
Kost loben / vnd sich mit heisser
speiß vnd den Gasthündlin
halten soll.

Denach heiß ich dich fleißig achten/
Was man setzt auff den Tisch für tra
So greiff von ersten in die Schüssel /)chten/
Vnd füll damit dein groben Trüssel/
Wie du von anfang hast gehört/
Vnd ich dich trewlich hab gelert.
Auch was du issest an dem ort/
So treib allzeit vnnsitz wort.
Ob schon die Kost sey alle gut/
Das jederman sie loben thut/
So such doch wie dus künst Taxieren/
Vnd nur den Koch wol mit Verieren.
Sprich / jr Köch habt ein selzam weiß.
Das habt jr gsalzen viel zu leiß/
Da ligt das Salz gar auff ein hauffen
Ich werd mich heint zu Todt druff sauffen/
Dis ist noch roh / ihens gar ver brent/
Das essen ist in Boden gschendt /

Drab

Diß Süß/ihens Bitter wie ein Gall/
(Schrey laut/ so hörns die andern all)
So wird der Koch mit schanden bston/
Vnd darff sich nicht wol sehen lon/
Vnd sieht wie er hat angeleit/
Sein Müh/Sorg/Fleiß/Kost/vnd arbeit.
Nuch wird der Herr ein vrsach suchen/
Vnd wird dem Koch Sanct Veltin fluchen/
Koch du bringst mich in diesen schaden/
Da hab ich Ehrlich Gest geladen/
Vermeint sie zu Tractieren wol/
Geh hin/das dich der Jarrit hol/
Ein guten lusten ich jez hett/
Das ich dich wol mit Füßen trett.
Damit so fürcht der Koch setze Zeit/
Vnd darff nimb kommen für die Leut/
Dardurch wirstu groß Loberlangen/
Das du das gschwätz hast angefangen/
Denn das gebürt dir inn eine Summ/
Sitz nicht beim Tisch wie ein Stumm.
Lug nur das dir das Maul nicht steh/
Vnd allzeit wie ein Windmülh geh.
Entweder s schwätz vnd Schnader mit/
Oder saum dich mit Essen nit.
Diese zwo Arbeit zeigen an/
Das du seist ein geschickter Man.
Ob auch dein Grobiter nicht weiß/
Das etwan wer die Kost zu heiß/
Vnd herst das Maul verbrennt darmit/
So thu bey leib der gleichen nit/
Verquants mit vorthail wie du magst/
Das du kein Gast die warnung sagst.

Laß

Laß andre auch verbrennen sich /
So kan man nicht Verrieren dich /
Vnd stossen auch an deinen stein /
Das du nicht habst gestraucht allein /
Denn herstu solches nicht gethon /
Du müßt den sport zum schaden hon.
Doch magstu nicht verbergen das /
So ist ein grobheit / laut noch baß /
Das du das Kraut nembst auß dem Drüffel /
Vnd werffst es wider inn die Schüssel /
Oder dein nechsten spreng inns gfreß /
Das er vom heissen Kraut auch eß.
Doch darff ich dich nicht wol leren /
Es will nicht wol hieher gehören /
Vnd ist fürwar schier gar zu grob /
Verdienst mit weder danc noch lob.
Doch will ich dir ein Künstlin nennen /
Das du das Maul nicht kanst verbrennen.
Hör / kombstu mehr zu solchen sachen /
Soltu zwen dicker Backen machen /
Gar auff geblasen / wie die Gesellen /
Die inn ein Sack pfeiff blasen wöllen /
Bloß in die Kost das es drinn saust /
Als ob ein grosser Windt her braust /
(So keltest du dein Essen mit /
Denn häbschlich blasen hilfft dich nit)
Als Eolus mit seinen winden /
So sie kein außbruch mögen finden /
Biß sie auß irem kerker kummen /
Vnd mit gewalt heraußer brummen /
Wie im Berg Etna vngewer
Heraußher fehr das schrecklich Sewr.
Auch

Auch ist's ein schön Tischzucht / glaub mir /
 Wenn du dem nechsten neben dir
 Solch speiß bliest in sein Angesicht /
 Das er vor Kraut kan sehen nicht /
 Das werden andre von dir preisen /
 Vnd werden auff den andern weisen /
 Vnd sagen im sey recht geschehen /
 Vnd wolrens gern offr von dir sehen.
 Auch wo du hin geladen bist /
 (Als vieler Leut gewonheit ist)
 Vor allen dingen nimb dir für /
 Das du auch nemst ein Hundt mit dir /
 Den soltu setzen neben dich /
 Ober denn schon wolt Reuspern sich /
 So sprich du / er hats nicht gethon /
 So wird man in denn sitzen lon /
 Bistu sein Herr / so bschirm in auch /
 Du werst sunst mit dem Hundt ein gauch /
 Gib im darzu das beste Fleisch /
 Das er dir nicht vergeben s heisch.
 Besonder liebt in jederman /
 Wenn er nur weidlich bellen kan /
 Schart / grant vnd hewlt / vnd winzelt sehr /
 So er nichts hat zu essen mehr /
 So sprechen denn die Gest gut rundt /
 Mein Eyd das ist ein freier Hundt.
 Den streichel in / vnd fang im Flöh /
 Vnd sprich / das thet mein Hundtlin weh
 Die Knütsch denn auff dem Deller do /
 Des sind die Gest besonder fro.
 Auch gib im einen groben Namen /
 (Denn wüst vnd heftlich gehört zusamen)

7ens

Nenn ja / wie du / vnd frag in drumb /
Das man zu lachen vberkumb.
Denn laß dich inn dem Angesicht lecken /
Die feystre Finger auch beschlecken.
Auch laß in lauffen auff den Tisch /
Das er sein narung da erwisch /
So steht es im so löblich an /
Wenner so fein drauff lauffen kan.
Nun weiter wenn du ißt die speiß /
So halt dich auff ein solche weiß.
Stoß ein vnd fäll die Backen auß /
Das du sechst wie ein Pfeiffer drauß /
Vnd lehr die Platten sauber auß /
Als hetst ein Magen wie ein Strauß.
Vnd ob die speiß dir wer zu dürr /
So weiß ich auch ein rath dar für /
Ob du einstiest zu grosse Klumpen /
Vnd möcht nicht schlinden solche grumpen /
So trinck darzwischen oft vnd dick /
So stenkst hinab manch grosses stück.
Laß Bröcklin in den Becher fallen /
Das schadt nichts / gfelt es schon nit allen /
So weistu doch das Wein vnd Brodt
Vns ist zu vnserm leben not /
So mischt man speiß vnd tranck im Leib /
Das Leib vnd Seel beyinander bleib.
Darneben solt du nicht vergessen /
Das du den Hunden gebst zu essen /
Die Bein vnd was dir vngsundt war /
So nimbs vnd wërffs deu Hunden das /
Denn was dir nicht wol schmacken thut /
Das ist den armen Thieren gut /

Sie

Sie müssen je auch gessen hon/
Vnd will sie niemand heischen lon/
Ja köndten sie jr notturfft sagen/
Sie würden wol jr Ellend klagen.
Nuch solt dich vorab des befeissen/
Das sich die Hundt einander beissen/
Wenn du etwas wirffst auff die Erd/
Dardurch ein gast gebissen werd/
So hab an jm kein dauern nicht/
Vnd dencf / das hab ich zugericht/
Man muß den Hunden etwas geben/
Sie können nicht des Luftts geleben.

**Das Dritt Capitel leret / was Hof
sucht mit Dellern zu treiben /
wie sich mit Trincken zu halten /
vnd wenn auffzuhören
sey.**

W du denn von der Ersten Kost
Dein Bauch so voll gefüllet host/
Das er sich bläht vnd denet auß/
Das man wol macht ein Trummen drauß/
So haben wir dich vor gelert/
Was Arzenei darzu gehört.
So dir der Gürtel ist zu eng/
So löß in auff nach guter leng/
Vnd nestel dich fein auff darmit/
So springen dir die Seiten nit/
Das sich die speiß setz wie sie ghört/
Vnd nicht die dāwung werd zerstört.

So fülstu denn noch vil darein /
(Wo gästung ist / muß gessen sein)
So hör nun was dir weiter zümpt /
So man die wüste Deller nimpt.
Wie man gemeinlich ist gewon /
So man ein new gericht wil hon.
Wüßff deinen als zumersten dar /
(Ob schon die andern alle gar /
Erst miteinander wolten brangen /
Vnd keiner seinen Deller langen)
Vnd wüßff in in den Korb hinein /
Es muß ja einr ein anfang sein.
Keins andren Deller greiff nicht an /
Denn er in selbs wol heben kan /
Vnd zu den andern werffen dar
So er wirdt frischer speiß gewar.
Darnach soltu dich auch nicht schemen /
Den ersten saubern Deller nemen /
Der dir zusteht von altem recht /
Ob auch das nicht gleich thet der Knecht /
So nim in auß seinr Handt vnd sprich /
Lantzman der Deller ghört für mich.
Iretlich gar vil brangens treiben /
Mit Juncfrawen vnd schönen Weiben /
Den ersten Deller gebens inen /
Das sie von Tischzucht lob gewinnen.
Das thu nicht / folg meiner Ler /
Verschon dein selbs vnd deiner ehr /
Du weißt selbs wol mein grobes Kindt /
Wie jezund ist die Welt gefindt.
Wilt du dir selbs für vnglück sein /
So misch dich nicht mit Weiber nehn /

G Die

Die Menner Könnens nicht verstehn/
Wenn du vil mit in vmb woltst gehn.
Denn scherzen mit den Weibern allen/
Wil nicht ein jeden wol gefallen/
Keiner hats gern/der ander nit/
Du weißt nicht jedes brauch vnd sitt.
Du siehst wie es jez (leider) geht/
Das man all ding auff's ärgst versteht/
Vnd legt all ding zum bösten auß/
So kompt denn zand' vnd hader drauß/
Ob dus schon hetst im besten thon/
So wöllens sies doch nicht verston/
Legst du in etwas lüftigs dar/
So nemens gleich die Menner war/
Vnd haben böß gedanken auff dich/
Wer kan für argwon hätten sich?
Drumb hüt dich/ kom in kein geschrey/
Die Köpff die sind gar mancherley/
Das dus nicht müßest auff ein zeit
Bezalen mit der groben zeit.
Hat man die Dellar hingenomen/
Vnd wil kein ander essen komen/
So laß die Zän nicht feirenlang/
Damit den Bauch nicht sehr verlang.
So du noch nicht gefüttert bist/
Wie dir das wol nöttren ist/
So nim von erster Kost herwider/
Legs auff den frischen Deller nider/
Beschmier in wol auff grobe weiß/
Mit pfeffer oder ander speiß/
Weil man sonst nichts aufstragen will/
(Ob schon all Gest sonst sitzen still/

Vnd

Vnd niemandt iſt) ſo brauch du dich /
Sprich / warumb nicht / es hungert mich /
Wenn ich nicht trincken wolt vnd eſſen /
Warumb wer ich an Tiſch geſeſſen?
Es iſt ein alt herbrochter ſitt /
Wer weidlich iſt / den hungert nit.
Als baldt man ſtelt friſch eſſen har /
So greiff aber zum erſten dar /
Es ſey von bratens oder Fiſchen /
Doch ſoltu vor den Deller wüſchen /
Den du vor haſt beſchmiert allein /
Vndreiben an das Tiſchruch rein /
Wie köſtlich ja daſſelb möcht ſein /
Man legtſ doch wüſchens halb dahin /
Vnd wirdt damit gedeckt der Tiſch /
Das jeder dran ſein Deller wiſch /
Vnd wol beſchmierete feiſte hend
Dranreiben köñ an alle end /
Wüſt Finger vnd ein beſchiſſen Maul /
Wüſch alls daran / vnd ſey nicht faul /
Vnd brauch dich da / ſo faſt du magſt /
Biß du den hunger gar verjagſt.
Ob man dir denn groſſe ehre anhet /
Vnd dich da für den gröſten het /
Das auff dich wartet jederman /
Biß das du greiffſt das eſſen an /
So ſitz in deiner grobheit ſteiff
Langzeit / das niemandt das angreiff /
Vnd halten all jr löſſel ſtill /
Weil Grobhans noch nicht eſſen will /
Vnd ſehen dir ins Maul wenns geht /
So bleib in deiner Grobitet.

G 1 Salt

Halte dich prädigtig / das ist mein rath /
Ob schon ein anderer hunger hat.
Denn machstu dich so gar gemein /
So wird auch dein ansehen klein /
Singst du gleich an zu essen her /
Als ob jeder deins gleichen wer /
Vnd gebst ein jeden lieblich wort /
So fragt dich einer hte / der dort.
Drumb misch dich nicht vnder die Kleinen /
Du wirst sonst gefressen von den Sewen.
Drumb merck vnd iss kein bissen nit /
Bis man dich zwey / drey vier mal bit.
Denn gefelt dir wol / so greiff es an /
Vnd stell dich wie ein Grobian.
Dazwischen fasten ander Leut /
So sitz da vnd vertreib die zeit /
Sing / lach / reim / vnd treib grobe bossen /
So lachen alle Tisch genossen.
Das magstu hungers halb wol treiben /
Das andre lang vngessen bleiben /
Vnd wissen nicht das du dich hast
Daheim gekröpfft weil sie gefast.
So sitz denn hinderm Tisch geschmogen /
Vnd stewr dich auff ein Ellenbogen /
Es wirdt aber vil feiner stehn /
Wenn du dich legst auff alle zwen /
Vnd heltst die Hendt auff beide backen /
Vnd kiffelst was dir wol thut schmacken.
Auch lehn den Rucken hinden an /
Als ob du werst ein prädigtig Man.
Wer dir der boß zu grob vnd groß /
So leg die beide Hendt in Schoß.

Du Pansts wol wider fürher thun /
So du ersichst ein braten Sun.
Oder mit deinem Deller spil /
Treib mit dem Messer Klepperns vil /
Vnd brauch dich wol mit fantasieren /
So würstu vnsern orden zieren.
Im nachtmal trinck zum öftermol /
Das feucht vnd dāwt im Magen wol.
Allzeit behalt mit ernst die zwey /
Das Weinglas vnd das gröst geschrey.
Ob dich die andern bitten schon /
Du wölst das gschir in werden lon /
Vnd leiden also grossen durst /
Sprich / ja heist euch braten ein Wurst /
Ich muß vor leschen meinen Gibel /
Er ist mir heiß vnd brent mich vbel.
Denn schrey gar laut vnd jauchts darbey /
Vnd trinck nicht biß dir s eben sey.
Im trincken biß allzeit so faul /
Wisch weder Nasen oder s Maul.
Dergleichen ding vnd Kinder spil /
Darauff soltu nicht achten vil.
Nim dich der grossen hendel an /
Vnd laß die Nas den Ritten han /
Laß raus her tropffen widerum /
Das es zu seinem vrsprung kum /
Vnd suppes denn gleich wider ein /
Du must auch etwan rätlich sein.
Es geht doch als in einen Magen /
Dein Bauch mag s alles wol ertragen /
Dertheil nichts / supps gleich wider ein /
Was gern wolt bey einander sein /

G iij Es

Es sey von Tranc̃ / Fleisch / oder Fischen /
Sorg nicht es wirdt sich wol vermischen.
Doch ob dus Maul je wischen wolst /
Ans Tischthuch du es reiben solst /
Besonder ist es rein vnd schön /
Ein Flecken wirdt gar wol dran stehn.
Vil haben sich des nicht geschembt /
Das sie ein Ermel von ein Hembdt /
Ziehen herfür / vnd wischen sich /
Des soltu auch gebrauchen dich.
Denn trinck mit wolgewischem Mundt /
Ein guten zugt / der ist dir gesundt.
Dem nechsten stell den Becher dar /
Ober schon sein nicht dörffrig war /
Vnd in nicht hat von dir begert /
So du in gar hast außgelet /
Das er dich vor dein ort nicht irr /
Vnd könst denn machen gut geschirr.
Laß dir niemandt den weg verlegen /
Das du rechte Hand kanst regen.
Du kanst wol allzeit nach im greiffen /
So du lust hast ein mal zupfeiffen.
Ob aber auch dein Nachbawr sunst.
Sich brauchre dieser schönen Kunst /
Vnd seinen Becher stelt für dich /
So magstu sprechen sittiglich /
Mich dürstet jetzt zumalen nit /
Vnd stell in wider hin darmit.
Will er dessen nicht massen sich /
So sprich zu im ganz zorniglich /
Schrey vberlaut du grober stegel
War für sichstu mich an / du Begele

DAS

Das du mir fürsetzt dein geschirr /
Das es mich an dem essen irr /
So jezund auch nicht dürstet mich /
Warumb setzt du in nicht für dich?
Meinstu es sey mir wol damit /
Das ich mich köñ geregen nit?
Vnd ist der Tisch sonst eng genug /
Oder meinst ich sey nicht so klug /
Das ich wol merck dein abenthewr /
Das dir am fressen kom zu stewr /
Vnd ich dieweil muß fasten do?
Geh treib die bessen anderswo /
Du must ein andern Löffel suchen.
Dazu magst du im dapffer fluchen /
Vnd scheltwort treiben manches par /
So setzt er dir kein geschirr mehr dar.
Darzwischen trinck mit langen zügen /
Bis das die Gest vom Wein erligen.
Ob einer etwan wer zu laß /
So sprich / ey Langzman trinck doch baß.
Vnd sorg das keiner Lehr auffsteh /
Vnd nüchtern von der Taffel geh.
Darbey es dir gar nützlich ist /
Was du thust so du trincken bist /
Das ist in voller weiß gethon /
Vnd weiß man morgen nichts darvon.
Spricht einer schon / du hatst viel muß /
So sag / es geschach in voller weiß /
So wirdt er gut Gsell mit dir sein /
Vnd wider faren zu dem Wein.
Es ist bey vilen Gessen sitt /
Das sie gemeinlich tragen mit /

G

iiij

(Damit)

(Damit sie wol mit ehren bstehn/
Wenn sie zu gasterien gehn)
Jeder des besten Weins ein maß/
Den er die Gese ver suchen laß/
Da will jeder der förderst sein/
Der bringt ein guten Rheinischen Wein/
Der ist auß Elßas her gesandt/
Der dritt weit auß dem Welschen Landt/
Jener ein guten Francken Wein/
Vnd was noch ander sorten sein/
Wie jeder bey im selbs mag rechen/
Daß er draw mit ein andren stechen/
On die man sonst erst hat erdacht/
Die man mit zusatz hat gemacht/
Morolff/ Zitwen/ vnd Alentwein/
Vnd da man thut rot Beren ein/
Vnd thut ein jeder da sein best/
So sind es denn gar wilkum Gese.
Du aber laß dein bringen sein/
Wer dir Brott gibt der hat auch Wein/
Hat er vil Gese ins Haus geladen/
So leid er auch den selben schaden.
Spar du den Kosten hastu Wein/
Wo es schandt halben mag gesein/
Denn wenn du Wein soltst tragen mit/
So dörffstu seines ladens nit/
So du aber je Wein woltst bringen/
So nim ein schlechten vnd geringen/
So schmact er keinem Gast nicht wol/
Vnd komst du lehr ein ander mol.
So baldt man aber ander Leuten/
Iren Wein einschencft/ so lug bey zeiten/
Versuch

1
Versuch ein nach dem andern frey /
Vnd lug welches da der köstlichst sey /
Zu dem halt dich on langs bedenden /
Heiß dir ein hohen stauff voll schencken /
Vnd stell in hinder dich zu ruck /
Das nicht ein jeder Knoll drein guck /
So trinckstu solchen Weirn allein /
So die Gest all sonst haben fein.
Denn es sonst zu besorgen wer /
Der köstlich Wein kem nimb daher /
Vnd würdest das Maul nicht mehr mit schwene
Das soltu vor gar wol bedenden / (den
Vnd dich bey zeit versorgen mit /
So darffstu nachmals manglen nit.
Wenn du denn nun ein reuschlin hast /
So bistu denn der frölichst Gast /
So treib denn bosse mancherley /
Mit groben zotten / groß geschrey.
Auch magst ein feins Weirliedlin singen /
Das es im ganzen Hauß thu klingen /
So wird der Haußherr guter ding /
Das er jemandts hab der im sing.
Denn es sind Vier Complexion /
Nach welchen ist der Mensch gethon /
Dardurch er hat ein solchen muth /
Wie die Natur das fordern thut.
Nemlich so bring Melancoley /
Daser Faul / Grob / vnd trawrig sey.
Colericus der brent von Zorn /
Vnd sind gut wort an im verlorn.
Phlegmam kan ich dir loben nit /
Sie bringt viel Kelt vnd Rog darmit.

G v Sangul

Sanguinea ist noch die best/
Das glauben all Doctores fest/
Die macht Behend / Geschwind / Gemeit /
Hurtig / allzeit mit fröligkeit /
Der übt sich / Laufft / Tanzt / oder Springt /
Der Lacht / der kurtzweilt / oder Singt.
Darumb sing auch mit lautem schall /
So dencken gleich die andern all /
Du seist Blutreicher eigenschafft /
Vnd habst in dir viel freud vnd krafft.
Vnd werden dir die Weiber holt /
Drumb du auch allzeit reden solt
Von Tanzen / Freudenspiel / vnd springen /
Jauchzen / Hofieren / oder singen /
Vnd was dergleichen geht im schwanc /
Damit verdienstu grossen danck.
Ob dir auch jemandts einen brächt /
Vnd doch nicht mehr daran gedächt /
Das er dir in fluchß setzte her /
Oder im trincken langsam wer /
So nimb den Becher im vom Munt /
Sprich / hör es ist dir vngesundt
Du gehst so gar lang vmb darmit /
Ich kan so lang dein warten nit.
Wer etwas gibt / vnd gibts geschwindt /
Der ist ein zweifach guter freundt.
Das sag im ober wer zu faul /
Vnd hielt den Becher lang am Maul.
Wolan wenn du den Becher hast /
So sauff darauß vnd halt in fast /
So will ich dich ein Regel leren /
Wenn du zu trincken auff solt hören.

Dem

Denn mancher Knoll ist nicht so Flug/
Das er wißt wenn er het genug/
So halt die drey Proben in hut/
Die sind ein Grobianer gut.
Zumersten so du kanst verstehn/
Das dir der Arhem will entgehn/
So magstu thun ein kleine rast/
Bis das du wider Arhem hast/
Oder halts nur am Maul ein weil/
Das dich der Luft vberail.
Das ist ein rechtes Meisterstück/
Dardurch bekombstu lob vnd glück.
Die ander Prob ist / grobes Bindt/
Wenn dein Augen voll Wassers sind/
Vnd tropffen wie die newen Reben/
Wenn sie das lauter Wasser geben/
Das sieht so schön wenn Bacchi quell
Zun Augen laufft herauß so hell/
Vnd leuchtet Rot wie ein Rubin/
So hastu wol angelegt dein Wein.
Die Dritt Prob aber vnd die lest/
Vnd die mich auch dänckt sein die best/
Wenn du den Klaren Boden siehst/
Das du zu deinen Brüdern sprichst/
Der ist rauß / secht jr lieben Schlucker/
Das ist gsünder denn Rosenzucker/
Denn stürz in vmb / vnd hit dich sehr/
Das du drauß trinckst kein tröpfflin mehr/
Bis man dir bringt ein andern Wein/
Vnd schenckt ein vollen Becher ein/
So thu vt supra ist gedeut/
So wirstu voll bey guter zelt /

Vnd

Vnd wird die Regel wol probiert /
Das not ist das man dich heim führt /
Auch wenn du ißt / schneid grosse schnitten /
Dick murcken auff der Knebel sitten /
Die soltu in ein Schüssel schneiden /
(Dein Mutter spann dich nicht auß Seiden)
Die kanstu wol hin abhin schlucken /
Das können andre nicht vertrucken.
Den Händlin brockt man mürcklin dar /
Zergrümel vnd verbröckelt gar /
Das es ein leichten eingang hab /
Durch ire enge Keln hinab /
Das schemen sich Mannhaftig Leut /
Die schlindens ganz zu jeder zeit /
Denn sie habn weite grosse Kelen /
Vnd können irer Straß nicht fehlen /
Vnd darff in niemand kwen vor /
Als werens Kinder von ein jor.
Ob dir redens von nöten wer /
Vnd wer dir noch kein Backen lehr /
So red mit vollem Mundt daher /
Das ist mein will vnd ganz beger /
Vnd bloß die beide Backen auff /
Das man dir schlug die Trummen drauff.
Auch soltu des gestiffen sein /
Ein Bissen offmals duncken ein /
Den du all mal leckst sauber ab /
Damit dein Maul zu schlecken hab.
Wenn du dich nun hast wol getröpfft /
Vnd Weins genug ins Hirn geschöpfft /
So lug denn auff die andern all /
Wie dir eins jeden weiß gefall

Straff

Straff was dich nicht dünckt lüftig sein /
Red vndern ganzen hauffen nein /
Vnd wer darwider reden will /
So zürn mit jm / so schweigter still.
Solt auch glat nit kein Messer leiden /
Das vbersich ligt mit der schneiden /
Schlag mit ein Eisen hefft darein /
Des bossen wird zu lachen sein /
Ir etlich zelen drauff gar frey /
Wie viel Meil wegs gen Rom hin sey /
Vnd schlagen so viel streich daruff /
Das gibt dem Messer manchen buff /
Vnd wenn die Reiß ist gschlagen auß /
So wird ein feine Seg darauß.
Der bossen geht zimlich wol ab /
Vnd hab ein sonderm lust darab /
Dardurch du denn sehr angnem bist /
Dem / dessen solches Messer ist /
Das du hast nach sein Messer griffen /
Vnd jm die Scharren auß geschliffen /
Das er das Brodt nun Segen kan /
Vnd hat ein wol gefallen dran /
Vnd lügt wo ers verschulden kan.

Das Vierdt Capitel erzelet etliche
Exempel / deren sich ein
Grobianer als zu ein vor
bildt gebrauchen
mag.

Eswer dir noch viel ler zu geben /
 Zu fürn ein Grobianisch leben /
 Das jederman gleich spürt vnd sieht /
 Du habst gelernt gut Sitten nicht.
 Solt ich dir's all erzelen her /
 Die Arbeit wer mir viel zu schwer /
 Ja wer ich schon Quidius /
 Vnd gleich der best philosophus /
 So köndt ich's doch nicht all beschreiben /
 Drumb will ich's lon beim nechsten bleiben.
 Doch will ich dir zu lieb hieher
 Etlich Exempel vngesehr
 Von schalen / groben sitten setzen /
 Dein Grobitet mit zu ergezen /
 Biß auff ein bass gelegnen tag /
 Das ich die weil bass haben mag /
 Wolan so laß dich nicht verlangen /
 Vnd hör wie ist's den Knebeln gangen.
 Ein schöner Berlin auff ein zeit /
 Geladen ward zu einer Breut /
 Da hetten schöner Bilder zwey /
 Ir Hochzeit in dem grünen Mey.
 Ein Thüring was gedachter Gsell /
 (Er heiß mit Namen wie er wöll)
 Der wolt zur Hochzeitreiten dar /
 Wie er darzu geladen war.
 Er ritt so sehr / vnd war nicht faul /
 Das im bald hincfend ward der Gaul /
 Drumb er zu spat kam an das ort /
 Da er beyzeiten hin gehort.
 Er roch das hincfend pferdt in Stall /
 Dasassen schon die Breutleut all.

Er dummelt sich so fast er mocht /
Das er der Sporen nicht gedocht /
Das er sie vor hett abgethon /
(Des gaben sie im bösen lohn)
Nun hör was thet der arme schweiß /
Wie einer der kein plaz nicht weiß /
Er wußt nicht wo er hin solt sitzen /
Vor scham vnd forcht begund er schwitzen /
Kragt sich hinder den langen Ohren /
Als het er muth vnd hertz verloren /
So gafft in auch ein jeder an /
Vnd sprachen / wer ist dieser Man /
Das er so spat hereinher tritt /
Ein ander sprach / ich kenn in nit /
Er muß der Brent ja sein verwant /
Vnd sagt ein jeder seinen thant.
Der Brentgam ward seins freunds gewar /
Sich / willkomm sprach er / Komm hiehar /
Vnd sitz zu den schönen Madonen /
Da soltu deiner Hofzucht schonen /
Da dien in fein / vnd leg in vor /
Da stunden im zu Berg die Hor.
Was / dacht der wol gesportete Knecht /
Da komm ich eben mechtig recht /
Kein bessern möcht man außerlesen /
Ich bin im Frawenzimmer gwesen /
In Bacchus hoff / ich armer Tor /
Soll ich Jungfrauen legen vor /
By nicht Brentgam / laß mich mit friedt /
Hosiern vnd brangen kan ich nit /
Setz mich zu andren guten gsellen /
Da weiß ich mich auch recht zu stellen /

Ich weiß nicht was Jungfrauen brist/
Vnd wie in wol zu dienen ist.
Hey sprach der Breutigam sey du fro/
Das du mit Ehren solt sitzen do/
Wie mancher des begeren thut/
Es wird im aber nicht so gut/
Setz dich / schweig still / sag nichts darwider.
Was solt er thun / er setzt sich nider /
Zwischen zwey aller schönste bildt /
Die waren züchtig / zübsch / vnd milt.
Er saß da an dem schweren ort /
Schwig still / redt nicht ein einigs Wort.
(Er dacht / saß ich auff meinem pferdt /
Zieher ich nicht so bald begert)
Als bald bracht man im höflich her /
Als ober ein Credentzer wer /
Ein schön versottne Zenn zu Ehren /
Der gut Gsell dorfft sich des nicht weren /
Er dacht / soll ich das Zun zerlegen /
All meine Kunst muß ich da regen.
Man sprach / greiffts an die Ehrlich sach.
Ey thut mir noch ein weil gemacht /
Nicht eilt so auff den armen Man /
So ich das Handwerck nicht wol kan.
Er walgerts hin / er walgerts her /
(Ich wolt das ich des Zuns ab wer /
Man het wol ander Gellen funden /
Dies Zun wol baß zerlegen funden)
Er stellt sich sawr vnd mürrisch drab /
Wagts doch / schnitt im zwen Flügen ab /
(Ich setz ein Bagen an ein Zeller /
Du fleuchst mir nun nicht mehr vom Deller)
Der

Der aller schönsten Juncfraw schon
Wolt er das vberantwort hon/
Vnd adelichen fürgelegt/
Nun hört wie sich vnglück zutregt/
Vnd im verhönet ward das spil/
Das Hun im von dem Messer fiel.
Was solt der gut arm Keutter thun/
Da vnderm Tisch da lag das Hun/
O vnglückhafftig Messer spitze/
Du machst das ich in schanden sitz.
Solt ich dich nicht von recht verfluchen/
Das ichs Hun vnderm Tisch muß suchen?
Der Kerlin wolt sich nider bücken/
Vnd wolt das Hun herfürher zücken.
Damit er doch sein werck volbrecht/
Nun hört wie giengs dem armen Knecht/
Mit füssen er die hund vertrieb/
Damit das Corpus liegen bleib.
Er bückt sich tieff/es ward ihm bang/
Das Hun fundter nicht finden lang/
Bis im der athem ward zu kurz/
Da ließ er erst ein grossen furz.
Vor ängsten ward dem Kerlin heiß/
Das im empfaen war der scheiß/
Blutrot ward im das Angesicht/
Mit schanden er den kopff auffricht/
Des Huns er vnderm Tisch vergaß/
Seins bleibens (leider) nicht mehr was.
Er dacht wie kom ich hie darvon/
Ich hab ein grobes stück gethon.
Wolt vbern Tisch da sein gesprungen/
Es ist im aber nicht gelungen.

3

(Man

(Man spricht / kein vnglück kompt allein /
Das geschach dem grob genug ich mein)
Er eylt hinweg / hört wies im gieng /
Das Tischthuch im an sporen hieng /
Vnd wie er ganz erschrocken floch /
Zoch er das Tischthuch hinten nach /
Man kundt das auch erhalten nit /
Den plunder er zumal verschütt /
Die Junckfrawen bespritzt er all /
Die Gläser brachen von dem fall /
Die Thür stieß er auff vngestüm /
Zu allem glück begegnet im
Ein Knecht der trüg ein grosse platt /
Die er voll schwarzen pfeffer hat /
Den selben er im lauffen stieß /
Das er den pfeffer fallen ließ /
Da war der pfeffer gar verschütt.
Der Kerlin sprach / das walt der Kitt /
Zu vnglück bin ich gar erporn /
Wasich anfang ist als verlorn.
Da sprach im Sal bald jederman /
Das ist ein rechter Grobian /
Das er richt solchen vnlust an.
Nuch ist er nach dem vnglück allen
Erst auch die Steg hinab gefallen /
Das hörten da die Brentleut all /
Sprachen / was ist das für ein fall /
Da war der Kerlin schon im Stall.
Wie sehr eylt sich der jung g Esell /
Im war als käm er auß der Zell.
Sein pferdt er noch gesattlet fand /
Er saß darauff vnd schied von Landt.

Als

Als baldt er auff das Feldt nauff kam/
Das hinc end pferdt beim Zügel nam/
Surts hinden nach / vnd gieng zu Fuß/
Des bossen mancher lachen muß.
Also kam er mit not darvon/
Sein Messer hat er ligen lon/
Das hebt man auff zu hohen ehren/
Das alle Grobianer leren/
Wie dieser sich gehalten hab/
Vnd nemen ein Exempel drab.
Das thu im nach ein andermol/
Vnd lern diß lüftig stücklin wol.
Es schickt sich auff ein ander zeit/
Das einer herr geladen Leut/
Die er gar wol tractiren wolt.
Vnd als er jeden setzen solt/
Setzt er ein Edelfracw hoch an/
Vnd zu jr ein bescheidnen Man/
Der selb (als sie wol würdig war)
Legt jr ein schönen Hechtkopff dar/
Den ließ sie vor jr ligen do/
Als ob es jr gezam also/
Was jr denn schmachtt nam sie darvon/
(Denn wie sies solt zertheilet hon/
Wie sich nach Hoffzucht das gehört/
Das war die gut fracw nicht gelert/
Auch ist ein müh mit kleinem gewin)
Zu lest warff sies den Hundten hin/
Vnder den Tisch / als ire speiß.
Als nun jr Nachpawr sah jr weiß/
Nicht lenger er geschweigen kundt/
Hubs von der Erden auff zur stund/
S a 1018

Wie zornig sprach er zu jr do /
Fraw wo habt irs gelernt also /
Daß sich solch vnzucht in euch regt /
In ehren ist euch fürgelegt /
Das Haupt von diesem schönen Fisch /
So werfft irs gröblich vndern Tisch /
Da euch das außtheiln nicht war eben /
Solt irs vns haben wider geben.
Sie schwig vnd sagt kein wort darwider /
Vnd schlug vor scham ir Augen nider.
Nun rath vnd laß mich nicht verlangen /
Wer hat die gröste hoffzucht begangen /
Vnd welches ider disem par /
Lobs oder scheltens würdig war.
Auch war noch sonst ein Junckfraw Knecht /
Der wolt auch machen ein hoffrecht /
Vor schönen Töchtern als ich hab
Erfarn / so wolt er brechen ab
Dem Liecht / vnd war also verwirt
In irer schön / das er sich jert /
Als er den buzen da wolt haben
In die Sandbüchß gar wol vergraben /
Stieß er s in ein Becher mit Wein /
Da pfitst vnd gischt / vnd laut so fein /
Der selbig Becher war der Brant /
Da lacht all Menschen vber laut /
Die Junckfrawen all schmunzlen thetten
Das sie ein solchen diener hetten.
Bey solchen stücken soltu bleiben /
Doch must duß allweg gröber treiben.
So is vnd trinck allzeit so vil /
Bis nichts mehr in dich mag noch wil.

Vnd

Vnd wenn du offtmals Fluchsen thust /
So wiß das du baldt speien must.
Das sol dich denn nicht wunder nemen /
Vnd solt dich vor keinem Menschen scheuen /
Secht auff sprich / laßt mich für her gehn.
Geh hin vnd spey / denn wäsch die Zän /
Kom wider vnd fäll doppel ein /
Was lehr ist muß gefüllet sein.
Doch ob dir würd beim Tisch so not /
So dück den Kopff / das ist mein roth /
Spey vndern Tisch / vnd schem dich nicht /
So wirdt den Sewen angericht /
Das gfelt den vollen Brüdern /
Sie treibens selbs gar manches wol.
Es ist auch an vil orten sitt /
Man halts für kein recht gastung nit /
Bis einer leßt das zeichen sehen /
Das soll offtmals von dir geschehen /
So wirdt dein alle Menschen lachen /
Vnd würst dir grosse freundschaft machen
Das sie auch morn gedenden dein /
Vnd würst der Trincker Hauptman sein.

Das Fünffte Capitel lert / wie die
Junctfrawen zu bespritzen / vnd sich

W in / vnd aufferhalb der gesels
schaft zuhalten.

Wenn nun das Tischtuch hin ist glegt /
Vnd das man dar frisch wasser trege

Solt du dein hend der erst dar strecken /

Vnd wäschen auß dem saubern Becken /

S in **DAS**

nd



Das Maul vnd Nas ein gute zeit /
Denn laß sich wäschen ander Leut.
Auch ehrlich Weiber vnd Juncfrawen /
Solln vor dem wäschen all zuschawen.
(Ein sauber Wasser ist dein nutz /
Ein trübsch wäscht dir nicht ab den schmutz)
Ir etlich machen vil gebreng /
Vnd halten sich so feucht vnd eng /
Vnd will die letst ein jede sein /
Vnd warten auffeinander fein.
Wenn du denn sichst ein solchen pracht /
Vnd so sie dein nicht nemen acht /
So soltu dich verfaumen nicht /
Vnd spriz in vol ir angesicht /
Schleier / Stirn / Augen / vnd gewandt /
Vnd netz sie mit deiner groben Handt.
Das haben sie verdient daran /
Das sie so lang zu warten stan.
Des bossen lacht denn Man vnd Weib /
Vnd sprechen all / danck hab dein Leib /
Vnd bitten dich die Fräwlin sehr /
Du wölst sie noch besprizen mehr.
So baldt man Frächt vnd Obs dar trege /
So sey der erst der für sich legt.
Vnd Eher die Platten fein herum /
Das / was dir gfall / fein durch dich Kum /
Wils als herumb / vnd sey nicht faul /
Vnd far on scham darmit zu Maul.
Opffel zu schön nim dich nicht an /
Dein Bauch das wol verzeren kan /
En grösse schelet ist ir gsundt /
Dazzu möcht zu der selben stundt /

Das

Das Obs sich all zumal verlieren /
Weil du die Opffel schölst vnd Bieren /
So denn dein hertz noch mehr begert /
So wern die platten außgelert /
Drum brauch dich weil es vor dir leit /
Du findest sölich Speiß nicht alle zeit.
Denn hebt man einmal auff ein ding /
Denckt nicht das mans herwider bring.
So hats der Wiert drumb dar gestellt /
Das jeder es was im gefellt /
Nicht das mans wider trag daruon.
Drumb soltu weite Kermel hon /
Vnd was du magst darein verschlagen /
(So du satt bist) heim mit dir tragen.
Du solt dich auch darzu gewehnen /
Die Nüz auff beissen mit den Zenen /
So brichstu nicht das Messer ab.
Auch manchen ich gesehen hab /
Der schlug in einem streich so frisch /
Ein Nüz zu stücken auff dem Tisch /
Das auff sprang was druff lag vnd stund /
Da dacht ich / wie ein starcker Kund /
Der hat starck Feust / ir etlich hetten
Hart Fuß / vnd kundtens fein aufftreten /
Denn klaubten sie die kernen rauff /
(Du weist die Bursch helt selzam hauff)
Brauch welchs du wilt / vnd gäuckel mit /
Brauch nur allein das Messer nit /
Du möchst im sunst die spitz abbrechen /
Villich auch in die finger stechen.
Denn räum die Schalen all von dir /
Vnd legt sie deinem nechsten für /

So helts denn jederman für gwis/
Er hab gefressen souil Nüss/
So acht man deine hofzucht groß/
Vnd weiß nit das du seist der froß.
Auch was dir nicht will schmacken gar/
Das schmeichel als dem Nechsten dar.
Sitzt denn ein Junckfraw neben dir/
So scherz grob/ vnd geil wüst mit jr/
So würstu dich zuthätig machen/
So muß sie dein von hertzen lachen/
Vnd bist dem schönen Volck nicht feil/
Vnd würst der dritten nicht zu theil.
Denn wer jetzt will ein Buler sein/
Der muß nit lang verzwungen sein.
Auch was du hast für köstlich ding/
Halßband/ Ketten/ vnd gulden Ring/
So streck die finger allweg dar/
So nimpt die schön der Kleinot war/
Auch ob du herst ein schönes Kleidt/
Mit Samat oder Seid beleidt/
Vnd was an dir mag lustig sein/
So lug vnd brings zum Augenschein/
Vnd zeigs den schönen Mägdlin allen/
(Du solt dir selbs auch wolgefallen)
Die werden dich all lieb gewinnen/
Das sie on dich nicht leben können/
Sie sind dan schönen Kleider holdt/
Dazu betrengt sie oft das Goldt.
Viel tieffer seuffzen laß von hertzen/
Daß sie vernem den grossen schmerzen.
So spar dich auch mit wincken nit/
Vnd tritt jr auff ein Fuß darmit.

Bring

Bring jr offtmals ein kühlen Wein /
Mit bitt / sie wöll gedencen dein.
Wenn sie denn wider thut bescheidt /
So wird dein junges Hertz erfrewt.
Sorg nicht was da zucht halb gezimbt /
Beim Wein man alle jar gut auffnimbt.
Hörstu das jemandts in der still /
Ein andern etwas sagen will /
So lauster im gar eben zu /
Vnd hör was man da handlen thu
Was man nur redt so heb gleich an /
Vnd henc dein Siegel auch daran /
Vnd ob schon sunst schweigt jederman /
So fang du doch ein plaudern an /
Ein vngesüg Zanbrecherisch gschrey /
Vnd schwey daher von mancherley /
Allzeit wird sich wol etwas finden /
Das du der Gsellshaft magst verkünden /
So magstu auch wol Lügen dichten /
Nachreden vnd die Leut außrichten /
Die nicht bey dir zugegen sein /
Es geht alls hin beim kühlen Wein.
Oder was du lang zeit für dñck
Getrieben hast vnd Bubenstück
Denn viel sind die so meisterlich
Ir schalckheit fein berhümen sich /
Vnd wölllen hon ein Ehr darvon /
So sie viel vnrecht hond gethon.
Auch soltu auß einr Kleinen sachen /
Allzeit ein grossen handel machen.
Will jemandt mit dir Disputieren /
So muß er wol sein sach Verlieren /

Mit gschrey im all sein red zerstör /
Das er sein eigen wort nicht hör.
Spricht jemandt / Freundt ey thut gemach /
Vnd reden sittlich von der sach /
So schrey je mehr / die Jung ist dein /
Die soll kein andern ghor sam sein.
Du solt niemands er geben dich /
Sprich es sagt niemand war denn ich /
Vnd was er spricht / sag nur alls nein /
So gwinstu denn die sach allein /
Will aber je dein Widerpart
Auff seiner meinung bleiben hart /
Vnd vmb kein zar nicht weichen dir /
So zörn mit im / vnd geh herfür /
Steh auff / vnd red mit im nichts meh /
Vnd sag den Gesten nicht Ade.
Vnd was dir nicht mit grossem schreien
Zu deiner meinung will gedeien /
Das soltu bschirmen mit dem Schwerdt /
So sicht man wer eins manns ist wert.
Wer denn den andern schlecht zur Erden /
Des meinung sol geprisen werden /
Mit blosser wehr kum da gerent /
Vnd löß im auff das Argument /
Oder laß ime ein Kann dar fliegen /
Zum Kopff / das er den Leib muß biegen.
Ob dir solch bossen nicht gefielen /
Vnd wolst doch gern auch etwas spielen /
So grab in Tisch mit freier kunst /
Dein Namen oder etwas sunst /
Dein Zeichen vnd was ghört dabey /
Das man auch deinen eindend sey /

Wenn

Wenn du von hinnen bist gescheiden /
Wirt vber lang mit grossen freuden /
Manch schlucker deinen Namen lesen /
Vnd sehen das du da bist gewesen.
Auch magstu wol mit grober Handt /
Ein wüsten bossen an ein Wandt /
Hin schreiben / oder malen dran /
So lacht denn mancher Grobian.
Was man dir bringt in grossen zechen /
Solt du alls gschwind heraussert stechen /
Alls in ein Truncck / das steht so frey
Man spricht je das es vnrecht sey /
Auff einer arbeit machen zwo /
Solg mir so thustu nicht also.
Wenns Geschirr denn Lehr ist / steht gar wol
Lass du es wider schencken vol /
Vnd thust dem bringer dopplen bscheidt /
So wüirstu bald zu Haus geleidt /
Wenn du voll wüirst bey guter zeit /
So erst lang warten ander Leut.
Geh nimmer heim / es hab denn schon
Zwen streich langst auff die Glock gethon /
Vnd das bald komm der Morgenstern /
Ob schon der Wiert wolt schlaffen gern /
Vnd bitt dich gleich wie sehr er wöll /
Ey sprich / harr noch mehr gut gesell /
Heim gehn ist mir noch nicht im sinn /
Bis das ich bass getruncken bin.
So sich dieweil ein truncck ner herr
Schlaffgierig hin gelegt zu Beth /
So soltu eilents gehn hernoch /
In wider holen ins geloch /

Ob

den



Ob er schon Barfuß mit dir geh/
Vnd nicht wol auff den Süßen steh/
Oder nicht willig wer darzu
Denn solt in dapffer spizen zu/
Vnd im aufflegen solche buß/
Das man in schlaffen tragen muß.
So halt erst mit den Gläsern hauß/
Brich sie/ vnd schlag die Fenster auß/
Vnd biß ein vngestümer gast/
Das du Morgen zu zalen hast/
Gib denn gemalte Wappen drein/
So wirstu werd bein Edlen sein.
Denn soltu Stül vnd Bencß vmbtragen/
Vnd solt sie widern Ofen schlagen/
Der Hafner kan in schöner machen/
Vnd geh denn heim nach solchen sachen.
Doch mach vor zu derselben stundt/
Mit deinen gselln ein solchen bundt/
Ob jemand da dich laden wöll/
So wölstu sein ein Tisch gesell.
Das stücklin hat mir wolgethon/
Vnd bracht viel guter mahl darvon/
Vnd ward zu mancher Gastung oft
Geladen/ da ichs nicht verhofft/
Ich sprach/ möchtst nicht ein mal geschehen/
Das ich möcht ewer Wohnung sehen?
Wenn ladt jr mich inn ewer Hauß?
Weñ gschichts/ weñ wird doch etwas drauß
Schandt halben sprach er denn zu mir/
Wenn du nur wilt/ es ligt an dir/
Wenn du daran ein gefallen hast/
So komb gleich Moru/ vnd sey mein Gast

Zu Nacht / vnd komm zu rechter stundt.
So sprich ich denn zu ihm gut rundt /
Ich will erscheinen glaubt mir frey /
Vnd thet ein grossen Schwur darbey /
Als wer im viel gelegen dran /
Das mit im eß Herr Grobian.
Das stücklin brauch / mag dir nicht schaden /
So wirstu oft zu Gast geladen.
Thet aber einer dir desgleichen /
Vnd wolt dir auch ein Fuchß schwanz strei /
So thu eben als hörstus nit / (chen /
Vnd sag im glat nichts zu darmit /
Sprich / ja es muß ein mal geschehen /
Wenn wir ein glegnezeit ersehen /
Jez aber ichs nicht schicken mag /
Ich hab zu schaffen etlich tag /
Von etlich gmeiner gschefften wegen /
Vnd ist mir jez sehr vngelegen /
So bald ich das hab auß gericht /
Will ich der sach vergessen nicht /
Da wölln wir trincken guten Wein /
Vnd frölich bey einanden sein.

Das Sechst Capitel / von Rumor-
rischen sitten / auff der Gassen /
vnd im Hauß bey Weib vnd Ge-
sind / zu brauchen.

Wenn du nun hast dein lust erfüllt /
Vnd ist dir gerathen wie du wilt /
Vnd hast nach meiner ler gethon /
So jauchts mit schall vnd geh darvon.
Srag nicht wie viel kost das mol /
Der Wiert kan dirs Worn rechnen wol /
Denn

Denn wenn er gern bezalt will sein/
wird er ja nicht vergessen dein.
Schweig du still mach kein wesen drauß/
Vnd lug nur wie du findst dein Haus.
Da Plerre / Rumor / sing / jauchts / vnd schrey /
Durch alle Gassen wo es sey /
So müssen von dem gschrey vnd schall /
Die Nachpawrn gleich erwachen all.
Fluch dem / heisch ihenen auß sein Haus /
Sag / bistu frisch / so tritt herauf.
Nach wider new ein alten haß /
Der lange zeit verloschen was /
Jnn voller weiß verweiß im vil /
So fahstu an ein newes spil /
Will er die scheltwort denn nicht leiden /
Vnd sucht herfür ein scharpffe schneiden /
Laufft drauf / vnd will dich da beston /
So gib die flucht / vnd lauff daruon /
Gib Ferffengel / vnd laß dahinden /
Die Schuh / die wird er denn wol finden /
Das er dir nicht den Balck zerklopff /
Vnd haw ein schmurren in den Kopff.
Ich sag auch das die lobs werd sein /
Die nachts die Fenster werffen ein /
Mit prüglen oder grossen Wacken /
Vnd sich darnach von dannen packen.
Das thu auch / denn ein vollen Man /
Zimbt alles was er treiben kan.
So würstu denn den Glasern wert
So man new Fenster dar begert.
Wurff auch Bencf / Stöck / vnd plöcher vmb /
Des Morgens denn der Haushert kumb /
Vnd

Vnd stellein jedes an die statt/
Da es dein Grobheit funden hat/
So ist's dem selben Herren gut/
Das er zu zelten etwas thut/
Denn Übung nutz zur gſundtheit vil/
Solch nutz kompt auß dein Gauckelspil.
Ob aber mancher auß ſeinem Hauß
Von Burgern lieſſ/ vnd wiſcht herauß
Mit einer guten Zellenparten/
Vnd ſchlug dir's auß die vollen Schwarten/
Vnd fürten dich in Thurn darzu/
Das wer ein Kleins/ da hetstu thu/
Vnd legſt darinn ſo wol verſchloſſen/
Vnd tribeſt allein viel grober boſſen.
Werſt auch irgent verſichert baß/
Vor allen die dir trügen haß/
Denn keiner deiner Feinden iſt/
Der an das ort wolt/ da du biſt/
Da ſißeſtu in dem ſchatten fein/
Ob Regen oder Sonnen ſchein/
Ja biſt darzu bedeckt noch meh/
Vor kalten Reiſſen vnd vor Schnee/
Wärſt auch vor Dieben ſicher ſein/
Ir keiner ſteigt zum laden nein/
Vnd halteſt drinn ein fein Diet/
Darinn ein ſtück der gſundtheit ſteht.
(Das thun viel Herren reich vnd ſtolz/
Die man gelegt hat in dan Holz)
Wo du denn kombeſt her auß ein mol/
Wie ſchmackt dir der Wein ſo wol/
So ſauff dich denn als bald voll Wein/
So legt man dich gleich wider ein/

Des

Das thu zu trutz den Kammer Knaben /
Das sie auch arbeit mit dir haben.
Dem aber niemand der dich stried /
Oder mit gwerter Hand nachlieff /
So richterst allen mutwill an /
Was nur dein lust erdencken kan.
Vber vnd drüber was du finst /
(Dardurch du grossen gunst gewinst)
Bis das dir ist der mutwill auß /
So lug denn wie es steh im Hauß.
Nun hör wie du dich halten solt /
Ob man dich nicht gleich hören wolt /
Vnd wie du solt dein Weib tractieren /
Vnd jr die lenden woler schmieren.
Stoß mit ein Fuß hart an die Thür /
Als ob der Donner schlug darfür /
Denn gib jr mit ein Stein ein buß /
Denn lauff sie mit der Seiten vff /
Vnd thu so manchen stoß daran /
Das sie das Schloß nim halten kan /
Vnd brech / oder fall sunst dahin /
(Vielleicht felst du auch mit hinein)
Vnd thu viel grosser Fluch darzu /
So hat kein Nach bawr vor dir rhu.
Ob denn dein Weib vom Beth auffstündt /
Vnd meint die Thür auff thun geschwindt /
Vnd hieß dich lieblich willkomm sein /
(So sie merckt das du werst voll Wein)
So schlag sie in das Angesicht /
Ob sie schon hett verschuldet nicht /
Vnd gib jr manchen schweren streich /
Das sie werd mürb / geschlacht vnd weich /
Vnd

Vnd ir erzitter leib vnd blut /
So baldt dein Grobheit reden thut.
Denn du hörst ja gemeinlich sagen /
Drey ding die muß man allzeit schlagen
Will man das iren eins gut bleib /
Ein Fußbaum / Esel / vnd ein Weib.
Ein Stockfisch wirdt auch nimer gut /
Den man nicht weidlich plewen thut.
Soll dir mit deinem Weib gelingen /
So müsts mit schlegen in sie bringen.
Lig auch nicht nider vor vnd eh /
Das ganz Hauszgesind vom Beth auffsteh /
Da es imersten schlaff da lag.
Dein grobheit sich denn brauchen mag /
Ein soltus dürr mit worten sagen /
Dem andern wol die Haut vol schlagen /
Vnd jedem (so du bist voll Wein)
Da nach der leng erzelen fein /
Was er das iar lang hab gethon /
So müssen da mit zittern ston /
Vnd irer Lenden fürchten sehr /
Vnd als irn Herren thon groß ehr /
Denn keiner je sonst grösser ist /
In deiner wonung denn du bist.
Wenn du denn auffhörst sie zu straffen
So leg dich auff die wamen schlaffen /
Vnd schlaff mit süßigkeit on sorgen /
Befleiß dich auch / das gleich am morgen /
Die Kellerin ein vnlust findt /
Das sie zu wäschen hab geschwindt /
Das sie nicht nem ihrn lon vmb sunst /
Das ist an dir ein höfflich kunst /

So reucht es denn bey deinem Bēth/
Als ob man da ein Sewstall hett/
Das ist dein Weib ein guter gruch/
Spricht sie schon / awe awe pfuch/
So muß sie das doch schmacken do/
Vnd ist irs feinen Hauswirts fro.
Wenn du denn aufstehst vmb Mittag/
So heiß das man dir gleich hertrag/
Essen vnd trincken / dich zulaben/
Doch soltu branten Wein vor haben/
Der dir im Haupt vertreib den schmerzen/
Das dir kein frandheit schlag zum hertzen.
Wenn du dich den gefüttert host/
Von starckem Wein vnd guter Kost/
So leg dich nider an die rhu/
Diweilrichts Weib das essen zu/
Wenn sie denn kömpt / vnd weckt dich wider/
So geh zu Tisch / vnd setz dich nider/
Vnd muffel aber geizig ein/
Als Wölffthun in die wilden Schwein/
So wirdt dein Weib denn mit dir rechen/
Vnd dir das Benedicite sprechen/
Vnd machen erst ein grosses wesen/
Vnd dir ein lang Register lesen/
Wie etlich Weiber hond den sitt/
So hör wie solt dich halten mit.
Spricht sie schaw da du voller Flegel/
Ey du Weinschlauch / du voller Regel/
Bist gestern aber voll gewesen/
Vnd kundt niemandt vor dir genesen.
Du grobe Nest saw pfey dich an/
Solst du from Weib vnd Kinder han?

Du solst ein strick an deinen hals /
Sich wie hastu zertrümet alls /
Da sind mein häfen all zerbrochen /
Warinn soll ich dir jezund kochen?
Du hast mich gscholten vnd geschlagen /
Das will ich allen Nachpaurn klagen.
Wirdt dir ein langen Text daher
(Als obs ein halber Doctor wer)
Vnd ein grosse History machen /
So sitz du da / thu nichts denn lachen.
Wilt du jr nicht mehr hören zu /
Sag zu jr das sie s maul zuthu /
(Vnd sprich / wer hat dich her gesandt /
Das du solt sein ein predicant?)
Schweigt sie / so ist's jr lenden gut /
Wo sie denn weiter kiffeln thut /
Von ihem / von dem / jez diß / denn das /
Vnd wie all ding ergangen was /
So nim gleich was du finden thust /
Vnd wirffs dem bösen suppen wust
In jr gefräß / vnd in die lenden /
Das sie den kopff nicht vmb kan wenden /
Schlag sie denn weich / so hat sie rhu /
Sprich / vnstat thu / die waffel zu /
Vnd zeuch sie wie dus haben wilt /
So wirdt sie fein geschlacht vnd milt /
Gleich wie ein gürtigs Lämlein klein /
Vnd bhelt jr böse wort allein.
Es wer noch vil darzu zu setzen /
Du kanst das vbrig selbs wol schetzen.
Denn diß ist nur gesetzt hieher /
Das es dir zu ein muster wer /

3 4 DAS

Das vberg kanstu selber treiben /
Man kans nicht allweg mit Reglen schrei /
Denn du nun selbs schier Doctor bist / (ben /
Vnd weist was dir darzu gebrist /
Vnd kanst dir selbs nun Reglen dichten /
Vnd dich auff Grobianisch richten.

Das Siebendt Capitel / erzelet vil schöner Grobiter die man bey

Gesten (so man die geladen
hat) vben soll.

Dv solt auch laden Gest zu Haus /
Doch lügen wie sie bleiben auß /
Vnd nicht vil botten nach in senden /
So magstu deinen Kosten wenden.
Auch welche vnuersehnlich
Im Haus wölln vberlauffen dich /
So weiß sie gleich mit Worten ab /
Vnd sprich / so ich euch gladen hab /
So ist mir doch das auß dem sin /
Denn ich voll Weins gewesen bin /
Was ich in voller weiß hab gredt /
Das sind Weinmär / vnd ein gespött /
Der Wein hat das auß mir gethon /
Ich aber weiß kein Wort darvon.
Auch magstu denn beschönen dich /
Sag ir habt nicht verstanden mich /
Es sind nur ehren Wort gewesen /
Vr wolt ir gleich ein ernst drauß lesen /
Es ist doch alter brauch vnd sitt /
Das ehren Wort die binden nit,

Du

Du magst auch sprechen in der eil/
Mein Fraw hat jez nit wol der weil/
Sie hat zu wäschen vnd zu reiben/
Oder muß bey den Kindern bleiben/
Die sind jezund nicht wol zu paß/
Ein ander mal so geht es baß.
Kommt auff einander zeit zu mir/
So will ichs vor verkünden jr/
Vnd wöllen hon ein guten mut/
So hastu schon dein werwort gut/
Man sie denn niemer mehr daran/
So darffstu niemer Kosten han/
Doch magstu zu gelegner zeit/
Zu gast entpfangen solche Leut/
Die du vorhin geladen hast/
So bistu wider oft jr Gast.
Brauch aber allzeit diesen fundt/
Das wer nit kompt zu rechter stundt/
Wie du im hast die zeit befohlen/
Den laß auch nicht zum essen holen/
Vnd sey fro das er aussen bleib/
Vnd dich nicht oft in Keller treib.
So baldt die Uhr hat auß geschlagen/
So heiß als baldt die Speiß auff tragen/
Vnd setz dich an den Tisch on sorgen/
Du müssest warten sunst biß morgen/
Was nicht selbs kompt das laß nur bleiben/
Du kansts mit gwalt nicht zuher treiben/
Ist gnug das du sie hast geladen/
Wer sich versaumpt/der hat den schaden.
Wer denn zum letzten kompt herzu/
Der sorg wo er auch sigen thu/

Sitzt er denn vbel / ißt auch schlecht /
So gschicht dem Kunden eben recht.
Denn wer zum essen kumt zu spot /
Der ess beim Ofen trucken Brott.
Vnd gleich so baldt du sicher bist /
Das nun die zeit fürüber ist /
So bschleuß gar eben Thor vnd Thür.
Vnd stoß die starcken Rigel für /
Das / wer zu spat komt auff die Strassen /
Ausbleib / vnd werd nicht eingelassen /
Ob er schon thut so manchen buff /
So thu im doch die Thür nicht vff /
Vnd laß den faulen Kunden drauß /
So zeuchter wider heim zu Hauß /
Vnd spart dir manches Glas mit Wein /
Du must deins nutz auch gwärtig sein /
Das hat Esopus auch getriben /
Da Kanto seine Gest auß bliben /
Vnd einer nur zum Nachtmal ging /
Da er verstund verborgne ding.
Komen die Gest zu dir hinein /
So heiß denn niemandt wilkum sein.
Beim Tisch kein sauber Wasser sey /
Sez auch kein Stül vnd Bencf darbey /
Zeb an zu kerer wo sie stehn /
Das sie im staub vnd vnstat gehn /
(Wie wolten sie sunst dencken auß /
Ob man auch het gekert das Hauß?)
Vnd thu erst alle ding geschwind /
Wenn schon die Gest all komen sind.
Nuch solt jr keinen nider setzen /
Wie kanstu jedes werden sehen.

ZAB

1
Laf jeden sitzen wo er mag /
Das er nicht etwan von dir flag /
Vnd geb die schuld dir armen man /
Das er soll sitzen vnden an.
Was du in denn für speiß aufftregst /
Vnd was du auff die Tafel legst /
Das lob den Gesteu thewr vnd hoch /
Vnd sag wie du seist glauffen noch /
Bis du das habest vberkomen /
Vnd wie dus habst so thewer genomen /
Wie dichs so manchen Groschen steh /
Vnd wie druff souil vnkost geh /
Sag das ist wolein schöner Al /
Ich must in aber salen wol /
Der Salm / der Karpff / der Hecht ist gut /
Nur das mans so thewr geben thut.
Kein bessern Hasen darff ich sagen /
Hat man diß jar nicht sehen jagen /
Den hat mir heimlich braucht ein Bawr /
Er nam in aber salt der Lawr.
Sag auch was Gwürz vnd Saffran sey /
Zucker vnd ander ding darbey /
Vnd wies dein Fraw hab kocht so gut /
Das sunst kein Weib der gleichen thut.
Das gfalt den Gesteu allen wol /
Vnd müssen dich ein andermol
Zu einem bessern Nachtmal laden /
(Nun lag was kan dir grobheit schaden)
Redt denn der Gastherr auch des gleichen /
So soltu im sein wort außstreichen /
Vnd sprechen / was sagst vns darvon /
Was du kaufft hast / vnd dargethon /
I ihj We

Wer Geste will hon / der richts auch auß /
Oder laß sie in irem Haus.
Heiß auch ir Keinen das er ess /
Vnd sich nicht an dem Tisch vergess.
Denn alle Geste die hunger han /
Die dörfen nicht das man sie man /
Hungert sie aber nicht / so wiss /
Es batt nichts / sprichstu schon lang / is
Ein voller Bauch hat ja die weiß /
Das er nicht darff noch ander Spelß /
Ob man denn mehr wolt darein zwingen /
Er möcht im von einander springen.
Leg auch kein Gast sein essen für /
Er hat Exempels gnug an dir.
Wenn sie denn satt nach essens sein /
So gib in erst ein starcken Wein /
So alle ding ist auffgehoben /
Darmit soltu dein Geste erlaben /
Vnd mach sie also boden voll /
Das keiner weiß wo er hin soll.
Denn heb vil zand vnd hader an /
Kein frembder dir das weren kan.
Du bist je Herr in deinem Haus /
Wems nicht gfelt der geh hinauß.
Die andern die denn bey dir bleiben /
Mit den soltu dein Mores treiben /
Vnd lug das keiner nüchtern sey /
Solt auch die Thür verrigeln frey /
Vnd Keinen da hinwegt lan gehn /
Bis er vor füll nim mag gestehn /
Darmit würstu gewinnen sein /
Das keiner mehr dein Gast will sein.

Es

Es schickt sich auch dartzu nicht vbel/
So du ein Rachel oder Kübel
Vnder die Tafel setzt so frey/
Das welchem da von nöten sey/
Der mag die Blasß drinn lehren auß/
So trincken denn die Brüder drauß.
So sitzt die ganze nacht zu sauffen/
Vnd laß jr keinen von dem hauffen/
Bis das die Morgenröt her geh/
So ist's zeit das die Bursch auß steh.
So thu die Thür auß/ laß sie auß/
Lug jeder wie er sind sein Hauß.
So mag im denn der tag heim zünden/
Vnd kan das Hauß on Sacklen finden.
Denn schlaß bey hellem tag mir schall/
Wenn ander lent sonst wercken all/
Zu nacht sitz wider zu dem Wein/
Wie möcht ein freier leben sein?
Ob schon einander gwint groß gut/
So er viel grosser arbeit thut/
So bistu faul vnd dirstig worden/
Vnd kombst in heiligen Bettler orden/
Vnd hast darbey ein frischen mut/
Vnd sorgst nicht sehr nach grossen gut/
Wie mancher Reicher Kauffman thut.
Das Vcht / vnd lest Capitel be-
greiff einen gangen hauffen/lieb-
licher / Höflicher / Groblanischer/
Hof Bößlin / allen Grobian,
wenn notwen-

dig.

J v

Wolan

Wolan das Buch hat schier ein ort/
 Creusa hilff mir nun mein hort/
 Steh mir mit deinen Gaben bey/
 Das mir mein Herz nicht Krafftloß
 (sey/
 So will ich jezund (hab ich glück)
 Etlich Probierte gute Stück/
 Zur Letzt auch schreiben gleich herein/
 Doch wird dasselb on Ordnung sein/
 Das was ich droben nicht hab gsetzt/
 Das hab ich gut hieher gescherzt.
 Doch mit dem Alter hats den bscheid/
 Das du drinn haltst ein vnder scheid.
 Denn gleich wie nicht ein jeder Brill
 Ein jeden Alter zimen will/
 So soltu dir sie außlesen/
 Was deinem Alter / Stand / vnd wesen
 Gebären mag / das soltu treiben/
 Vnd alls bey groben Sitten bleiben.
 Die Krebs acht man köstlich vnd thewr/
 Damit treibt man viel abenthewr/
 Das Stücklin will ich nicht vergessen
 Wie du mit Leuten Krebs solt essen.
 Den andern laß die kleinsten schmacken/
 Du solt die grösten rauffher zwacken/
 Denn zwar je grösser solche sindt/
 Je mehr man drinn Materi findt.
 Doch ist's nicht allzeit gwiß vnd gut/
 Das man die grösten nemen thut/
 Drum will ich dir ein Regel geben/
 Wie du sie solt erkennen eben/
 Gut oder böß / so merck in ab/
 Wer vnderm Schwanz viel Eyer hab/

So zweifel nicht er ist der bon/
So soltu in nicht von dir lon/
Denn der on Eyer ist fürwar/
Da gib ich dir kein Bürgen vor/
Drumb sorgst du das er vnnütz sey/
So gib in deinem Nachbawen frey/
Das er denn eß/ vnd dunct in gut/
Was deinem Maul nicht schmacken thut.
Oder welcher kein Eyer hatt/
Den schmetter wider in die platt/
Vnd such denn vndern Krebsen allen/
Bis du findest die dir wol gefallen/
Die leg für dich nach ordnung her/
Vnd gib den andern nicht ein Scher.
Doch ist ein sonder vortheil drauff/
Wie du viel Krebs solt fressen auff/
Denn denck du selbs mein grober Keil/
Es nãm viel zeit vnd lange weil/
Wenn du die Krebsnach ordnung woltst
Anathomieren/ wie du soltst/
Vnd sitzen da lang dranzu flauben/
Dieweil greiffst man in auff die Hauben/
Vnd kâmen da die Kreß hinweg/
Werstu denn nicht ein feinet Ged?
Thu in also/ vnd halt den brauch/
Zum ersten friß hinweg den Bauch/
Darnach brich in die Scheren ab/
(Als ich das oft gesehen hab)
Die schwentz leg auch nach art darzu/
(Vnd acht nicht was ein ander thu)
Eil dich nur fast/ vnd sey geschwind/
Wenn denn kein Krebs vorhanden sind/

So iß dein Schatz mit guter Ehu /
So sehen dir die andern zu.
Das hab ich newlich frey gesehen /
Da ist etwas visierlich s gsehen /
Es riß auch einer solche bossen /
Das hatt ein andern Gast verdrossen /
Der war ein wol bescheiden man /
Zu Schimpff vnd Ernst gar wol gethan /
Lieblich / Schimpfflich / vnd wol beredt /
Der sach er war genomen hett /
Wie dort ein Grobianer saß /
Der so viel Krebs on Scheren fraß /
Die er all auff ein hauffen legt /
Dardurch ward dem sein gmut bewegt /
Dacht ich will dir auffd Hochzeit kommen /
In dem hatt er die Scheren gnommen /
Vnd sprach / Lanzman was meinstu mit /
Das du magst dieser Scheren nit /
Ich wer ein solcher Narr gewesen /
Ich hets für s best herauff er gelesen /
Gib mir sie / thun sie dir nicht schmacken /
Thets im also von dannen zwacken /
Vnd theilt auch gut Gefellen mit /
Aber Grobhans versucht jr nit /
Denn im ward nicht ein Scher darvon /
Vnd must darzu in schanden ston.
Also ward im sein Raub entzogen /
Vnd warn die Vögel auß geflogen.
Drumb dünckt es mich gewisser sein /
Du schreibst sie in ein Wetsch get netn /
Da Keyerschwentz mit breiten Scheren /
Daheim Kunstus mit muß auß lehren.

vud

Vnd was dir sunst gefallen thut /
Ist alls in deinen Wersch ger gut.
So mag dir ja die Kunst nicht fehlen /
Vnd kan dir s niemand wider stelen /
Wie ihenem nichts von Scheren wardt /
Die er sein Maul hatt für gesparrt.
Ich weiß noch der Exempel vil /
Wte man sich heit in solchem spil /
Aber es will den leuten allen /
Sondern den weisen nicht gefallen.
Auch wer ein Brieff hat in der Handt
Vnd liest in der im würd gesandt /
Vnd will nicht das jemandt erfah /
So schmeichel dich sein zu im dar /
Lis heimlich mit / vnd guck darein /
So sichstu was da news mag sein.
Ich halt nicht das er zörnen thu /
Ja glaub / er danck dir noch darzu /
Das du so witzig seist gewesen /
Vnd gholffen hast sein Briefflin lesen.
Wir lesen doch der Brieff on zal /
Die an viel orten vberal /
Cicero selbs geschrieben hat /
Der doch zu Rom inn solcher stadt /
Ein Burgermeister ist gewesen /
Noch mag man sein Epistlen lesen /
Die er sein freunden hat hat geschrieben /
Vnd bis auff diesen tag sind blieben /
Vnd zürnt doch nicht ein Mensch darumb /
Das man sie les vnd vberkomb /
Warumb solt es denn schendlich sein /
Das man die schlechten Brieffe les

Auch

Auch lesen solt zu jeder zeit/
Die jezund schreiben thund die Leut.
Ir etlich wölln kein Messer leiden/
Das scharrecht sey vnd nicht will schneiden/
So ich ir doch hab gsehen auch/
Die an ein harten stein so rauch
Ir Messer gar voll scharren schlugen/
Vnd es also zur Tafel trugen/
Das es von solchem wegen baldt/
Het einer seggen Zän vnd gestalt/
Vnd theten das zu irem nutz/
Offt einer feyßten Gans zu trutz/
Da mußt sich denn das Leder leiden/
Wenn sie darvon begundren schneiden/
So blieb die Haut am Messer hengen/
Das kundten sie fein auß gedencen/
Vnd frassen da zu irem glück/
Von der Gänshaut ein breites stück/
Damit all Menschen thut Hofieren/
Das kundt ir Kopff auß Spuntesieren.
Ob denn schon jemand etwas spricht/
So sag/ mein Messer schneidt doch nicht/
So hab ich ir ein wenig gschorn/
Vnd ist auch wol an mir verlorn.
Ir etlich willes nicht wol glücken/
Die Haut gschwind von der Gans zu zücken/
So sich das Messer nicht wol hellt/
Vnd in entwilcht was in gefellt.
So schickt sich denn ein grober Hans/
Das er beim Flügel helt die Gans/
Vnd bringt ein stück von solchem straus/
Vnd macht ein Bartholmeum drauß/
Vnd

Vnd leg denn wider in die plate
Das Thier das er geschunden hat /
Vnd sagt er sey ein Höflich Man /
Das er nur nemb die Haut daruon /
So doch gemeinglich sunst die Leut /
Schölen / vnd werffen hin die heut.
Desgleichen soll dir auch gerhaten /
Wo man jung Särcklin hat gebraten /
Saum dich nicht lang / vnd reiß hinweg /
Ein wol geferbten breiten Fleck /
Vnd sag / Oho ich fahr dahin /
Meins Handwerck sich ein Schuster bin /
Man spricht / ein Särcklin jung gebroten /
Vnd gsotten Areß / sind frölich Todten.
So soltu / das dem also sey /
Auch billich frölich sein darbey /
So würestu andre lustig machen /
Wenn sie das Leder hören krachen /
Vnder dein Zänen umbher wandern /
Von einem Bäck en zu dem andern /
Wenn du mit Anorpelst also fein /
Als ob durr Eychlen freß ein Schwein /
So du die Beinlin beißt zu stück en /
Vnd wird denn mancher nach dir schicken /
Der reich ist vnd nicht essen mag /
Das du jm machst ein lust tag.
Wenn er nur sieht dein mufflen zu /
Das in auch selbs gleich hungern thu.
Es fellt mir jetz ein Bößlin ein /
Weil mir noch bey der Sewhaut sein /
Das wird dir lustig sein zu hören /
Vnd will dich gleich dasselb auch leren /

Ju

In Welschland hab ich das erfarn /
Wie das zwen junger Buben warn /
In einem reichen Kloster do /
Die waren komen drein also /
Das sie auch solten mit der zeit
Wie andre / werden Ordens Leut.
Die weiß gefiel den jungen Knaben /
Das sie gut tag nun solten haben /
Da wandten sie denn oft den Braten /
Nun ist es auff ein zeit gerathen /
Als sie da saßen bey dem Fewe /
Da het der Koch zur abenthowe
Ein junges färlin an dem spiß
Gesteckt / vnd meint es wer gewiß /
Die Buben wärdens wol versehen /
(Als es on zweiffel ist geschehen)
Ir Buben / sprach er / lügt darzu /
Das es euch nicht verbrennen thu.
Der Koch befahl in alle ding /
Darnach er in die Kirchen gieng /
Darinn auch mein Herr Prior was /
Vnd andre Mönch / auch Volck's ein schar.
Das färlin von des Fewres not
Schwitz sehr / vnd ward so schön vnd Rot /
Das da ein jung zum andern sprach /
Hör wie gefiel dir diese sach /
Ob wir versuchten diesen Braten?
Der ander sprach / ich wils gern rathen.
Begundten von der Haut zu schwätzen /
Zu hand fieng einer an zu pfätzen /
Vnd zert ein zimlich stück herab /
Sein gsellen er das halb theil gab /

Es schmacket in wol / sie schmätzten sehr /
Ober ein weil holt er noch mehr /
Das sie das ferlin gar beschunden /
So lang sie etwas drüber funden.
Zu letst gedachten sie awa.
Das ferlin hat das fell nicht me /
Was wöllen mir zu ein wehrwort sagen ?
Man wirdt vns leichnam vbel schlagen.
Hey sprach der Kleinst / du bist ein Narr /
Weistu nicht das in vnser pfarr /
Der prior bitt für alle not /
Hagel / reiff / Krieg / vnd gehen Todt /
Für pabst / Keiser / vnd König auch /
Folgt du nur mir / du bist ein Gauch /
Wir wöllen auch wol bitten sehr /
Das vnser Herrgott vns erhör /
Vnd wachsen laß ein ander haut /
Wir können auch wol schreien laut.
In dem die Buben also schnell /
Fluch s lieffen in ein alt Capell /
Vnd knieten da für den Altar /
Ir bitten vmb ein Sewhaut war.
Sie baten sehr / vnd weinten beid /
Vnd war in vmb die Sewhaut leid /
Vnd meinten ja es würd in glücken /
Sanct Peter würd rot Leder schicken
Dachten es wer in schon gelungen /
Heyd sie auß der Capellen sprungen /
Zur Küchen kamen sie gerant /
Da lag der Braten dort vnd brant /
Das ferlin lag dort in dem Fewe /
Das war ein böse abentheur.

¶

Sie

Sie flohen auß der Küchen bhend /
 Verkrochen sich beyd an ein end /
 Daß nicht der Koch vber sie kãm /
 Vnd sie beid bey den Haren nem /
 Vnd sie da wol herumüber bucht /
 Vnd strich in an ein gut product.
 Der Koch sich auß der Kirchen packt /
 (Weiß nicht ob er den Braten schmact)
 Da brant das arme Särlein do /
 Der mären war der Koch nicht fro /
 Den Braten warffer auff die Erden /
 Vnd thet als wolt er rasendt werden.
 Dem Prior kamen baldt die Mer /
 Wie das die Saw verbrunnen wer /
 Der sieng auch selber an zu fluchen /
 Vnd hieß die bösen Lecker suchen.
 Zu letst fandt man die armen Gecken
 In einem alten Holzhaus stecken /
 Da stelt man sie beyd für Gericht /
 Ob sie bekanten die geschicht.
 Der prior hört wie das sie hetten /
 In einer einfalt beid gebetten /
 Das wachsen solt ein ander haut /
 Da lacht der prior vber laut /
 Ir Lecker das sey euch geschent
 Sprach er / doch das ir wol gedent /
 Fürhin / vnd mir kein Haut mehr essen /
 Ir habt doch sunst genug zu fressen /
 Oder ich hencf euch alle beid /
 Vnd gab in da kein andern bescheid.
 Die jungen warden wol zu mut /
 Das es in worden war zu gut /

Wie

Wie baldt sie sich verlieren thetten /
Als ob sie heid gestolen hetten.
Der prior sagt als baldt zum Koch /
Das er briet etlich Hünner noch /
Sie wolten gleichwol frölich sein /
Ob schon verbrunen wer das Schwein,
Das daucht die jungen Buben feis /
Das inen ward kein Disciplin /
Doch dorfften sie nicht gar drauff bawen /
Vnd dem prior nicht wol gettawen /
Bis das auß sölichem vngeräch
Im Closter ward ein groß geläch /
Vnd jeder da die Saw besach /
Was guter redt dar bey geschach.
Den Buben man dasselbig gab /
Sie schabten das verbrant herab /
Vnd hatten mit ein guten mut /
Nun lag warzu ist einfalt gut.
Setten sie nicht das stück gerissen /
Villich in worden wer kein bissen.
Da hetten sie ein gut Collaz /
Vnd funden dannocht guten platz
Vnd hetten noch souil erbetten /
Das sie kein streich entpfangen hetten.
Des schwancfts lacht man noch manchen tag /
Vnd ist gewiß ein ware sag /
Denn wirs der Mönch selbs hat gesagt /
(Vnd lacht darzu alls das er wage)
Der in der jugent selber hat
Begangen die visierlich that /
Der selbs die Haut hab abgezogen /
Vnd glauber hab mit nicht gelogen.

K ij Das

die



Das war ein Grobianisch stück /
Vnd hatten doch darzu gut glück.
Sölchs schreib ich dir allein darun /
Das du auch wist was guts drauß kun /
Vnd wie es manchem wolgefeli /
Wenn man sich grob vnd vngschickt helt.
Auch wenn es in dem Winter ist /
Das du kalt an dein füssen bist /
Wenn du zu guter abentheur
Sichst / wo im Ofen brent ein Feuer /
So hab allzeit ein solchen sitt /
Du seist bekant da oder nit
Lauff in die warme Stub hinein /
Als ob du woltst erfroren sein /
Vnd reum dem warmen Ofen zu /
Vnd zuech den nechsten ab die Schu /
Vnd werm die zarten Füßlin dein /
Wo sie so sehr erfroren sein.
Die nassen Hosen thu darvon /
Vnd laß die werm zuu Beinen gon.
Die Schu solt sein zum Ofen weisen /
Das sie von Schnee vnd Wasser pfeisen.
Den Schnee solt nicht von Schuhen schlagen /
Sonder mit in die Stuben tragen /
Sunst wissen die nicht in dem Haus /
Das so ein tieffer Schnee leg drauß.
Auch magstu wol mit gutem glimpff
Zuecken zur werm die nassen Strampff /
Denn in den warmen Stuben do
Stinckt es so sehr / vnd schmactt also /
Das einer ja zu manchen molen /
Nicht kan ein rechten athem holen /

Das

Das ist dem Hirn so vngesund /
Drumb soltu zu derselben stund
Den vördern gschmack mit dem vertreiben.
So mag eins nicht beim andern bleiben /
Vnd wurd der new zur Nasen streichen /
Vnd muß der erst dem letzten weichen /
So sagen sie dir alle danc /
Das du in hast den alten gstand
Vertrieben vnd den lufft purgiert /
Darauff noch mancher Arzt studiert.
Missfalt es jemandts / leit nichts dran /
Wer kan gefallen jederman?
Weil sich denn niemandt also helt /
Das er jederman wol gefelt /
So wiß das du dich halten must /
Das du niemandt gefallen thust.
Vnd thu nichts on Menerue krafft
Wider dein art vnd eygenschafft.
Darumb sich niemandt vnderwind
Der ding die gar vnmüglich sind.
Lug auch waruon du reden wilt /
So sey mit worten frey vnd milt /
Vnd hab ein lang Narration /
Die du wol herst in fürz gethon /
Nicht sags so fürz vnd schlecht daher /
Als obs ein leichter handel wer /
Vnd brauch ein weitläuffig manter /
Vnd mach auß einem wort wol vier /
So meint ein jeder der das hört /
Du habst Rethoricam gelet.
Von ersten eh du komst zur sachen /
Soltu ein langen vmbschweiff machen /

A ij Vnd

Vnd durch Hertzlich vrsach probieren/
Das du die redt wilt abbreuieren.
Vnd lug wie du mit groben sachen/
Die Zuhörer magst lustig machen.
Hastu denn mit Materij gnug/
Nimm was du wilt ist es dein fug.
Sag in von alten Römer Kriegen/
(Vnd leug das sich die Balcken biegen)
Vons grossen Alexanders Schlachten/
Vnd was die Kriechen wunder s machten/
Bis sie die Stadt Troiam gewunnen/
Vnd wie sie sey zu letst verbrunnen.
So werden sie denn schweigend sitzen/
Die weiten Ohren auff dich spizen.
Wenn du sie denn hast bracht in schwand/
So kom gemächlich vber land/
Mit andren schalen bossen her/
Vnd sag in denn ein ander Mer.
Vnd so dir jemand s vnder allen/
In deine süsse red wolt gefallen/
Vnd sprach/hör auff mit dein Narrieren/
Den soltu nur nach lust veriren/
Vnd deinen zorn auff in auß schütten/
Sprich/pfey schem dich der groben sitten/
Das du mir felst in meine wort/
Wo hastus glernt/an welchem ort?
Das du das thust ein ehren man/
Das er drey wort nicht reden kan?
Damit würstu dir machen Fründ
All die daselbst zugegen sind/
Vnd werden deinem widerpart
Werffen ein alte Saw in Bart/

DAS

Das er dich denn leßt reden auß/
Vnd still wirdt schweigen wie ein Mauß.
Es sollen auch die Kleider dein/
All von mancherley farben sein/
Denn das gesicht belüßtigt sich
In frembden farben wunderbarlich/
Warumb wolt dir auch gefallen nit/
Wo die natur sich frewet mit?
Sich an wie der schön Regenbogen/
Am Himel ist mit Farb durchzogen/
Deßgleichen auch ein jeder Planet/
In seinen sonder n. Farben steht.
Sich das gschwind geflügel an/
Was sie für schön gestirter han
Die edlen Stein auch allzusamen/
Den Farben nach hond sondre namen.
Ich gschweig der Farben die man findet
An souil Blumen wo sie sind.
Du magst in summa nicht entscheiden
Wie Farb muß alle ding bekleiden.
Wer der Natur nachleben thut/
Des leben schezet man recht vnd gut.
Drumb folg jr nach / vnd thu nach jr /
Sie wirdt den weg wolzeigen dir.
So Kleid dich Geel / grün / blau / vnd rot /
Vnd wie dir s ist zur nartheit noth /
Zertheilt vnd fein zusamen gsetzt /
So würstu gleich für weiß gschezt.
Solt auch die Kleider all zerschneider /
Kein ganz gewandt nicht an dir leiden.
Denn wer jezundt nicht an jm treit
Ein Lumprecht wolzerhauen kleidt /

A Kij Den

Den heist man gleich ein Bawren Knollen /
Ein Knebel vnd ein acker schollen.
Drumb laß dir auch dein Kleid zerhawen /
Vnd laß dich auff der Gassen schawen /
Bis für die knie hang Seid herauß /
Das mancher macht ein Wames drauß /
So mustu denn gleich vornen dran /
Vnd heist dich gleich ein Edelman /
Oder ein frommen Landtsknecht sein.
(Der frömmkeit namen laut gar sein)
So gibt man dir gleich doppel Soldt /
Denn Kriegfleut seindt den Kronen holdt.
Es köm̄t auch mancher an das Bret /
Wenn er einfeltig Kleider het /
Et würd nicht vil bekommen mit /
(Doch achten vil des handels nit)
Sorg auch nicht das dein Kind vnd Weib
Noch wol möcht tragen an dem leib /
Ein Kleid das man dir hat zer schneuzelt /
Zerpickt / zerkerbt / vnd klein zerferzelt /
Vnd laß dein Kinder nacktet gon /
Das wirdt wol vor den Leuten ston.
Wo du hingehst so sey gericht /
Vnd habein grausam / frech / gesicht /
Scharpff / mürrisch / trüzig / grell / vnd wild /
(Gleich wie man malt des Teuffels bild)
Mehr denn man sagt von alten Weisen /
Stell dich als ob du frässest Eisen.
Solt auch bey leib nicht lichen eh /
Bis das ein groß Schiff vnder geh /
Oder ein ganzes Land verderben
Vnd ein Stadt gar sey außgestorben.

Wer

Wer dich denn sieht in solcher gestalt/
Der wird on zweiffel sagen baldt/
Du habst viel sachen außzurichten/
Vnd grossen geschäftten nach zu dichten.
Also kompt dir auß solcher weisß/
Allzeit Lob/ Ruhm/ vnd grossen preisß.
Wenn du gewesen bist zu Gast/
Vnd dich sehr wol gefället hast/
So sag dem Herren nimmer danck/
Das halt ich für ein guten schwand/
Zeuch heim/ mach nicht viel Gratiass/
Es mag in doch nicht helfen das.
Doch woltich du hetst zuuoran/
Ein zand mit im gefangen an/
So magstu im mit zorn vnd schelten
Sein nachmal wol genug vergelten.
Klag wie er hab nach schlechter weisß
Dir geben grob geringe speisß.
Der Frauen solt ein Text her lesen/
Die Kost sey gar nichts werd gewesen/
Vnd solt also jr beider spotten/
Sie haben dir's nicht wol gebotten.
Zum Keller soltu zornig sagen/
Er hab kein guten Wein aufftragen/
Man hab dich nicht genug geehrt/
Wie es für solche Herren ghört.
Vnd sag/ mir ist kein guts geschehen/
Vnd solt darzu ganz truzig sehen/
Vnd nimb dich aller massen an/
Du seist ein gar erzürnter man.
Solt auch von sein geberden sagen/
Vnd viel von seinen Kindern klagen/
K v Wie

Wie das sein Son ein spieler sey /
Ein Buler / vnd Weinschlauch darbey /
Vnd wie er hab viel Leut beschissen /
Vnd faule zotten sunst gerissen /
Auch wie er an ein frembden end /
Gebraucht hab sein gekrümpfte Händ.
Vnd was du sunst erdenckst darmit /
Soltu im als verschweigen nit /
Vnd stell ganz entrüst darzu /
Das es in baß verdriessen thu.
Denn laß in also zornig sitzen /
Das er vor boßheit mücht erschwitzen /
Vnd zuech du heim vnd acht sein nicht /
Vnd sag du habsts wol auß gericht.
Des andern tags wo du in sichst /
So lug wie du dich mit im richst /
Versön den alten zorn mit im /
Er möcht dich sonst leicht laden nimb /
Geh zu im schimfflich vnd mit lachen /
Damit solt du dich Glas schön machen.
Vnd sprich / ich weiß nicht wie euch was /
Irwart Gestern nicht wol zu paß /
Lass it euch also zornig machen /
Von liederlichen schlechten sachen /
Das ich da nur zu ein gespött
In schimpff vnd Kurtzweil hab geredt /
Vnd habt irs gleich inn ernst auff gnommen
Iy boß / wie seidt ir darzu kommen.
So muß ers denn in schimpff verston /
Vnd als ein Wein red bleiben lon /
Vnd lasts ein gute sachen sein /
Vnd wird als bald begeren dein /

vnd

Vnd haben für ein Gast gesellen.
Auch magstu dich wol anders stellen/
So du nicht wilt das er dich haß/
Vnd magst die sach verquanten baß/
Vnd sag es hab ein alter Man/
Dir solche sachen kundt gethan
Wie sein Son für ein sollich leben
Doch habstu im kein glauben geben/
Vnd haltst darfür es sey nicht war/
Vnd schmeichel dich im also dar/
So sagt er dir denn grossen danc/
Da dünckt mich sein ein guter schwanc.
Merck ob du auch ein ämpelin hast/
So vberheb dich dessen fast.
Als ob du nur allein werst klug/
Vnd sches dir niemand gut genug.
Vnd treib allzeit dein grossen bracht/
Vnd leid nicht das man dich veracht/
So sag ich dir zu dieser frist/
Was newlich widerfahren ist/
Ein Herren der in frembden landen/
Ist auff ein hohen Schul gestanden/
Alda het er so wol studiert/
Das er in kütz ward promouiert/
Vnd bald auß der Studenten orden/
(Als billich) ist Magister worden.
Als im die ehr nun war geschehen/
Wolt er ein mal sein ältern sehen/
Vnd lügen wies daheimen stund/
Vnbs Vatterland vnd seine freund.
Die erst Tagreis er vberwandt/
Zu nacht er im ein Herberg fandt.

Ein

Vnd



Ein Edle Jungfraw war auch do /
Des war mein Herr Magister fro.
Als es nun ward vmb essens zeit /
Da kam der Wiert vnd setzt die Leut /
Wie hoch er den Magister schätzt /
Zu der Jungfrawen er in sagt /
Desselben wegert er sich nit /
(Es war im auch nicht weh damit)
Da brangt er do bey der Jungfrawen /
Vnd ließ viel Adlich Hofzucht schawen.
Im ward erbotten grosse Ehr /
Dasselb verdross ein andern sehr /
Der auch on solcher Tafel saß /
Der mocht die leng nicht sehen das.
Zu aller schalckheit war er gfiert /
Da saß er lang vnd Speculiert.
Wie im doch möcht ein schantz gelingen /
Das er in möcht zu schanden oringen /
Denn er dem wol geleerten Man /
Sein Ehr vnd guten sitz vergan /
Der doch an kein betrug gedacht.
Dieser het allzeit auff macht /
Was er thet / Redt / oder begundt /
Zu letst griff er zur selben stundt /
Mit einer handt an seinen kopff /
(Dasselb ersach der neidig tropff)
Daran er nur ein wenig fragt /
Nun hört wie in der Knebel sagt /
Magister wie habt jr ein weiß
Habt jr noch immer souiel Leuß
Ey beissen sie euch noch so sehr /
Ich meint jr hetten keine mehr /

hat

Hat euch die Leusß Salb nicht gebatt?
Die euch der Apotecker hat
Zu Leusen newlich Ordiniert/
Da jr den Leib mit habt geschmiert?
Nun ist er sunst ein Kunstreich Man/
Der solche ding wol machen kan.
Dasselber also ernstlich redt/
Das die Jungfraw geschworen hett
Ein Eyd / vnd all die waren do/
Wie dieser redt / es wer also.
Mit schanden der Magister saß/
Denn jederman thet glauben das/
Er saß ganz still an seinem ort/
Vnd redt da nicht ein einigs wort/
Denn er bey jm selbs wol gedacht/
Das in kein wehrwort helfen mocht/
Wie ers anfieng het ers verlorn/
Sein Hertz stach jm vollscham vnd zorn/
Das jm von solcher grossen schande/
Hinder dem Tisch gar nah geschwandt/
Vnd mocht nicht auffthun seinen Mundt
Den lawren auch nicht straffen kundt/
Vnd must in solchen schanden ston/
Das es ein mocht erbarmet hon.
Dis soltu zu ein Beispiel nemen/
Vnd dich vor keinem Menschen schemen
Acht nicht was du auff jemandts sagst/
Den du zu schanden bringen magst.
Des dings noch viel zu sagen wer/
Aber das Buch würd gar zu schwer.
Drumb streck nun selbs dein sinn daran/
Denn ihs nicht allser schreiben kan/

Dis

382

1
Diß sey dir gschrieben Kurtz vnd gut /
Wie mich das Flaccus heissen thut.
Vnd sey dir diß die Summ daruon /
Allzeit soltu ein gfallen hon /
Was grobe Anollen / Knöpf / vnd Flegel /
Vnd vngeschickte wüste Regel /
Mit irer grobheit mögen treiben /
Bey diesen soltu allzeit bleiben.
Was aber weise dapffre leut /
Gebieten / halt zu keiner zeit.
Vnd wo du kanst mit groben sachen /
Der Bursch ein groß gelechter machen /
So hastu dein ampt außgericht /
Vnd darffst keins andern Meisters nicht.
Nimb also diß in gutem an /
Vnd bleib allzeit ein Grobian.
Ende.

*Plures sanctas aliàs tibi dicere possem,
Sed mihi plus testam rumpere nolo meam.*

Beschluß.

Wolan es ist zum theil gemelt
Vnform vnd grobheit dieser welt /
Ich hoff mit lächerlichem schein /
Werd es auch vtelten nützlich sein /
Vnd werd ein jeder sich erkennen /
Wenn er hört seiner stück eins nennen.
Mancher steckt drinn biß vberd Ohren /
Der es noch lang zeit het verschworen.
Hiemit so will ich jederman
Auffs aller höchst gebeten han /

Das

Das er diß Büchlin wol betracht /
Es ist zu fröligkeit gemacht /
Doch das mans leß mit solchem bscheidt /
Das nutz auch sey bey süssigkeit /
Das alles gschrieben sey zur ler /
Vnd man darinn such Gottes ehr.
Ja besserten sich zehen dran /
Die arbeit wer mit nutz gethan.
So will ichs also umbher senden /
Ich hoffes soll viel vnzucht wendens
Vnd wils den allen hon befohlen /
Die etwas nutz darauffer holen /
Das sie / wenn sie diß Büchlin lesen /
Gedencken wer sie sind gewesen /
Vnd was sie noch siud für gesellen /
Vnd was sie künfftig werden wöllen.
Auch wer das in gesellschaft trag /
Ein andern gülich vnder sag /
So er sein Brüder irren sicht /
Vnd wöll der selbig zürnen nicht.
Vnd bitten Gott das er vns geb /
Das man hie rein vnd nüchtern leb /
Vnd sich die Sünd nicht meistern laß /
Das wir wandlen die rechte straf /
On Sünd vnd macel alle zeit /
Item beschleußt es Caspar Scheit.

*Nil erit ulterius quod nostris moribus addat
Posteritas.*

Gedruckt zu Franckfurt am Mayn /
durch Hermann Gölfferichen / in der
Schnergassen zum
Krug.

Faint, illegible text, likely bleed-through from the reverse side of the page. The text is arranged in several lines and appears to be a list or a series of entries, possibly related to a historical or scientific record. The ink is very light and the paper is aged and stained.




Ab. 154204


ULB Halle

3

001 924 222







Grobianus/
Von groben sitten/ vnd vn-
höflichen geberden/ Erstmals in La-
tein beschrieben / durch den wolgeler-
 ten M. Fridericum Dedekindum / vnd
 jezundt Verdeutschet durch
 Casparum Scheidt von
 Wormbs.



Liß wol diß Büchlin offte vnd viel/
 Vnd thu allzeit das widerpiel.

1 5 5 30

